

**Л.Н. ТОЛСТОЙ**



**БҮРИ БОЛАЛАРИНИ  
ҚАНДАЙ ҮРГАТАДИ**

**ЭРТАКЛАР  
ХИКОЯЛАР  
МАСАЛЛАР**

T63  
PI

Муҳаррир  
Шоҳида СОАТОВА

T 4803010101-25 13-92  
360 (04)-95

ISBN 5-8250-0241-3

© Ш. Отабоев (тарж.)  
Б. Омонов (тарж.)  
Г. Аксёнов (безак)



## УЧ АИИҚ

Бир қизалоқ ўрмонга боради. У ерда адашиб, уйини қидиради, тополмай, юриб-юриб, ахийри бир уйчага дуч келади.

Уйиниг эшиги очиқ экан. Қизалоқ мўралаб қараса ҳеч ким йўқ, ичкарига кириб уч айиқ яшашини билибди. Айиқларнинг биттаси ота бўлиб, уни Михаил Иванович дейишади. Ӯзи баҳайбат, жунлари паҳмоққина. Иккинчиси — она айиқ кичикроқ бўлиб, уни Настасья Петровна дейишади. Учинчи — кичкинтой айиқчани Мишутка деб эркалатишади. Айиқлар уйда йўқ бўлиб, ҳаммаси ўрмонга саир қилиб кетишган экан.

Уйда иккита хона бўлиб, биттаси емакхона, иккинчиси ётоқхона экан. Қизалоқ емакхонага кириб, столда обиёвғони билан қўйилган учта косага кўзи тушди. Биринчиси — каттароқ коса Михаил Ивановични, иккинчиси — ундан кичикроғи Настасья Петровнага тегишли, учинчиси — ҳаворанг косача Мишутканики экан. Ҳар бир косанинг ёнига каттакон, ўртамиёна ва кичкина қошиқ қўйилган.

Қизалоқ энг катта қошиқни олиб, катта косадаги овқатдан тотиб кўзига келиб уйчана корманини олиб, ўртача косадан еб куради, очиқ қошиқни сарпқосага ботириб тотинса Мишутканинг емиши ҳаммаси дан мазали тулоғади.

Қизалоқнинг ўтиргиси келади ва стол атрофидаги учта стулга кўзи тушади; каттаси Михаил Ивановичники, кичикроғи Настасья Петровнаники, учинчиси — мўъжазгина, ҳаворанг ёстиқча қўйилгани Мишутканики экан. Қизалоқ каттакон стулга тирмашиб чиқади-ю, юмалаб тушади; кейин ўртамиёна стулга ўтириб, ўзини ноқулайроқ сезади, сўнг кичик стулчага ўтириб, азбаройи ёқиб кетганидан қиқирлаб кулиб юборади. Қизалоқ ҳаворанг косачани тиззасига олиб, овқатдан ея бошлайди. Овқатни паққос туширгач, стулда тебраниб ўйнашга тушади.

Стулча синиб кетиб, қизалоқ пастга йиқилиб тушади. У ўрнидан туриб, стулни тўғрилаб қўйгач, бошқа хонага ўтади. У ерда учта каравот бўлади: каттаси Михаил Ивановичники, ўртамиёнаси Настасья Петровнага қарашли, учинчи — кичкинаси Мишутканики экан. Қизалоқ катта каравотга ётиб кўрса, ҳаддан зиёд кенг, ўртамиёнаси анча баланд, энг кичиги эса худди ўзига аталгандек лоппа-лойиқ әмиш. У шу кўйи каравотда ухлаб қолади.

Айиқлар эса уйга очиқиб қайтишади ва тамадди қилмоқчи бўлишади. Катта айиқ косасини кўриб, ваҳима билан ўкиради: «Косамдаги овқатга ким тегди?!

Настасья Петровна эса: «Косамдаги овқатни ким еди?» дея ғингшиб қўяди.

Мишутка эса бўшаб қолган косасини кўргач, «Косамга ким тегди, барини еб қўйипти!» дея ингичка товушда чийиллайди.

Михаил Иванович стулга кўзи тушиб, даҳшат билан ўкиради: «Стулимга ким ўтириди, ким уни жойидан қўзғатди?»

Мишутка ўзининг синиқ стулини кўргач, «стулимга ким ўтириди, ким синдириди?» дея чийиллайди.

Айиқлар бошқа хонага чиқишади. Михаил Иванович: «Ким жойимга ётди, ким мижиглади?» дея даҳшат билан ўкиради. Настасья Петровна: «Ким жойимга ётди, ким уни мижиглади?» дея ғингшиб қўяди. Мишутка бўлса курсича қўйиб, каравотига чиқади ва қулоқни қоматга келтириб чийиллайди: «Ким жойимга ётди?» У бирдан қизалоқни кўриб қолади ва худди бўғизлангандек чинқиради: «Мана у! Ушла! Мана у! Мана у! Эҳ, аттанг!»

Мишутка унга ташланмоқчи бўлади. Қизалоқ кўзини очиб айиқларни кўриб қолади ва ўзини деразага уради. Қизалоқ очиқ деразадан ўзини ташлаб, қочиб қолади. Айиқлар унга етолмайди.

## БУРГУТ

Бургут олис бир масканда ўзига ин қуриб, бола **өчди**.

Бир куни бургут панжаларида катта балиқ **билақ ат-**  
**рофида** одамлар ишлаётган ўша дараҳтдаги **инига** учиб  
келди. Одамлар балиқни кўриб, дараҳтни **қуршаб олиш-**  
**ди**, бақириб-чақириб, бургутга тош ота **бошлишди**.

Бургут балиқни ташлаб юборди, одамлар эса ўлжани  
олиб, жўнаб кетишиди.

Бургут ин четига қўнди, полапонлари эса бош **кўта-**  
**риб**, чийиллашиб, бирон егулик **сўрарди**.

Бургут чарчаган, яна дengиз томон учмоққа ҳоли йўқ  
эди. У инига тушиб, болакайларини қанотига олди, эр-  
калади, патларини силаб-сийпалади **ва гўё** яна озгина  
сабр қилишларини сўраб ўтингди. Аммо у эркалаган  
сайнин полапонлар баттар чийиллашибди.

Шунда бургут улардан нари учиб, тепароқдаги шохга  
қўнди.

Бургутчалар оҳ-воҳ уриб, янада аянчлироқ чийиллашибди.

Шунда бургутнинг ўзи ҳам қаттиқ қичқириб юборди,  
қанотларини ёзди **ва** дengизга учиб кетди. У шу кетган-  
ча кечқурун қайтди: ер узра сассиз, паст учиб келди;  
панжаларида яна катта балиқ бор эди.

У дараҳтга яқинлашашётганда яна одамлар йўқмикин  
дея атрофга аланглади, тезгина қанотларини йифди **ва**  
ин четига қўнди.

Бургутчалар бош **кўтариб**, оғизларини каппа очди,  
бургут эса балиқни нимталаб, полапонларини овқатлан-  
тириди.

## ЧУМЧУҚ ВА ҚАЛДИРФОЧ

Бир куни ҳовлига чиқиб, том бўғотидаги қалдирфоч  
инига қарадим. Иккала қалдирфоч ҳам кўз олдимда  
учиб кетди **ва** инлари бўшаб қолди.

Қалдирфочлар йўқлигига томдан бир чумчуқ учиб туш-  
шиб, атрофга аланглаб, қанот қоқди-ю, лип этиб қал-  
дирфочларнинг инига кириб кетди; сўнг у ердан бошини  
чиқариб, чириқлай бошлиди.

Кўп ўтмай қалдирфоч қайтиб келди. У инига бош **сук-**  
**ди**, аммо меҳмонни кўрган заҳоти чийиллаб юборди, қа-  
нотларини потирлатиб учиб кетди.

Чумчуқ эса ўша ўтирганча чириқлар эди,

Тўсатдан бир тўда қалдирғочлар ёпирилиб келишиди:  
улар гўё чумчукни бир кўриб қўймоқчидек инга қўниб,  
яна учиб кетишарди.

Чумчук эса пинагини бузмади, бошини ўгириб қўйиб,  
чириқлайверди.

Қалдирғочлар яна инларига келиб қўнар, нимадир  
қилишар ва яна учиб кетишар эди.

Қалдирғочлар бекорга учиб келишмаётганди: ҳар  
бирн тумшуғида лой олиб келар ва иннинг тирқишини  
оз-оздан суваб, беркитишар эди.

Қалдирғочларнинг борди-келдиси тинмади, инни яна-  
да дадилроқ сувай бошладилар; тирқиш эса тобора  
торайиб бораверди.

Олдинига чумчукнинг бўйни кўриниб турувди, кейин  
боши, сўнг тумшуғи, ундан кейин эса ҳеч нарса кўрин-  
май қолди, қалдирғочлар уни бутунлай инга қўшиб су-  
ваб ташлагач, учиб кетишди ва уй атрофида чирқиллаб  
айланба бошладилар.

## ҚУЗҒУН ВА УНИНГ БОЛАЛАРИ

Қузғун оролда ўзига ин қуриб, бола очгач, уларни  
ерга элта бошлади. Аввал полапонларидан биттасини  
олиб дengiz узра парвоз қилди. Қузғун дengиз ўртасига  
боргандা толиқиб, сустроқ қанот қоқа бошлади ва ўзи-  
ча ўйлади: ҳозирча куч-қувватим етарли, болам ҳали  
нимжон, уни дengиздан олиб ўтъяпман, аммо у улғайнб,  
куч-қудратга тўлиб, мен эсам қарилликдан силлам қури-  
гач, чеккан заҳматларимни эслармикин ва мени бир  
жойдан иккинчи жойга элтармикин? Шунда қузғун бо-  
ласидан сўради: «Мен куч-қувватдан қолиб, сен эса ба-  
қувват бўлганингда мени шунаقا кўтариб юрасанми?  
Тўғрисини айт!» Қузғунча отаси дengизга ташлаб юбо-  
ришидан қўрқиб, «ҳа» деди. Аммо ота ўғлига ишонмади,  
ианжаларини ёзиб, боласини ташлаб юборди. Полапон  
худди кесакдек пастга тушиб, дengизга чўкиб кетди.  
Қузғун дengиз узра оролга ёлғиз қайтиб келди. Кейин  
у бошиқа қузғунчани кўтариб, яна парвоз қилди. Дengиз  
ўртасида яна толиқиб, боласидан қариганимда бир жой-  
дан иккинчи жойга элтасанми, деб сўради. Ўғли ота  
ташлаб юбормасин дея қўрқиб, «ҳа» деди.

Ота бу боласига ҳам ишонмай, дengизга ташлаб  
юборди. Қузғун орқага қайтиб, инига учиб келганда  
Фақат битта полапон қолган эди. У охирги боласини

олиб, денгиз томон парвоз қилди. Денгиз ўртасига етиб, ҳолдан тойғанда сўради: «Қаріб-қартайганимда мени боқиб, бир жойдан бошқа жойгà элтасанми?» Қузрунча: «Йўқ», деди. «Нега энди?» деб сўради отаси. «Сен қартайиб, мен улгайганимда ўзимнинг иним ва полапонларим бўлади, мен ўз болаларимни боқиб, кўтариб юраман». Шунда қузғун ўйланиб қолди: «У тўррисини айтди, шунинг учун ҳам сал жонимни койитиб, дengиздан олиб ўтай». Қузғун боласини ташлаб юбормади, сўнгги кучини йириб, қанот силкиди ва полапонимни қуриб, бола очсин дея уни ерга элтиб қўйди.

## ДАНАК

Она олхўри сотиб олди ва уни тушликдан сўнг болалига бермоқчи бўлди. Вания ҳеч қачон олхўри емагани учун ликопчада турган мевани ҳидлаб кўрди. Олхўри жудаям ёқиб кетди. Жудаям егиси келди. Олхўридан нари кетолмай қолди. Хонада ёлғиз қолганда ўзини тийолмай битта олхўри олиб, еб қўйди. Тушлик олдидан она санаб кўрсаки битта олхўри кам. Она воқеани отага айтди.

Тушлик қилишаётганда ота шундай деди: «Болаларим, мабодо орангизда ҳеч ким олхўрининг биттасини еб қўймадимикин?» Ҳамма «Йўқ» деб жавоб қилди. Вания қип-қизарив кетди ва у ҳам: «Йўқ, мен емадим», деди.

Шунда ота деди: «Ким еган бўлса ҳам яхши бўлмапти, аммо гап бунда эмас. Гап шундаки, олхўрининг данаги бор, кимки ейиши билмай уни ютиб юборса бир кундан сўнг ўлади. Мен шундан қўрқяпман».

Вания бўзарив кетди ва: «Йўқ, мен данагини деразадан отворганман», деди.

Ҳамма шарақлаб кулди, Вания бўлса йиғлаб юборди.

## ЭШАК ВА ОТ

Бир одам эшаги ва оти билан йўлда кетаётган экан. Юки оғир эшак отга дебди: «Юким оғирлик қиляпти, ҳаммасини бир ўзим тортолмайман, ҳеч бўлмаса озорни олгин». От қулоқ солмабди. Эшак зўриққанидан ётиб қолибди ва жони узилибди. Хўжайнин эшакнинг бор юкини олиб, отга юклабди, устига эшакнинг терисиниям қўшиб қўйибди, от зорланиб, нола қилибди: «Ох,

шонам шўр экан! Озгина ёрдам қилишни истамовдим, мана энди ҳаммаси гарданимга юкланди, қолмишига териниям ортиб қўйди».

## ЗОҒЧА ВА КАПТАРЛАР

Зоғча капитарларнинг тўкин-сочинликда яшаётганини кўриб, оқقا бўялиб олибди ва капитархонага ўзини урибди. Каптарлар аввалига уни ўзимизники деб ўйлаб, индашмабди. Аммо зоғча хаёли фаромуш бўлиб, ўз тилида чуғурлаб қўйилти. Шунда капитарлар уни чўқиляб, ҳайдаб юборишибди. Зоғча ўз қавмига қайтиб борибди, аммо унинг оппоқлигидан ҳадиксираган зоғчалар ҳам уни ҳайдаб солишибди.

## КЕҚСА БОБО ВА НАБИРА

Бобо қариб, мункиллаб қолибди. Юришдан, кўришдан қолибди, тишлари тўкилган, қулоқлари эшитмас экан. Овқат еса оғзидан емиши тўкилиб кетаркан. Үғли билан келини уни столга ўтқазмай қўйишибди; бобони печка устида овқатлантиришаркан. Бир гал унга ликобчада овқат беришибди. Бобо уни ўзига тортаман деб туширворибди ва синдириб қўйибди. Келин бобони ҳамманинг кўзига тиканак бўлиб, бор нарсани синдиргани учун қарғай кетибди, энди тоғорада овқат бераман депти.

Бобо хўрсиниб қўйибди-ю, ҳеч нарса демабди. Эру хотин бир куни уйда ўтириб, ўғилларининг ёғоч ўйнаганча бир нима ясаётганини кўриб қолишибди. Отаси: «Нима қиласан, Миша?» — деб сўрабди. Миша «Онам билан бирга қариганингларда сизларни боқиш учун тоғора ясаяпман», дебди.

Эру хотин бир-бирига тикилиб, йиглаб юборишибди. Чолни шунчалар хўрлашгани учун уялишибди; улар шундан буён бобосини дастурхонга ўтқазиб, кўнглини ола бошлишибди.

## АРСЛОН, АЙИҚ ВА ТУЛКИ

Арслон билан айиқ ўлжа талашиб, жиққа мушт бўлишибди. Айиқ ҳам, арслон ҳам ён беришни хоҳлаш-

мабди. Олиша-олиша иккови ҳам ахиири сулайиб, ётиб қолибди. Шунда тулки ударнинг ўртасида ётган гўшти ни кўриб қолиб илиб кетибди.

## ЎҚИМИШЛИ УРИЛ

Ўрил шаҳардан қишлоққа — отасининг олдига келибди. Отаси ўғлига: «Ҳозир ӯрим маҳали, ҳаскашни олиб юргин, ёрдамлашиб юборасан», дебди. Ўрилнинг ишлашга тоби йўқ экан, тайсаллаб жавоб қилибди: «Мен илмга ўқиганман, дедқонча сўзлар эсимдан чиқибди, ҳаскаши нимаси?»

Ўрил шундоқ ҳовлига чиққан экан, ҳаскашни босиб олибди: ҳаскаш тарс ётиб пешонасига урилибди. Шунда у ҳаскаш нималигини өслаб, пешонасини чангллаганча: «Қайси аҳмоқ бу ерга ҳаскашни ташлаб қўйди!» депти.

## АРСЛОН ТЕРИСИНИ ЁПИНГАН ЭШАҚ

Эшак арслон терисини ёпиниб олган экан, ҳамма уни арслон деб ўйлабди. Одамлар ва ҳайвонлар тумтарақай қочиб кетибди. Шамол туриб, тери кўтарилгач, эшакнинг ўзи кўриниб қолибди. Одамлар қайтиб келиб, эшакни ўлакса қилиб калтаклашибди.

## ТОВУҚ ВА ҚАЛДИРФОЧ

Товуқ илон тухумини топиб олибди ва уни босиб, очиб чиқмоқчи бўлибди. Буни кўрган қалдирфоч шундай дебди:

«Э-э тентак! Тухумни очиб ҳам чиқарсан, аммо у вояга етиб, ўз бошиннга бало бўлади-ку!»

## БУҒУ ВА УНИНГ БОЛАСИ

Буғунинг боласи сўрабди:

«Отажон, сен итдан каттасан, югуриксан, бунинг устуга ҳимояланишга баҳайбат шохларинг ҳам бор, нима учун энди итлардан бунчалик кўрқасан?»

Буғу кулиб, шундай дебди:

«Тўғри айтасан, болам. Ҳамма бало шундаки, итлар-  
нинг ҳурицини эшитишим биланоқ ўйлашга улгурмай-  
май, оёқларим ўз-ўзидан гизиллаб кетаверади».

## ХИЗМАТКОРЛАР ВА ХУРОЗ

Уй бекаси хизматкорларини тоғғ отмай уйғотар, хў-  
роз қичқириши билан уларни ишга солар экан. Хизмат-  
корларнинг тоқати тугаб, бекани чийғотавермасин деб  
хўроznи ўлдиришга қасд қилишибди. Ўлдиришибди-ю,  
аммо яна баттар бўлишибди, бека үхлаб қолишдан қўрқиб,  
хизматкорларини янада барвақт уйғотадиган бўлишибди

## ТУЛКИ ВА ЭЧКИ

Эчки чаңқаб, сув ичкиси келиб, тик жарликдан бу-  
лоққа тушиб, қорни қаппайгунча ичибди. Тепага қайт-  
моқчи бўйтан экан, чиқолмай қолибди. Шунда у ўкира  
бошлабди. Тулки кўриб қолиб, гап қотибди:

«Э-э каллаварам! Селкиллаган соқолингга яраша  
каллангда ақл ҳам бўлганда эди, пастга тушишдан ол-  
дин қандай чиқишини ўйлаган бўлар эдинг».

## БЎРИ ВА ТУРНА

Бўрининг томоғига суяқ тиқилиб қолибди ва уввало  
уринмасин, чиқаролмабди. У турнани чақириб, дебди:

«Қани турнавой, сенинг бўйнинг узун, томоғимга бо-  
шингни тиқиб, суякни олиб ташла, ҳақини бераман».

Турна бошини тиқиб, суякни олиб ташлагач, сўрабди:  
«Қани энди ҳақи?»

Бўри тишларини ғижирлатиб, дағдаға қилибди:

«Томоғимга бошингни тиққанингда узиб олмаганим  
учун шукр қилмайсанми?»

## ҮРДАК ВА ОЙ

Үрдак анҳорда сузиб, балиқ қидирибди ва кун бўйи  
биронта ҳам тутоглмабди. Қоронри тушганда у сувдати  
ой аксини кўриб, балиқ деб ўйлабди ва тутмоқчи бўлиб



шўнғибди. Бошқа ўрдаклар буни кўриб, ундан кулишибди.

Уша воқеадан кейин ўрдак сув остида балиқни кўрсаҳам қарамабди. Ахийри, шунчалик ийманганидан, чўчиғанидан очидан ўлибди.

## ҚҮЁНЛАР ВА БАҚАЛАР

Кунларнинг бирида қүёнлар тўпланиб, тирикчилигидан нолишибди: «Одамлар, итлар, бургутлар ва бошқа ҳайвонлар дастидан бизга кун йўқ. Қўрқиб, азоб чекиб яшагунча биратўла ўлиб қўя қолган яхши. Келинглар, чўкиб кетамиз!»

Қуёнлар чўкиш учун кўлга йўрғалалишибди. Бақалар қуёнларнинг шарпасини эшишиб, ўзларини ин-инига уришибди. Шунда бир қуён гап қотибди:

«Шошманглар, оғайнилар! Чўкиш қочмайди, мана, бақа шўрликларнинг аҳволи бизникидан ҳам харобга ўхшайди: улар биздан ҳам қўрқишаркан».

## НОКЛАРНИНГ АСИЛИ

Хўжайин хизматкорини нокка юбораётуб тайинлаб: «Энг асилидан олиб келгин», дебди. Хизматкор бозорга бориб, нок сўрабди. Сотувчи нок узатган экан, хизматкор шундай дебди:

«Йўқ, сен менга энг асилидан бергин».

Сотувчи айтибди:

«Биттасини тотиб кўрсанг мазасини биласан-қўясан».

«Биттасини еган билан ҳаммасининг мазасини қандай биламан?» дебди хизматкор.

У ҳар бир нокдан бир-бир тишлаб кўрибди ва уларни хўжайинига олиб келибди. Хўжайини уни ҳайдаб юборибди.

## УЧТА ҚАЛАВА НОН ВА БИР ТЕШИҚ ҚУЛЧА

Бир кишининг қорни очқабди. У калава нон сотиб олиб ебди, яна егиси келибди. Бошқатдан калава нон сотиб олиб ебди, яна егиси келаверибди. У учинчи калаваниям ебди ва яна егиси келаверибди. Кейин у бит-

та тешик кулча сотиб олиб еган экан, тўйиб қолибди. Шунда у бошига бир муштлаб, тўнгиллабди:

«Асли ўзим тентакман! Беҳуда шунча ҳадава нонинг рангини ўчирдим. Олдинроқ битта тешик кулча еб қўя қолсам бўларкан».

## БУЗОҚЧА МУЗ УСТИДА

Бузоқча хилват жой, пучмоқларда чопқиллаб, елиб югуришнинг анча ҳадисини олибди. Қиши тушганда бузоқчани бошқа подага қўшиб, сугоргани музламага ҳайдишибди. Ҳамма сигирлар тоғорага эҳтиётланиб яқинлашса, бузоқча думини хода қилиб қулогини диккайтирганча гир айланади. Ҳали бир қур' айланар айланмас оёғи тойиб, боши билан тоғорага урилибди.

«Шўрим қурсин!— депти у ўкириб.— Тизза бўйи со-монлар устида шаталоқ отиб йиқилмаган мана энди теп-текис жойда тойғониб ўтирибман».

Қари сигир шундай депти:

«Ғўр бузоқча бўлмасанг, енгил чопқиллаб юриладиган жойда ўзингни тутиб юриш қийинроқ әканини тушинардинг».

## ЛОЧИН ВА ХУРОЗ

Лочин эгасига ўрганиб қолган, чақирса қўлига бориб қўнар, хўроз әгасидан қочиб юрар, ким яқинлашса қоғлаб шовқин солар экан. Лочин хўроэзга гап қотибди:

«Сиз хўроздар асли ношукрсиз, қонинглар бузуқ Қорнинглар очсагина хўжайнинга қайишасиз. Биз ёввойиларда куч ҳам сероб, учсак ҳаммадан ўзиб кетамиз, аммо одамлардан ётсирамаймиз, қайтанга чақиришса ўзимиз бориб қўлига қўнамиз. Биламизки улар бизни боқишида».

Хўроз шундай жавоб қилибди:

«Сизлар ҳеч қачон қовурилган лочинни кўрмаганингиз учун ҳам одамлардан ётсирамайсиз, биз бўлсан қовурилган хўроэни тез-тез кўриб турамиз».

## ФИЛ ВА ШОҚОЛЛАР

Шоқоллар ўрмондаги бор ўлаксаларни аллақачон пәкъос тушириб бўлишганидан ейишга ҳеч вақо тополмабди. Қари шоқол қорин ғамини бир ёқли қилиш йўлини ўйлаб топибди. У филнинг олдига бориб, шундай депти:

«Бир шоҳимиз бор, жа-а ҳаддидан ошиб кетди: нуқул бажариб бўлмайдиган ишларни буюради, энди бошқа шоҳ сайламоқчимиз, қавмимиз сени бизга шоҳ бўлармикин деб мени олдингга юборди. Тирикчилигимиз яхши, нима буюрсанг ҳаммасини бажарамиз, иззатингни ҳам жойига қўяшимиз. Кетдик биз томонга».

Фил рози бўлиб, шоқолнинг ортидан эргашибди. Шоқол уни ботқоққа бошлабди. Фил ботқоққа ботгач, шоқол шундай депти:

«Энди буюравер, нима десанг шуни қиласмиш».

Фил фармон берибди:

«Мени бу ердан тортиб чиқаришларингни буюраман».

Шоқол истеҳзо билан кулиб, депти: «Хартуминг билан тармаш — ҳозир тортиб чиқараман».

Фил депти:

«Ахир мени дум билан тортиб чиқариш мумкинми?»

Шоқол эса шундай жавоб қилибди: «Ундай бўлса нега бажариб бўлмайдиган ишни буюрасан? Биз олдинги шоҳимизни ҳам шунаقا бажариб бўлмайдиган ишни буюргани учун ҳайдаб юборувдик».

Фил ботқоқликда ўлиб қолгач, шоқоллар уни еб қўшишибди.

## ЧОЛ ВА АЖАЛ

Бир куни чол ўтин ёрибди ва уни орқалаб жўнабди. Анча йўл босгач ҳориб-чарчабди, юкини ерга қўйиб, депти: «Уфф, қапийди ажали келиб жонимни олса!» Ажал ҳозир бўлиб, сўрабди: «Мен шу ердаман, нима дейсан?» Чол қўрқиб кетиб, шундай депти: «Ўтинни орқамга олволишим керак эди».

## ТУЛКИ

Тулки қопқонга тусиб, думини узиб олиб қутулибди. У энди ҳижолатдан қандай қутулсам экан дея ўйлай



бошлабди. Тулкиларни тўплаб, думларини кесиб ташлашга кўндиromoқчи бўлибди: «Дум деган нарсанинг асли кераги ҳам йўқ, беҳуда ортиқча юкни оптимииздан судраб юрибмиз». Тулкилардан биттаси шундай депти: «Эҳ, ўзинг чўлтоқ бўлмаганингда-ку бундай демасдинг-а!»

Тулки дами ичига тушиб жўнаб қолибди.

## ЧИВИН ВА АРСЛОН

Чивин арслоннинг олдига учиб келиб, шундай дебди: «Сен ўзингни мендан кучлиман деб ўйларсан? Тушингни сувга айт! Қанақасига сенда куч бўлсин? Панжаларинг билан юмдалашиб, тишларинг билан ғажилашинги олсак, хотинлар ҳам эркаклар билан худди шунаقا уришишади. Мен сендан кучлиман, хоҳласанг чиқ, ташлашамиз!» Чивин ғинғиллаб, арслоннинг лунжи ва бурнини чақа кетибди. Арслон юз-кўзларини панжалири билан уриб, тирноқлари билан ўймалаб ташлабди. Ўз башарасини қонга бўяб, ҳолдан тойибди.

Чивин гердайиб, ғинғиллаганча учиб кетибди. Қейин ўргимчак тўрига илиниб қолибди ва ўргимчак унинг қонини сўра бошлабди. Шунда чивин зорланиб дебди: «Арслондай кучли ҳайвондан эўр чиқдиму ўргимчакдай ипирисқининг дастидан ўлиб кетяпман».

## ОТ ВА УНИНГ ЭГАЛАРИ

Боғбоннинг оти бор экан. Отга иш кўп, емиш эса оз экан. У бошқа хўжайинни орзу қилиб, худога илтижо қила бошлабди. Айтгани ижобат бўлибди. Боғбон отини кулолга сотибди. От суюнибди, аммо кулолникида иш олдингидан ҳам кўп экан. От яна пешонаси шўрлигидан нолибди ва яхшироқ хўжайинни тусаб, худога илтижо қила бошлабди. Бу тиласи ҳам рўёбга чиқибди. Кулол отни кўнчига сотибди. От кўнчининг ҳовлисида от териларини кўриши ҳамон кишинаб юборибди: «Оҳ, шўргинам қурсин! Олдинги хўжайнинмнинг қадрига ётмабман, мана энди мени ишга эмас, теримни шилишга сотишибди».



## БОДРИНГ ЎФРИСИ

Бир киши полизчиникига бодринг ўғирлагани борибди. У полизга пусиб келиб, хаёл суриб кетибди: «Мана шу бодрингдан бир қопини ўмариб, сотаман, пулига товуқ оламан. Товуғим тухум қиласы, курк бўлганда тухумга бостираман, кўп жўжа очиб чиқади. Жўжаларни боқиб, сотаман, пулига чўчқа сотиб оламан, у ҳам болалайди. Чўчқаларни сотиб, бия оламан, биям қулунлади. Қулунларни боқиб, сотаман, уй-жойли, томорқали бўламан. Томорқага бодринг экаман, ўғирлатиб қўймайман, қоровулнинг зўридан қўяман. Қоровулларни ёллаб, бодринг тепасига ўтқазаман, ўзим атрофда айланиб юриб: «Ҳей, тузукроқ қўриқланглар!» дея бақириб қўяман. Азбаройн кўкини хайлга берилганидан бироннинг томорқасида ўтирганини унугибди, томоғи йиртилгудек қийқириб юборибди. Буни эшитган қоровуллар югуриб келиб, ўгрини роса дўпюослашибди.

## АРСЛОН ВА ТУЛКИ

Арслон қариб-қартайиб, ҳайвонларни тутолмайдиган бўлибди ва ҳйла билан тириклилик йўлига ўтибди: ғорга кириб, ўзини касалликка солиб ётаверибди. Ҳайвонлар ундан ҳол-аҳвол сўраб кела бошлишибди, у эса ғорга бош суққанларни қиyrатаверибди. Тулки нимкосани пайқаб, ғор олдидан гап қотибди: «Хўш, арслон, аҳволлар қалай?»

Арслон дебди: «Аҳволим чатоқ. Дарвоқе, нега буёқ-қа кирмаяпсан?»

Тулки шундай жавоб қилибди: «Кирмаётганим шунданки, изларни кўриб турибман — кирмоқ бору чиқмоқ йўқ экан».

## ИККИ ЎРТОҚ

Икки ўртоқ ўрмонда кетишаётган экан, бирдан уларга айиқ ташланибди. Улардан бири қочиб, дарахтга чиқиб яширинибди, иккинчиси эса йўлда туриб қолибди. Бошқа иложини топмагач, у ерга мукка тушиб, ўзини ўлганга солибди.

Айиқ унга якинлашиб, ҳидлаб кўрибди: у нафа олмай ётаверибди.

Айиқ юзларини искалаб, ўлик экан деб ўйлабди ва жўнаб кетибди.

Айиқ кетгач, дарахтга чиқсан шериги пастга тушиб, кулибди:

«Хўш, айиқ қулогингга нима деб шивирлади?»

«У менга, хавф туғилганда дўстларини ташлаб қочадиганлар ёмон одам бўлади, деди».

## ЖОНҚУШ

Үйимизда дераза ортига чумчук ин қуриб, бешта тухум қўйди. Биз опа-сингиллар чумчуқнинг эринмай чўп, пар ташиб, ўзига ин қуришини кузатиб турдик. Кейим у тухум қилганда жуда єуюниб кетдик. Чумчук инига бошқа чўп-мўп ташиб юрмади, тухумни босиб ётди. Эркак чумчук ўз жуфтигачувалчанг келтириб боқар эди.

Орадан бир неча кун ўтгач, дераза ортидан чийиллашни эшийтдик, чумчук уясида бешта патсиз, қанотсиз, жиши қушчаларни кўрдик; тумшуқлари сап-сариқ ва юмшоқ, бошчалари катта-катта эди.

Улар кўзимизга анча хунук кўринди ва аввалгидай суюнмай қўйдик, фақат ҳар замонда нима қилишяптийкин дея қараб қўярдик. Онаси тез-тез емиш қидириб учиб кетар ва у қайтиб келганда қушчалар чийиллаб, сариқ тумшуғни капна очишар, онасичувалчангни майдалаб, полапонларни боқар эди.

Бир ҳафта ўтгач, чумчуқларга анча жон кирди. патлари ўсиб, кўримли бўлди ва биз яна уларга элакишидик. Эрталаб дераза ортига чумчуқларни томоша қилгани борсак, уларнинг энаси ўлиб ётибди. Чумчук кечаси деразага қўнганча ухлаб қолган ва деразани ёпишатганда жонивор қисилиб, ўлганини фаҳмладик.

Қушни олиб майсалар устига ташладик. Полапонлар чийиллашди, бошларини чиқариб, тумшуқларини очди, аммо энди уларни боқадигани йўқ эди.

Катта синглим шундай деди: «Мана энди улар етим қолди, қаровчиси йўқ, келинглар, ўзимиз боқиб оламиз!»

Биз суюниб кетдик, бир қутичани олиб, тагига қоғоз, латта-путта тўшадик ва унга қушчаларни ини билан жойлаб, уйга келтирдик. Кейин чувалчанг қазиб, ионни сутга бўқтириб, чумчуқларни боқа бошладик. Улар хўра эди; бошчаларини силкитишиб, тумшуқчаларини қутига суйкашар, ҳаммаси шўх-шаддод эди.

Шундай қилиб, кун бўйи қушчаларни боқдик, қувон-  
чимизнинг чеки йўқ эди. Эртаси куни саҳарлаб қутига  
қарасак, энг кичкина чумчуқча ўлиб ётибди, оёқ пан-  
жалари қофозга ўралиб қолибди, Биз уни ташлаб юбор-  
дик, бошқаси ҳам ўралашиб қолмасин деб ҳамма лат-  
та-путталарни олиб, қутига майса ва ипак қофоз тўша-  
дик. Аммо кечқурунга бориб яна иккита чумчуқчанинг  
қанотлари керилди, оғизлари очилиб, кўзлари юмилди  
ва ўлиб қолишиди.

Икки кундан кейин тўртинчи полапоннинг ҳам жони  
узилди ва энди ёлғиз битта жонивор қолди. Биз чум-  
чуқларни бўқтириб қўйганимизни билдик.

Синглим полапонларига ачиниб йиғлади ва сўнгги  
чумчуқчани бир ўзи боқа бошлади, биз фақат томоша  
қилиб турадик. Сўнгги — бешинчи чумчуқча шўх, те-  
тиқ ва дадил эди; биз уни Жонқуш деб чақирардик.

Жонқушнинг жони маҳкам экан, ўсиб, учадиган ва  
отили биладиган бўлди.

Синглим, «Жонқуш, жонқуш!» деб чақирса чумчуқ-  
ча учиб келиб, елкасига ёки бошига, қўлига қўнар ва  
унинг қўлидан овқатланар эди.

Кейин у улғайиб, ўзи емишини топиб ейдиган бўлди.  
Чумчуқча болаҳонада яшар, гоҳо деразадан учиб кетар,  
аммо ҳамиша қутидаги катагига келиб ётар эди.

Бир куни Жонқуш катагидан чиқмади: бошқа чум-  
чуқчалар ўлими олдидан қилганидек ҳўл қанотларини  
керди. Синглим қушчанинг ёнидан жилмади, аммо у  
ҳеч нарса емас ва ичмас эди.

Жонқуш уч кун касал бўлиб ётди ва тўртинчи куни  
ўлди. Бечоранинг панжалари диккайганча чалқанча ўлиб  
ётганини кўриб, уччала опа-сингил ув тортиб йиғлашга  
тушдик, онам нима гап экан дея тепага югуриб чиқди.  
У ичкарига кириб, столда ўлиб ётган чумчуқчани кўр-  
ди-ю, қайғумизни тушунди. Бир неча кунгача синглим-  
нинг томогидан овқат ўтмади, ўйинга ҳам қўшилмай  
йиғлагани йиғлаган эди.

Жонқушни энг яхши латта-путталарга ўраб, ёғоч  
қутига солдик ва боққа олиб бориб кўмдик. Кейин  
қабрини дўппайтириб, устига тош қўйиб қўйдик.

## ЧУМОЛИ ВА КАПТАР

Чумоли чанқаб, сойга тушиб сув ичаётганида тўлқин  
уни ювиб кетибди ва чўкишига озгина қолибди. Каптар

чўпни тишлиб, учиб кетаётган экан, чумолининг чўкаётганини кўриб, сойга чўпни ташлабди. Чумоли чўпга тирмасиб чиқиб, кутулиб қолибди. Шундан кейин овчи капитарга тузоқ қўйиб, тўрни тортишга тоғланибди. Чумоли овчининг олдига ўрмалаб келиб, оёғидан тишлибди. Овчи оҳ уриб, тўрни қўлидан ташлаб юборибди. Каптар потирлаб учиб кетибди.

## ОЛТИН СОЧЛИ МАЛИКА

Ҳиндистонда олтин сочли бир малика бўлган экан. Унинг ёвуз ўгай онаси бор экан. Ўгай она олтин сочли ўгай қизни ёмон кўрганидан шоҳни авраб, қизини саҳрога элтиб ташлашга кўндирибди. Олтин сочли маликани олис саҳрога ташлаб келишибди. Бешинчи кун деганда малика арслонни миниб, отасининг ҳузурига қайтибди.

Шунда ўгай она олтин маликани фақат калхатлар яшайдиган ёввойи тоғларга юбортирибди. Калхатлар тўртинчи куни маликани саройга келтириб қўйишибди.

Шундан кейин ўгай она маликани дengiz ўртасидаги кимсасиз оролгà элтиб ташлатибди. Балиқчилар олтин сочли маликани кўриб қолишибди ва олтинчи куни уни зиён-заҳматсиз отаси ҳузуринга олиб келишибди.

Шундан сўнг ўгай она ҳовлида чукур қудуқ қазлирибди ва унга маликани ташлаб, устидан тупроқ торттирибди.

Олтинчи кун деганда малика кўмилган жойда ёрқин шуъла пайдо бўлибди ва шоҳнинг амри билан ерни қазиб, маликани қутқариб олишибди.

Ана шундан кейин ўгай она тут тўнкасини ўйдириб, маликани беркитибди ва уни дengизга қўйиб юборибди.

Тўққизинчи кун деганда дengиз олтини сочли маликани Япония тупрогига элтибди ва японлар тўнкадан қизни чиқариб олишибди. У тирик экан.

Аммо малика соҳилга қадам қўйиши биланоқ ўлибди ва ипак қуртига айланниб қолибди.

Ипак қурти тутга ўрмалаб чиқиб, япроқларини ея бошлабди. У зўрайгач, жонсиз бўлиб қолибди: на овқат ер, на қимирлар эмиш.

Бешинчи кун — айни арслон маликани саҳродан олиб келган муҳлатда қурт жонланиб, яна барг ея бошлабди.

Қурт яна бироз зўрайгач, тагин ўлибди ва тўртин-

чи — айни калхатлар маликани қайтариб келган кунда тирилиб, яна барг ейишга тушибди.

Яна ўлибди ва айни малика қайиқда балиқчилар билан уйига келган куни тағин жонланибди.

Яна тўртинчи марта ўлибди ва олтинчи — қудуқдан қазиб олинган кунда тирилибди.

Ва яна охирги марта ўлиб, тўққизинчи кун деганда — малика Япония соҳилларига келган муҳлатда ипакли олтин гумбаз ичида тирилибди. Фумбакдан капалак учиб чиқиб, уруғ қўйибди, бу уруғлардан қуртлар чиқиб, бутун Японияга тарқалибди.

Японлар қуртни кўплаб урчитишар, мўл-кўл ипак етиширишар экан: ипак қуртининг биринчи уйқуси арслон уйқуси, иккинчиси — калхат уйқуси, учинчиси — қайиқ уйқуси, тўртинчиси — ҳовли уйқуси ва бешинчиси — кунда уйқуси дейиларкан.

## АРСЛОН ВА СИЧҚОН

Арслон ухлаб ётарди. Сичқон унинг устига чиқиб, кўргалаб кетди. Арслон уйғониб, сичқонни тутиб олди. Сичқон қўйворишни сўраб, илтижо қилди: «Агар мени қўйворсанг сенга ҳам яхшилик қиласман». Арслон сичқоннинг яхшилик қиласман деганидан кулиб қўйди ва уни қўйиб юборди.

Кейинчалик овчилар арслонни тутиб олишди ва дарахтга боғлаб қўйишиди. Сичқон арслоннинг наърасини ёшитиб етиб келди ва арқонни кемириб, тутқунни қуттарди ва шундай деди: «Эсингдами, сенга яхшилик қиласман деганимда устимдан кулувдинг, мана энди сичқон ҳам яхшилик қила олиши мумкинлигини кўриб тўрибсан».

## ТАДВИРКОР ДЕҲҚОН

Бир шаҳардаги майдонда каттакон ҳарсангош ётарди. Тош анча жойни эгаллаган ва ўтган-кетганга халаҳит берар эди. Муҳандисларни чақириб, тошни қандай олиб ташлаш лозимлиги ва бунинг харажати қанчага тушниши мумкинлигини сўрашди.

Вир муҳандис тошни порох билан парчалаб, бўлакдарини ташиб кетищ керак, бу 8000 минг сўмга тушади деди; иккинчиси тошнинг тагига аравача олиб келиб,

ғилдиратиб чиқарвориш керак, бу 6000 минг сўмга ту-  
шади деди.

Бир деҳқон бўлса: «Тошни ўзим олиб ташлайман,  
ҳақига юз сўм кифоя», деди.

Деҳқондан буни қандай уddeлайсан деб сўраши. У шундай жавоб қилди: «Мен тошнинг тагидан каттакон ўра қазийман; тупроғини майдонга чиқариб, тошни ўрага юмалатаманда ерни текислаб қўяман».

Деҳқон худди шундай қилди ва унга ўша юз сўмини бериб, тадбиркорлиги учун яна юз сўм қўшиб, сийлашиди.

## СУДОМА

Псков губерниясининг Пороховский уездиде Судома деган дарё бўлар, дарёнинг икки соҳилида бир-бирига рўбарў икки төғ бор эди.

Тоғларнинг бирида илгари Вишгород деган шаҳарча бўлган, иккинчисида славянларни суд қилишган экан. Қексаларнинг нақл қилишича, ана шу тоғнинг тепасидан бир занжир осилиб турар, гуноҳсиз одам қўлини узатса занжирга етар, гуноҳи бор эса етолмас экан. Бир одамдан бирор қарз олибди-ю, кейин қарзидан тонибди. Икковини Судома тоғига олиб келиб, занжирга қўл чўздиришибди. Пул берган киши қўлини узатиши ҳамон занжирга етибди. Энди гуноҳкорнинг гали келибди. У тайсаллаб ўтирамабди, эркинроқ бўлиш учун таёғини рақибига бериб, ўзи занжирга интилибди ва қўлини теккизиди. Шунда халойиқ ҳайрон қолибди: буниси қандоқ бўлди, иккови ҳам ҳақми?

Гап шундаки, гуноҳкорнинг таёғи кавак бўлиб, ичига ўша ўзи қайтаргиси келмаган пуллар яширинган экан. У ўзи қарздор бўлган одамга таёқ узатиш баробарида пулини ҳам қайтарган, шунинг учун ҳам занжирга қўли етган экан.

Шундай қилиб, гуноҳкор ҳаммани алдабди.

Қексаларнинг нақл қилишларича, ўшандан буён занжир арши аълога кўтарилиб кетибди ва бошқа қайтиб тушмабди.

## БОЙҚУШ ВА ҚҮЁН

Оқшом чўкканда бойқушлар жарлик, пастқамликлар оша ўрмонга ўлжак қидириб учашади.

Каттакон кулранг қуён ялангликка сакраб чиқади-ю, ўзига, оро бера бошлайди. Қари бойқуш қуёнга қараб қўйиб, дарахт шохига қўнади, ёш бойқуш бўлса шундай гап қотади: «Нега энди қуённи овламаяпсан?» Қари бойқуш жавоб қилиб дейди: «Кучим етмайди — қуён катталик қиласди: унга ёпишсанг ўзингни чакалакзорга олиб қочади». Ёш бойқуш эса: «Мен бўлсам бир панжамни ботиришим биланоқ иккинчи панжам билан дарахтга тармашиб оламан», дейди.

Ёш бойқуш қуёнга ташланади, тирноқларини таги-гача ўлжасига ботиради-ю, иккинчи панжасини дарахтдан тутиб қолишга чоғлади. Қуён уни судраши ҳамон бойқушча дарахтни тутиб қолади ва ўзича: «Қочиб бўпсан!» деб ўйлади. Қуён чираниб тортган экан, бойқуш иккига бўлинниб кетади. Битта панжаси дарахтда, иккинчиси қуённинг орқасида қолади. Кейинги йили бир овчи қуённи ўлдиради ва орқасидаги бойқуш панжасини кўриб, ҳайрои бўлади.

## ИККИ САВДОГАР

Бир камбағал савдогар сафарга отланибди ва бор мулкини сақлаб туриш учун бой савдогарга топширибди. У сафардан қайтгач, савдогардан буюмларини қайтариб беришни сўрабди.

Бой савдогар омонатга хиёнат қилиб, сотиб юборган экан, қутулиш учун баҳона ўйлаб топибди: «Буюмларинг фалокатга йўлиқди».

— Нима бўлди?

— Мен буюмларингни ғалла сақланадиган омборхонага қўйгандим. У ерни сичқонлар босиб кетувди, ҳамма темир-терсагингни кемириб ташлабди. Қандай ғажиша-стганини ўз кўзим билан кўрдим. Агар ишонмасанг юр, кўрсатаман.

Боёқиши камбағал савдогар билан тортишиб ўтирамбди. У: «Энди нимасини кўраман, шундоғам ишонман. Биламан — сичқонлар шунаقا темирни кемиради. Саломат бўл», дебдю изига қайтибди.

У кўчада кетаётib бой савдогарнинг ўйнаб юрган ўғлини кўриб қолибди. Камбағал савдогар болани эркалатибди ва қўлидан етаклаб, уйига олиб келибди.

Эртаси куни бой савдогар камбағал савдогарни кўчада учратиб, ўғли йўқолганини айтиб, зорланибди ва «бирон-бир дарагини эшитмадингми?» деб сўрабди.

**Қамбағал савдогар шундай жавоб қайтарибди:**

— Эшитганда қандоқ. Кеча олдингдан чиқдиму осмондан лочиннинг ўғлингга ташланиб, кўтариб кетганини кўриб қолдим.

**Бой савдогар жаҳли чиқиб, эътиroz билдирибди:**

— Устимдан кулгани уялмайсанми? Ахир лочиннинг болани кўтариб кетиши ақлга тўғри келадими?

— Йўқ, устингдан кулаётганим йўқ. Ахир сичқонлар юз пуд темир-терсакни еб қўйганда лочиннинг болани кўтариб кетиши нима деган гап? Ҳамма нарса бўлиши мумкин.

Бой савдогар шунда ҳамма гапни тушунибди ва шундай дебди: «Сичқонлар буларингни емаган, уларни ўзим сотворувдим, энди икки баробар қилиб тўлайман».

— Ундай бўлса, лочин ҳам ўғлингни кўтариб кетмаган, мен ҳам болангни ўзингга қайтараман.

## ВАЗИР АБДУЛ

Эрон шоҳининг Абдул деган адолатпарвар вазири бўлган экан. У бир куни шаҳар бўйлаб шоҳ ҳузурига кетаётганида йўл-йўлакай тўполон чиқариш учун йиғилган оломонга дуч келибди. Оломон вазирни ўртага олиб, отини тўхтатибди ва айтганларига кўнмаса, «ўлдирализ», деб дўқ қилишибди. Бир одам ҳаддидан ошиб, вазирнинг соқолидан тортиб, силкитибди.

Оломондан қутулган вазир шоҳ ҳузурига келибди ва халойиқнинг бу ўзбошимчалиги учун жазоламасликни ўтинибди.

Эртаси куни вазирнинг олдига дўкондор келибди. Вазир ундан сенга нима керак, деб сўрабди. Дўкондор шундай дебди: «Кеча сени хафа қилган одамни айтгани келдим. Мен уни биламан — қўшиим бўлади, исми Нагим, унга одам юбортириб, жазосини бер!»

Вазир дўкондорга ижозат берибди ва Нагимни чақириби. Нагим кимдир уни сотганини фаҳмлабдию жонидан умидини узиб, вазирнинг оёғига йиқилибди.

Вазир уни турғазиб, шундай дебди: «Мен сени жазолаш учун чақирирганим йўқ, фақат қўшининг ярамас одам эканлигини эсингга солиб қўймоқчиман, холос. У сени сотди, эҳтиёт бўлгин. Энди борақол, худо ёр бўлсин».

## БАРМОҚВОЙ

Бир камбағалнинг кичикдан кичик етти ўғли бор экан. Энг кенжаси шунчалик кичкина эканки, тугилганда нақ бармоқдек келаркан. Кейинчалик у сал-шал ўсибди, аммо барибир бармоқдан каттаймабди, шунинг учун ҳам уни бармоқвой дейишаркан. Аммо Бармоқвой кичкина бўлса ҳам абжир ва айёр экан.

Ота-она кундан кунга қашшоқлашиб бораверибди ва ахийри ҳоли танг бўлиб, болаларини боқинига ҳеч вақоси қолмабди. Ота-она ўйлай-ўйлай иоплож фарзандларини уйга қайтиб келмасин дея ўрмоннинг олис бир бурчагига ташлаб келмоқчи бўлишибди. Ота-она бу ҳақда маслаҳатлашаётганда Бармоқвой ухламай, ҳамма гапни эшитиб олибди. Тоиг саҳарда у ҳаммадан олдин туриб, сойга чопибди ва чўнгтакларини оқ тошларга тўлдирибди. Ота-она болакайларни ўрмонга етаклаб кетаётганда Бармоқвой ҳаммадан орқада юриб, чўнгтагидаги тошларни йўлга битта битта ташлаб келаверибди.

Ота-она болаларини ўрмоннинг энг олис бурчагига элтишинбди-ю, ўзларини дараҳт панаасига уриб, қочиб қолишибди. Болакайлар ота-онасини чақира бошлишибди ва ҳеч ким келавермагач, зор-зор йиғлашга тушибдилар.

Фақат Бармоқвой йиғламабди. У ингичка товушда: «Ииғлашни бас қилинглар, сизларни ўзим ўрмондан олиб чиқаман», дебди. Акалари қулоқни қоматга келтириб йиғлаганидан эшитишимабди. Улар уканинг гапини эшитгач, Бармоқвой йўлга оқ тошлар ташлаб, белги қўйганини ва акаларини ўрмондан олиб чиқажагини айтибди. Ҳамма суюниб, уканинг ортидан эргашибдилар. Бармоқвой тошдан-тошга йўл бошлаб, тўппа-тўғри уйни топиб келибди.

Аксига олиб, ота-она худди болаларини ўрмонга ташлаб келган куни отага пул чиқади. Ота она билан ўзаро ҳасратлашибди: «Нега энди болаларимизни ўрмонга ташлаб келдик-а? Боёқишиларнинг ҳоли не кечади энди? Мана энди зорманда пул ҳам топилди, амаллаб боқиб олардик». Онаизор йиғлаб, обидийда қиласди: «Оҳ! Қанийди болаларимиз багримизда бўлса!» Бармоқвой бўлса дераза ортида бу гапларни эшитиб, шундай дейди: «Мана биз шу ердамиш!»

Она суюнганча айвонга югуриб чиқади ва болакайлар бирин-кетин уйга киришади.

Ҳамма керакли нарсаларни сотиб олишиб, то пул тугагунча яна бинойидек яشاшибди.

Аммо пул яна тугаб қолибди, ота-она энди нима қилсак экан дея бош қотиришибди, яна ноилож болаларини ўрмонга ташлаб келишни хаёл қилишибди.

Бармоқвой бу маслаҳатни ҳам эшишиб қолиб, тонг саҳарда тош тергани яна сойга тушмоқчи бўлибди. Эшикка яқинлашса, зулфини солиглиқ экан; увало уринмасин, зулфинга бўйи етмабди.

Тош теришга кўзи етмагач, ўрнига нон олибди. Нонни чўнтигига солиб: «Бизни ўрмонга олиб кетишаётганда йўлга нон ушоқларини ташлаб кетавераман ва шу белги билан яна акаларимни қутқариб оламан», деб ўйлади.

Ота-она яна болалари билан ўрмонга йўл олибди. Бармоқвой эса йўл-йўлакай нон ушоқларини ташлаб кетавериди.

Акалари йиғлай бошлагандага Бармоқвой уларни қутқараман деб овутибди.

Аммо бу гал боёқиш йўлни тополмабди, чунки нон ушоқларини қушлар еб кетибди.

Болалар то қоронги тушгунча ўрмонда адашиб-тентираб юришибди, аммо йўлни топишолмабди. Йиғлай-йиғлай ухлаб қолишибди. Бармоқвой ҳаммадан олдин уйгониб, дараҳтга чиқибди ва атрофга аланглаб, бир уйни кўрибди. Дараҳтдан тушиб, акаларини уйғотибди ва ўша кулбага бошлабди.

Улар уйшиниг эшигини тақиллатишган экан, бир кампир чиқиб, сизларга нима керак деб сўрабди. Болалар ўрмонда адашиб қолишиганини айтишибди. Шунда кампир уларни ичкарига қўйиб, шундай дебди: «Бу ёққа қадам қўйганингиз учун ачинаман; эрим одамхўр. Агар у сизларни кўриб қолгудай бўлса, еб қўяди. Сизларга раҳмим келади. Каравотнинг тагига беркининглар, эрталаб чиқариб юбораман».

Болалар қўрқиб, каравотнинг тагига кириб кетишибди. Тўсатдан кимнингдир эшикни тақиллатиб, ичкари киргани эшитилибди. Одамхўрнинг кампирига «ичимлик келтир» дея бақирган даҳшатли овозини ва унинг столга ўтирганини Бармоқвой каравот остидан секин мўралаб кўрибди. Кампир ичимлик қўйибди, эри ичиб бўлиб, ҳид ола бошлабди: «Уйимизда одам ҳиди анқи япти. Биронтаси яширинганми?» Кампир ҳеч ким йўқ дебди, аммо одамхўр искалаб — ҳидлаб каравотга яқинлаша бошлабди. Каравот остини қўллари билан пай-паслаб, Бармоқвойни оёғидан тутиб олибди ва «мана улар!» дея бақирибди. У болакайлариниг ҳаммасини каравот тагидан тортиб чиқарибди. Кейин пичокни

олиб, уларни сўймоқчи бўлган экан, кампири айнитибди: «Кўряпсанми, улар қанчалик озғин, ўсал. Озроқ боқсак сал жон кириб, мазалироқ бўлади», дебди. Одамхўр кўнибди ва уларни яхшилаб боқишини ва қизлари билан бирга ухлатишни буюрибди.

Одамхўрнинг худди ака-укаларга ўхшаган етти қизи бор экан. Қизалоқлар битта каравотда ётиб ухлашар, ҳар бирининг бошида олтин қалпоқ бор экан. Бармоқвой буни кўз остига олибди ва одамхўр кампири билан кетганида секингина қизларнинг олтин қалпоғини олиб, ўзи ва акаларига, ўзлариникини эса одамхўрнинг қизларига кийдириб қўйибди.

Одамхўр туни билан ичибди. Кўп ичганида кўп егиси келаркан. Ў болакайлар ва қизалоқлар ухлаётгач хонага кирибди. Болаларнинг олдига келиб, бошларидаги олтин қалпоқни сийпалаб кўриб, шундай дермиш: «Қайфчиликда сал бўлмаса қизларимни сўйворай дебман». Болаларни холи қолдириб, қизларига борибди, бошларидаги юмшоқ қалпоқни сийпалаб кўргач, ҳаммасини сўйиб ташлаб, ухлаб қолибди.

Шунда Бармоқвой акаларини уйғотибди ва эшикни очишиб, ўрмонга қочишибди.

Болалар бир кечаю бир кундуз йўл юришса ҳам ўрмондан чиқишолмабди.

Одамхўр уйғониб қарасаки, бегоналар ўрнига ўз болалари сўйилиб ётибди; шунда у етти чақиримни бир қадам қилиб босадиган этигини кийиб, болаларни қидиргани ўрмонга югурибди.

Одамхўр болаларни қидира-қидира тополмабди ва шундоқ уларнинг ёнига бориб, ухлаб қолибди.

Бармоқвой одамхўрнинг ухлаб ётганини кўриб, ёнига ўрмалаб келибди ва унинг чўнтагидан бир ҳовуч олтин олиб, акаларига бўлиб берибди. Кейин у одамхўрни ечинтириб, унинг етти чақиримли этигини ҳам кийибди ва акаларига орқасидан маҳкам ушлашларини тайинлабди. Бармоқвой чирпирак бўлиб чопган экан, бир зумда ўрмондан чиқиб, уйни тошиб олибди.

Улар ота-онасига олтииларни топширишибди. Улар бойиб кетишибди ва оқибатда болаларини ҳам ўрмонга ташлаб келмайдиган бўлишибди.

## ФИЛИПОК

Филипп деган бир бола бор эди. Кунларнинг бирида ҳамма болалар мактабга жўнашди. Филипп ҳам шапкасини олиб, уларга қўшилмоқчи бўлди. Аммо онаси шаштини қайтарди.— Сенга йўл бўлсин, Филипок?— Мен ҳам мактабга бормоқчиман.— Сен ҳали кичкинасан, бормагин,— деде онаси уни уйида олиб қолди. Болалар мактабга кетишиди. Отаси тонг саҳарда ўрмонга жўнаб кетувди, онаси эса ҳар кунги чўрилигидан қолмади. Уйда Филипок билан печка устида мудраб ётган энаси бор эди, холос. Филипок зерика бошлади, энаси ухлаб қолгач, шапкасини қидиришга тушди. Ўзиникини тополмай отасининг эски шапкасини кийиб, мактабга жўнади.

Мактаб қишлоқдан наридаги черков ёнида эди. Филипп ўзларининг маҳалласидан ўтаётганда итлар уни таниб, тегинмади. Аммо у бегона хонадонларга яқинлашувди ҳамки Жучка деган кучукча югуриб чиқиб, вовуллашга тушди, Жучкага Волчок деган катта ит ҳам қўшилди. Филипок пилдираб қотиб қолди, итлар орқасидан қувлади. Филипок бақира бошлади, оёғи чалишиб, йиқилиб тушди. Бир киши итларни ҳайдаб юборди ва ёлғиз ўзинг қаёққа бормоқчисан, зумраша, деб сўради. Филипок индамади, этагини кўтарди-ю, оёғини қўлига олиб чопди. Мактабгача югуриб келди. Айвонда ҳеч ким кўринмас, ичкарида болаларнинг ғала-ғовури қулоққа чалинар эди. Филипка қўрқиб кетди: муаллим ҳайдаб юборса-я. Нима қилишни ўйлаб, боши қотди. Орқага қайтай деса — итлардан қўрқади, мактабга кирай деса — муаллимдан. Шу маҳал бир хотин челак кўтариб ўтиб қолди ва шундай гап қотди: ҳамма ўқиётганда сен бу ерда нега қаққайиб турибсан? Шундан кейин Филипок мактабга кирди. Даҳлизда шапкасини олди ва секин эшикни очди. Ичкари болалар билан тўла эди. Ҳаммаси ўзларича қичқириб-чуғирлашар, муаллим ўртада юрар эди.

— Сенга нима керак?— деди у Филипкага хитоб қилиб. Филипок шапкасини ушлаб қўйди-ю, миқ этмай тураверди.— Кимсан ўзинг?

Филипок индамади.

— Ёки соқовмисан?

Филипок азбаройи қўрқиб кетганидан гапиролмай қолди.

— Гапиргинг келмаса уйингга борақол.

Филипок бажонидил гапиради-ю, қўрқувдан томоғи қуруқшаб кетди. У муаллимга термулиб турди-ю, йирлаб юборди. Муаллимниг унга раҳми келди. Бошини силаб, болалардан унинг кимлигини сўради.

— Бу Костюшкининг укаси — Филипок, у анчадан бўён мактабга келмоқчи бўлиб юрувди, онаси қўймаяпти, энди яширинча келибди.

— Хўш, ундаи бўлса бориб акангнинг ёнига ўтири, мен ойингга тайинлаб қўяман, сени мактабга юборади.

Муаллим Филипокка ҳарфларни кўрсата бошлади, у эса ҳарф танир, анча-мунча ўқишниам эпларди.

— Қани ҳарфлардан исмингни ўқиб кўрсатчи?

Филипок ўқий бошлади: хве-и-хви, -ле-и-, -пеок- пок. Ҳамма кулиб юборди.

— Баракалла,— деди муаллим.— Сенга ўқишни ким ўргатди?

Филипок энди дадил жавоб қилди:

— Костюшка ўргатди. Мен шунаقا абжирман, ҳам-масини дарров тушуниб олдим. Зеҳним ҳам ўткир.

Муаллим кулиб қўйди ва сўради:

— Ибодат қилишни биласанми?

— Биламац,— деди Филипок ва биби Марямдан айта кетди: аммо ҳамма сўзларни бузиб айтди. Ўқитувчи уни тўхгатиб, деди:

— Мәқтанишни бас қилиб, энди ўргангин.

Шундан бўён Филипок болалар билан мактабга қатнай бошлади.

## ТОШБАҚА ВА БУРГУТ

Тошбақа бургутдан учишни ўргатгин деб сўрабди. Бургут бу ишни қўйгии, сенга тўғри келмайди деса ҳам тошбақа қўймабди. Бургут уни панжаларига олиб, осмёну фалакка кўтарилибди-ю, ташлаб юборибди. Тошбақа тошга урилиб, дабдаласи чиқибди.

## ТОШ

Бир қамбағал одам бойникига келиб, садақа сўрабди. Бой қурумсоқлик қилиб, ҳеч нарса бермабди ва: «Бор йўқол!» дея ҳайдаб солибди. Гадо кетавермабди. Шунда бойнинг жаҳли чиқибди ва ердан тош олиб, гадога отибди. Гадо тошни ердан олиб, қўйнига солибди ва

шундай дебди: «Менинг ҳам отар галим келмагунча тош-ин қўйнимда олиб юрганим бўлсин». Ахийри шундай кун келиб, гадонинг ҳам куни туғибди. Бой катта гуноҳ қилган экан, бор мол-мулкидан ажрабди, ўзини эса авахтага юборишибди. Уни жазолаш учун ҳайдаб кетишаётганда гадо бойга яқин келиб, қўйнидан тошни олиб, отишга чоғланибди; сўнг иккиланиб, тошни ерга ташлабди ва ўзича шундай дебди: «Беҳуда шунча вақт қўйнимда тош сақлабман: ғанимим бой-бадавлат, қудратли бўлганда қўрқардим, энди эса унга раҳмим келади.»

## Б О Б

Катта шаҳарларда ёнгин чиқса кўпинча уйларда болалар қолиб кетади, уларни қутқариш ҳам қийин, чунки болакайлар қўрққанидан беркиниб олганча миқ этмай тураверишади, тутунда уларни илғаш ҳам мушкул. Лондонда болаларни қутқариш учун маҳсус иълар ўргатилган. Бунаقا итлар ўт ўчирувчилар билан бирга юришади, уйларда ёнгин чиқди дегунча итлар болаларни қутқаришга қўйиб юборилади. Боб деган бир ит шундай қилиб Лондонда ўн иккита болани қутқарган.

Бир куни уйда ёнгин чиқади. Ўт ўчирувчилар келганда бир хотин югуриб чиқади. У ичкарида икки яшар, қизи қолганини айтиб зор-зор йиглайди. Ўт ўчирувчилар Бобни уйга қўйворишади. Боб нарвондан йўрғалаб кетади ва тутуннинг ичидаги кўздан йўқолади. Орадан беш минут ўтгач, Боб бир қизчани кўйлагидан тишлаб кўтарганча югуриб чиқади. Онаизор қизал ига талпинади ва унинг соғ-омонлигини кўриб, суюнганидан йиғлаб юборади. Ўт ўчирувчилар итни эркалаб, силаб-сийнаплашади ва бирон жойи куйиб-нетиб қолмадимикин дея қараб қўйишади. Аммо Боб яна ичкарига интилаверади. Ўт ўчирувчилар ичкарида биронта жонзот қолиб кетгандир дея итни қўйворишади. Ит уйга қараб югурда ва кўп ўтмай тишида бир нарсани кўтариб чиқади. Одамлар ит кўтариб келган нарсани кўргач, кулиб юборишади: Боб каттакон қўғирчоқни кўтариб чиқкан эди.

## ЁЛГОНЧИ

Бир бола қўй боқарди, у худди бўрини кўриб қолгандек бақириб чақира бошлади: «Ердам беринглар, бўри-

келди, бўри!» Одамлар келиб қаравасаки — ёлғон. **Бола** ина бир неча бор одамларни алдабди. Бир куни ростдан ҳам бўри ҳужум қилибди. Бола бақира бошлабди: «Бу ёққа, тезроқ бу ёққа келинглар, бўри!» Одамлар бола ина олдингидай алдаётган бўлса керак деб ўйлашибди-да, ёрдамга келишмабди. Бўри қарайдики қўрқадиган ёч вақо йўқ; бемалол ҳамма қўйларни қийратибди.

## ХОТИН ВА ТОВУҚ

Бир товуқ ҳар куни тухум туғаркан. Бека, агар донни кўпроқ берсам товуғим икки баробар кўп тухум қиласди деб ўйлабди. Худди шундай қилибди. Семириб, ёғ босиб кетган товуқ эса бутунлай тухумдан қолибди.

## МЕРОС ТАҚСИМОТИ

Бир отанинг икки ўғли бор экан. У болаларига: «Ул-сам ҳамма нарсани тенг бўлишиб олинглар», деб васият қилибди. Ота ўлгач, ўғиллар меросни бўлишолмай тортишиб қолишибди. Ажрим қилишни сўраб қўшнига боришибди. Қўшни: «Отанг қандай васият қилувди?» деб сўрабди. Улар: «Отамиз ҳамма нарсани тенг бўлишиб олинглар деганди», дея жавоб қилишибди. «Унда ҳамма кўйлакларни, идиш-товоқлару барча ҳайвонларни теппатенг йиртиб, синдириб, сўйиб ола қолинглар», деб маслаҳат берибди. Ака-укалар қўшнининг гапига кириб, ҳамма нарсадан ажраб қолишибди.

## БАҚА ВА АРСЛОН

Арслон бақанинг бор овоз билан қуриллаганини эшитиб, қўрқиб кетибди. У тўхтаб қолибди, мундоқ қўрсаки бақа ботқоқдан чиқибди. Арслон уни панжаси билан босиб, мажақлабди ва: «Энди кўрмасдан олдин қўрқмайман», дебди.

## ФИЛ

Бир ҳиндунинг фили бор эди. Эгаси унга яхши қарамас ва аёвсиз ишлатар экан. Кунлардан бир куни филинг жаҳли чиқибди ва эгасини оёғи билан босиб, ўлди-

риб қўйибди. Шунда ҳиндунинг хотини зор-зор йиглаб, болаларини ҳам филнинг оёқлари остига ташлабди. «Отасини ўлдирдинг, энди болаларини ҳам ўлдира қол», дебди у. Фил болаларга бир-бир қарабди ва каттасини ҳартуми билан олиб оҳиста бўйнига ўтқазибди. Шундай қилиб, фил болакайга қулоқ соладиган ва у буюрган юмушларни бажарадиган бўлибди.

## МАЙМУН ВА НЎХАТ

Маймун иккала ҳовучини тўлдириб нўхат олиб кета-  
стган эди. Бир дона нўхат ерга тушиб кетувди, маймун  
уни оламан деб яна йигирматасини тўкиб юборди. Апил-  
тапил нўхатларни йиғишга чоғланувди, ҳаммаси тўкилиб  
кетди. Шунда у аччиғланиб, нўхатларни сочиб-тўзитиб,  
супуриб, қочиб кетди.

## НИНАЧИ ВА ЧУМОЛИ

Кузга яқинлашганда чумоли намиққан буғдойлари-  
ни офтобга ёйиб, қурита бошлабди. Қорни оч ниначи  
ундан емиш сўрабди. «Нега ёзда қишиғамини емадинг?»  
дебди унга чумоли. «Вақтим бўлмади, қўшиқ айтишдан  
бўшамадим», дебди ниначи. «Ёзда қўшиқ айтган бўлсанг,  
энди қишида ўйинга туша қол», дебди чумоли кулиб.

## БЎРИ ВА КАМПИР

Оч бўри ўлжа қидирарди. Қишлоқ четида у бола йи-  
ғиси ва кампирнинг овозини эшилди:

— Йиғлашни бас қилмасанг сени бўрига бервoramан,  
Бўри кетмай, қачон менга болани беришаркин дей  
кута бошлади. Тун чўкса ҳамки кутаверди ва яна кам-  
пирнинг гапини эшилди:

— Йиғлама, бўталогим, сени бўрига бериб бўпмар-  
қани келиб кўрсин-чи у, ўлдириб қўямиз.

Бўри бу ердаги одамларнинг гапи билан иши бир-  
бирига тўғри келмас экан деб ўйлади ва қишлоқдан  
секин жўнаб кетди.

## СИЧҚОН — ҚИЗ

Бир одам сой бўйлаб бораётган экан, қузғун сичқонни кўтариб кетаётганини кўриб қолибди. Ердан тош олиб отган экан, қузғун ўлжасини қўйворибди. Сичқон сувга тушибди. Одам уни сувдан олиб, уйнга келтирибди. Бу одамнинг фарзанди йўқ экан. У ўзича: «Оҳ, қанийди мана шу сичқон қизалоққа айланиб қолса!» дебди. Шунда сичқон қизалоққа айланибди. Қизалоқ бўйига етгач, одам: «Ким билан турмуш қуришни истайсан?» деб сўрабди. Қизалоқ: «Оlamda kим энг кучли бўлса, ўша билан турмуш қураман», дёбди. Одам қуёшнинг олдига бориб: «Эй қуёш! Менинг қизим оламда кучлиларнинг кучлиси билан турмуш қурмоқчи. Сен ҳаммадан кучлисан, қизимга уйлана қол», деб бор гапни айтиби.

Қуёш шундай жавоб қилибди: «Мен ҳаммадан кучли эмасман, булутлар йўлимни тўсади».

Одам булутларга бориб, дебди: «Булутлар! Сиз ҳаммадан кучлисиз, қизимга уйлана қолинг». Булутлар жавоб қилибди: «Йўқ, биз ҳаммадан кучли эмасмиз, шамол бизни суриб кетади».

Одам шамолнинг олдига келиб, дебди: «Шамол! Сен ҳаммадан кучлисан, қизимга уйлангин». Шамол айтиби: «Ҳаммадан кучли эмасман, тоғлар мени тўхтатиб қолади».

Одам тоғнинг олдига борибди ва шундай дебди: «Тоғлар! Қизимга уйланинг. Сиз ҳаммадан кучлисиз». Тоғлар жавоб қилибди: «Қаламушлар биздан ҳам кучли, у бизни ҳам кемириб ташлайди».

Шунда одам қаламушнинг ҳузурига йўл олибди ва унга дебди: «Қаламушлар! Сиз ҳаммадан кучли экансиз, қизимга уйланинг».

Қаламуш рози бўлибди. Одам қизининг олдига келиб, айтиби: «Ҳаммадан кучли қаламуш экан, у тоғларни кемиради, тоғлар шамолни тўхтатади, шамол булутларни ҳайдайди, булутлар қуёшни тўсади, хулласкалом, қаламуш сенга уйланмоқчи». Аммо қизалоқ шундай дебди: «Оҳ, энди нима қилдим! Ахир қандоқ қилиб қаламушга турмушга чиқаман?» Шунда одам илтижо қилибди: «Оҳ! Қанийди қизим яна сичқонга айланиб қолса!»

Қизалоқ яна сичқонга айланибди, сичқон эса қаламуш билан турмуш қурибди.

## ҚИЗАЛОҚ ВА ҚҮЗИҚОРИН

Икки қиз қўзиқорин кўтариб, уйга қайтишарди.

Улар темир йўлдан ўтишлари керак эди.

Қизалоқлар поездни ҳали узоқ деб ўйлашди ва темир йўл кўтармасига чиқиб, темир издан юра бошлилади.

Кутилмаганда поезд пишқириб қолди. Қизларнинг каттаси орқасига югурди, кичиги эса йўлни кесиб чота кетди.

Каттаси синглисига қараб қичқирди: «Орқангга қайтма!»

Поезд яқин келиб қолгани ва шовқиннинг баландлигидан қизалоқ опасининг гапини эшиитмади, у аксинча орқамга қайтишим керак экан деб ўйлади. У темир из орқали чопди ва қоқилиб кетди, қўзиқоринлари сочилди, уларни тера бошлиди.

Поезд жудаям яқин келиб қолган, машинист зўр бериб ҳуштак чалар эди.

Опаси: «Қўзиқоринни ташлавор!» деб бақирди, синглиси эса қўзиқоринни теришим керак экан деб тушундию, йўлда эмаклай кетди.

Боёқиши опаси бақириб-чақириб, йиғлар эди. Ҳамма йўловчилар вагон деразасидан мўралашди, кондуктор бўлса қизалоқнинг аҳволини кўриш учун поезд адогига қараб чопди.

Поезд ўтаётганда ҳамма қизалоқнинг темир йўл излари орасида бошини эгиб, қимирламай ётганини кўриб қолишиди.

Поезд анча олислаб кетгач, қизалоқ бошини кўтариб, қўзиқоринларини терди ва опасининг олдига чопиб кетди.

## ҲИНДУ ВА ИНГЛИЗ

Урушда ҳиндулар ёшгина инглиз болани асирга туширишибди ва уни дарахтга боғлаб, ўлдирмоқчи бўлишибди.

Кекса ҳинду уларга яқинлашиб, шундай дебди: «Уни ўлдирманглар, менга бера қолинглар».

Болани отахонга топширишибди,

Кекса ҳинду болани бўшатиб, уйига бошлаб келибди, қорнини тўйғазиб, ётқизибди.

Эрталаб ҳинду инглизни орқасидан әргаштириб жўя

набди. Улар узоқ йўл юриб, инглизлар қароргоҳига келишгач, ҳинду дебди:

«Сизлар ўғлимчи ўлдирдингиз, мен эса ҳаётингни сақлаб қолдим; эмди ўзларингникига қўшилиб, бизни ўлдира қол».

Инглиз боласи ҳайрон бўлиб: «Нега энди устимдан куляпсан? Биламан, бизни билар ўғлингни ўлдирган: мени тезроқ ўлдирсанг-чи», дебди.

Шунда инглиз айтиби: «Сени ўлдирмоқчи бўлишганда ўғлим эсимга тушди ва сенга раҳмим келди. Қўл кўтаролмайман: агар истасанг, ўзларингникига қўшилиб, бизни ўлдир». Шундай қилиб, ҳинду инглиз болани қўйиб юборибди.

## НИМЧА

Бир киши савдо билан шуғулланиб, беҳисоб давлат орттирибди, атрофда унга етадиган бой қолмабди. Уйида юзлаб ишбошилар хизмат қиласи ва бой ҳар бирининг исму шарифини беш қўлдек билар экан.

Кунларнинг бирида савдогарнинг йигирма минг пули ўқолибди. Ишбошилар қидира-қидира ўғрини топишибди.

Катта ишбоши савдогарнинг олдига келиб, шундай дебди: «Мен уни топдим. Уни Сибирга сургун қилиш керак».

Савдогар: «Ўғри ким экан?» деб сўрабди. Ишбоши жавоб берибди:

«Иван Петров экан, ўзи иқрор бўлди».

Савдогар ўлланиб қолибди ва шундай дебди: «Иван Петровни афв этмоқ лозим».

Ишбоши ҳайрон бўлиб, дебди: «Қанақасига афв этмоқ лозим? Бунақада бошқа ишбошилар ҳам ўғирлик қилавериб, ҳаммаёқни қуритади-ку».

Савдогар дебди: «Иван Петровни афв этмоқ лозим: мен савдо билан энди шуғуллана бошлаганимда биз у билан дўст әдик. Уйланаётганимда эса никоҳга кийиб бориш учун ҳеч вақом йўқ эди. У менга эгнидаги нимчасини ечиб берувди. Иван Петровни афв этмоқ лозим».

Шундай қилиб, Иван Петровни афв этдилар.

## ТУЛКИ ВА УЗУМ

Тулки етилиб, ҳил-ҳил пишган узум шингилини кўриб, қандоқ олиб есам экан дея яқинлашибди.

Қанча уринмасин, узумга бўйи **етмабди**. Аламини босиш учун ахийри шундай дебди: «Узиям ҳали **ғўр** экан».

## БАЛИҚЧИ ВА БАЛИҚ

Балиқчи балиқ тутибди. Балиқ шундай дебди:

«Балиқчи, мени сувга қўйвор, кўриб турибсанки, мен майдаман, ҳеч нарсага ярамайман. Қўйворсанг, ўсиб катта бўламан, ана ўшанда тутсанг фойда қиласан».

Балиқчи шунда:

«Насияни деб нақдни қўлдан чиқарган фирт аҳмек бўлади», дебди.

## ИТ ВА УНИНГ СОЯСИ

Ит сойдаги тахта кўпприкчадан гўшт тишлаб ўтиб кетаётганди. Сувдаги ўз аксини кўриб, бошқа ит гўшт кўтариб кетаяпти деб ўйлабди ва оғзидағи гўштни ташлаб, ҳалиги итнинг гўштини тортиб олиш учун ташланиди: қарайдики гўшт йўқ, ўзиники эса сувда оқиб кетибди.

Шундай қилиб ит оғзидағи луқмадан ҳам ажрабди.

## ТУРНА ВА ЛАЙЛАК

Деҳқон әкинларини пайхон қилгани учун турналарга тузоқ қўйибди. Тузоққа турналар билан бирга битта лайлак ҳам илинибди.

Лайлак деҳқонга ялинибди:

«Сен мени қўйвора қол, мен турна эмас, лайлакман, бизни ҳамма ҳурмат қиласди; мен отангнинг уйида яшайман. Патларимдан ҳам кўриб турибсанки мен, турна эмасман».

Деҳқон шундай дебди:

«Турна билан тутдимми, турна билан сўяман».

## БОҒБОН ВА УНИНГ ЎФИЛЛАРИ

Боғбон ўфилларини боғбонликка ўргатмоқчи экан.

Улеми олдидаң фарзандларини ёнига чақириб дебди:

«Болаларим, мен ўлганимдан кейин узумбоғни қи-  
дириб, яширилган нарсани топиб олинглар».

Ўфиллар у ерда хазина яширилган деб ўйлашибди ва  
оталари ўлгач, бутун ерни ағдар-тўнтар қилишибди.  
Хазинани топишолмабди, аммо узумзорни яхшилаб шуд-  
фор қилишгани учун ҳосил мўл бўлибди. Шундай қилиб  
улар бойиб кетишибди.

## СИЧҚОН

Омборхона тагида бир сичқон яшарди. Хонадаги пол-  
нинг тешигидан пастга дон-дун тўкилиб туаркан. Сич-  
қоннинг тирикчилиги яхши эди, аммо у бу билан мақ-  
танмоқчи бўлди. Тешикни ғажиб кенгайтирди ва бошқа  
сичқонларни меҳмонга чақирди.

«Келаверинглар,— деди у,— ўйнаб кетасизлар. Меҳ-  
мон ҳам қиласман, емиш ҳаммага етиб ортади». У сичқон-  
ларни бошлаб келиб қарайдики, тешик йўқ. Дехқон  
полдаги катта кемтикни кўриб, суваб қўйган эди.

## БУРИ БОЛАЛАРИНИ ҚАНДАЙ УРГАТАДИ

Йўлда кетаётган эдим, орқамдан қичқириқ эшитилди.  
Чўпон бола бақираётган экан. У даладан югуриб келар  
ва нимагадир ишора қиласр эди.

Мен ўгирилиб қарадим ва далада югуриб бораётган  
иккита бўрини кўрдим: биттаси энаси, иккинчиси боласи.  
Боласи орқасидаги бўғизланган қўзичноқни оёғидан тиши-  
лаб олган. Онаси ундан орқароқда югуриб кетяпти.

Мен бўриларни кўришим ҳамон чўпонга қўшилиб  
қичқиранча чопа кетдим. Чақириғимизни эшитган эр-  
каклар итларини етаклаб югуриб келишди.

Энди бўри итларни, одамларни кўрди-ю, боласига  
етиб, қўзичноқни ўа елкасига ташлади ва иккиси илдам,  
муадан йўқолишли.

Шунда чўпон бола фалокатни айтиб берди: жарлик-  
дан каттакон бўри югуриб чиқиб, қўзичноқга ташланиб-  
ди, бўғизлаб, кўтариб кетибди.

Рўпарасидан боласи чиқиб, қўзичноқга ёпишибди.

Энаси қўзичноқни боласига бериб, ўзи орқаронда йўртаб юрибди.

Хавф түғилгандагина энаси ўргатини бас қилиб, қўзичноқни ўз гарданига олибди.

## ОТА ВА БОЛАЛАР

Ота болаларини тинч-тотув, аҳил яшанглар дея на-  
сиҳат қиласар, болалар эса қулоқ солишмас экан. У супурги келтиришни буюриб, дебди:

«Синдиринглар!»

Болалар қанча уринишмасин, супургини синдиришол-  
мабди. Шунда ота супургини ечиб, бир донадан чўпини  
синдиринглар дебди.

Болалар якка чўпларни осонгина синдиришибди.

Ота шундай дебди:

«Сизлар ҳам худди шундайсизлар; аҳил бўлсанглар  
сизларни ҳеч ким енголмайди, агар жанжаллашиб, ҳар  
ким ҳар ёққа тортса — сизларни дуч келган кимса  
осонгина чайнаб-пуркаб ташлайди».

## ПЁТР I ВА ДЕҲҚОН

Пётр ўрмонда бир деҳқонга дуч келибди. Деҳқон ўтин кесаётган экан.

«Худо ёр бўлсин!» дебди подшо.

«Худонинг марҳамати улуғдир», дебди деҳқон.

«Оиланг каттами?» деб сўрабди подшо.

— Икки ўғил ва икки қизим бор.

— Оиланг унчалик катта эмас экан. Хўш, пулларингни нимага сарфлайсан?

— Мен пулларимни уч нарсага сарфлайман: бирин-  
чидан — қарзимга тўлайман, иккинчидан — қарзга беч-  
раман, учинчидан — сувга оқизаман.

Подшо ўйланиб қолибди, деҳқоннинг қарз тўлаб, яна  
қарз бериши-ю, сувга оқизиши нима эканини тушунол-  
мабди.

Деҳқон шундай дебди: «Қарзимга тўлаганим — ота-  
онамни боққаним, қарз берганим — ўғилларимни ўстир-  
ганим, сувга оқизганим — қизларимни вояга етказаёт-  
ганим».

«Калланг яхши ишларкан, бобой,— дебди подшо,

Энди мени ўрмондан далага бошла, йўлни тополмаяпман».

«Йўлни ўзинг ҳам топа оласан,— жавоб қилибди дехқон.— Тўғри юриб, ўнгга қайриласан, кейин чапга, кейин яна ўнгга».

«Бунақа нарсани тушунмайман, ўзинг бошлайқол», дебди подшо.

— Бошлаб боришга вақтим йўқ, тақсир, биз дехқонларга фурсат ғанимат.

— Фурсат ғанимат бўлса ҳақини тўлайман.

— Ундаи бўлса жўнадик.

Улар извошга ўтириб, йўлга чиқишибди.

Иўл-йўлакай подшо дехқондан сўрабди: «Дунё кўрганмисан, бобой».

— Оз-моз кўрганман.

— Подшони кўрганмисан?

— Подшони кўрмаганман. Кўриб қўйиш керак.

— Бўлмаса билиб қўй—далага чиқишимиз билан подшони кўрасан.

— Уни қандай танийман?

— Ҳамма бошяланг, битта подшо шапкада бўлади.

Улар далага етиб келишибди. Подшони кўришлари ҳамон ёдамлар бошидан кийимини олибди. Дехқон кўзлари ўйнаб, атрофга аланглар, аммо подшони кўрмас эмиш.

«Подшоси қани ахир?» деб сўрабди у.

«Кўряпсанки, биз иккимизгина шапкадамиз, демак, биттамиз подшомиз», дебди унга Пётр Алексеевич.

## АРСЛОН ВА КУЧУКЧА

Лондонда ёввойи ҳайвонлар намойиш қилинар, томша ҳақига пул ёки йиртқичларга емиш сифатида ит, мушук олинар эди.

Бир одам ҳайвонларни кўрмоқчи бўлди ва кўчадан кучукча тутиб келтирди. Уни томошага қўйишди, кучугини эса емиш ўрнида арслонга ташлаши.

Кучукча думини қисганча қафас бурчагига бориб суйкалди. Арслон унга яқинлашиб, ҳидлаб кўрди.

Кучукча чалқанча ётиб панжасини кўтарди ва думини ликидлатди.

Арслон унга панжасини қўйиб, ағдарди.

Кучукча сакраб туриб, арслоннинг олдида орқа оёклари билан тика турди.

Арслон кучукка тикилиб қолди, калласини ўгириб, атрофга аланглади ва ўлжасига тёғмади.

Хўжайин қафасга гўшт ташлаган эди, арслон бир бўллагини узиб олиб, кучукчага берди.

Кечқурун арслон ухлаш учун ётганда кучукча унинг ёнига чўзилиб, калласини панжасига қўйди.

Шундан буён кучукча арслон билан битта қафасда яшай бошлади, арслон унга тегмади, емишини еб, кучукча билан бирга ухлар, гоҳо бирга ўйнар эди.

Бир куни бир жаноб томошахонага келиб, кучукчасини таниб қолди; у кучукча ўзиники эканини айтиб, хўжайиндан қайтариб беришни сўради. Хўжайин қайтармоқчи бўлди, аммо кучукчани чақиришлари ҳамон арслон хезланиб, ўкирди.

Шундай қилиб, йил бўйи арслон билан кучукча бир қафасда яшади.

Кейинги йили кучукча касал бўлиб, ўлиб қолди. Арслон емишга ҳам қарамас, кучукчага панжасини қўйганча ҳидлагани-ҳидлаган эди.

Арслон кучукчанинг ўлганини билди-ю, жунларини ҳурпайтириб, сакради, думи билан ўзини савалай кетди, қафас деворига урилди ва полни, эшик зулфинини ғажий бошлади.

Арслон уззукун ўзини қафасга уриб, наъра тортди, сўнг жонсиз кучукча ёнига чўзилиб, жимиб қолди.

Хўжайин арслон дардини унутар дея қафасга **бошка** кучукчани қўйиб юборди, аммо арслон уни шу заҳоти тилка-пора қилиб ташлади. Кейин ўлик кучукчани панжалари билан қучоқлаганча беш кун қимирламай ётди.

Олтинчи куни арслон ўлиб қолди.

## ТЕНГ БЎЛИНГАН МЕРОС

Бир савдогарнинг икки ўғли бор экан. Ота катта ўғлини яхши кўрар, бор меросини унга қолдиргиси келаркан. Онанинг кичик ўғлига раҳми келиб, эридан вақтингча индамай туришни ўтинибди: боёқиш бир амадлаб иккала ўғлининг ҳам кўнглини олиш пайига тушибди. Савдогар рози бўлиб, ҳозирча аҳдини айтмай турадиган бўлибди.

Бир куни она дераза олдида йирлаб ўтирган экан, олдига дарвеш келиб, нега йигляяпсан деб сўрабди.

**Онаизор шундай жавоб қилибди:** «Нега энди йиғла-  
май, менга иккала ўғлим ҳам бирдай азиз, отаси эса  
бирига мол-мулкини қолдириб, иккинчисига ҳеч нарса  
бермоқчи эмас. Бирон чорасини топмагунимча эримдан  
аҳдини билдиримай туришни сўраганман. Ўзимда пул  
ҳам йўқ, нима қилишга ҳайронман».

**Дарвеш шундай маслаҳат берибди:** «Бунинг йўли  
жуда осон, бориб ўғилларингга айтгин, бор молу мулқ  
кattасига қолади, кичигига эса ҳеч нарса тегмайди,  
шунда ҳамма нарса теппа-тeng бўлади».

**Ўғилларининг кичиги ўзига ҳеч нарса қолмаслигини**  
эшитгач, илму ҳунар ўрганиш учун олис юртларга жў-  
наб кетибди, каттаси эса отасининг олдида қолибди ва  
бойлигига ишониб, ҳеч нарса ўрганмабди.

**Ота қазо қилгач, катта ўғилнинг қўлидан ҳеч бир**  
иш келмай, бор мол-мулкини совурибди, кичиги эса  
хорижда давлат ортиришни ўрганиб, бойиб кетибди.

## УЧ ЎФРИ

Бир деҳқон эшак ва эчкисини сотиш учун шаҳарга  
кетаётган экан.

Эчкининг бўйнига қўнғироқ осилган экан.

Уч ўфри деҳқонни кўриб қолишибди ва улардан бири  
дебди: «Мен деҳқоннинг ўзига сездирмай эчкисини ўғир-  
лаб оламан».

Бошқа ўфри дебди: «Мен эса деҳқоннинг қўлидаги  
эшагини ўғирлаб оламан».

Учинчи ўфри айтибди: «Бу ҳам қийин эмас, мен эса  
деҳқоннинг бор кийим-кечагини шилиб оламан».

Биринчи ўфри эчкининг олдига ўрмалаб кедибди ва  
бўйнидаги қўнғироғини ечиб, эшакнинг думига осибди,  
эчкини эса далага етаклабди.

Деҳқон муюлишга боргандা қарайдики — эчки йўқ,  
қидира бошлабди.

Шунда унинг олдига иккинчи ўфри келиб, нимани  
қидиряисан деб сўрабди.

Деҳқон, эчкимни ўғирлатиб қўйдим, дебди. Иккинчи  
ӯфри айтибдй: «Мен эчкингни кўрувдим, ҳозиргина бир  
одам эчки етаклаб, мана бу ўрмонга кириб кетди. Уни  
тутишга улгурасан».

Деҳқон ўғридан эшагига қараб туришни сўраб, эч-  
кисини қувиб кетибди. Иккинчи ўфри эшакни етаклаб  
жўнаб қолибди.

Деҳқон ўрмондан қайтиб келиб қарайдики, эшак ҳам йўқ, йиғлаб-қақшаб йўлга чиқади.

У йўлда кетаётиб ҳовуз бўйида йиғлаб турган бир одамни кўриб қолади. Деҳқон нима гап деб сўрайди.

Ҳалиги одам шаҳарга бир қоп олтин кўтариб кетаётганини, дам олиш учун ҳовуз бўйига ўтириб, ухлаб қолганини, уйқусираб қопни ҳовузга тушириб юборганини айтади.

Деҳқон ундан нёга сувга тушиб, қопингни олиб чиқмайсан деб сўрайди.

Ҳалиги киши жавоб қилади: «Мен сувдан қўрқаман, сузишниям билмайман, аммо кимки қопимни олиб чиқса йигирма тилла бераман». Деҳқон суюниб, хаёлидан ўтказади: «Худо ёрлақаб, эчки билан эшакнинг ҳиссасини чиқариб оладиган бўлдим».

Деҳқон ечиниб, сувга тушади, аммо олтин солинган қопни тополмайди, сувдан чиқиб қарайдики — кийимлари ҳам йўқ.

Бу учинчи ўғри бўлиб, кийимларни ҳам ўша ўғирлаб кетади.

## ҚАРҚАРА, БАЛИҚЛАР ВА ҚИСҚИЧБАҚА

Ҳовузда яшаётган қарқара қарибди ва балиқ тутишга ҳоли қолмабди. Энди у айёрлик билан тирикчилик ўтказиш пайига тушибди. Қарқара балиқларга шундай дебди: «Эй балиқлар, бошингизга қандай оғир савдо тушаётганидан бехабарсиз: одамлардан эшитдим — улар ҳовузнинг сувини қуритиб, ҳаммангизни тутиб олишмоқчи. Мана шу тоғнинг нарёғида яхши бир ҳовуз бор. Бажонидил ёрдам берардиму қариб қоганман: учишим қийин».

Балиқлар қарқарадан ёрдам сўраб, ёлборишибди.

Қарқара шундай дебди:

«Майли, сизлар учун уриниб кўраман, фақат ҳаммангизни бирдан эмас, алоҳида-алоҳида кўтариб учаман».

Балиқлар суюниб, пятижо қила бошлишибди: «Мени кўтаргин, мени кўтаргин!»

Қарқара балиқларни бирма-бир кўтариб уча бошлабди: далага олиб чиққанини битта қўймай қийратаверибди. Анча-мунча балиқнинг ёстигини қуритибди.

Уша ҳовузда бир кекса қисқичбақа ҳам яшаркан.

Қарқара балиқларни элтаётганини кўргач, нимкосани пайқабди ва шундай дебди:

«Хўш, қарқаравой, энди мени ҳам янги жойга элтиб қўй-чи!»

Қарқара қисқичбақани кўтариб учибди. Далага чиқиши ҳамон қисқичбақани ташлаб юбормоқчи бўлибди. Аммо қисқичбақа далада сочилиб ётган балиқ суякларини кўрибди-ю, қарқаранинг бўйнига чангол солиб, бўғиб ўлдирибди ва ўзи ҳовузга қайтиб, бор гапни балиқларга айтиб берибди.

## ТИПРАТИКОН ВА ҚУЁН

Қуён типратиконни учратиб, шундай дебди:

«Ҳаммаёфинг жойидаку-я, фақат оёқларинг маймоқ, юрганингда чалишиб кетади».

Типратикон аччиғланиб, шундай жавоб қилибди:

«Нега энди устимдан куласан, менинг мана шу маймоқ оёқларим сенинг тўғри оёқларингдан югурикроқ. Олдин уйга бориб келай, кейин сен билан ким ўзарга чопишаман!»

Типратикон уйига келиб, хотинига дебди: «Мен қуён билан ким ўзарга чопишишга баҳслашдим!»

Типратиконнинг хотини эрига шундай дебди: «Сен ақлингни еб қўйганга ўхшайсан! Қуён билан тенглашишга йўл бўлсин! Унинг оёқлари югурик, сенини бўлса маймоқ ва мечал».

Типратикон бўш келмабди: «Унинг оёқлари югурик бўлса, менинг ақлим югурик. Фақат менинг айтганимни қилсанг бўлди. Қетдик далага».

Улар шудгорланган далага — қуённинг олдига боришибди.

Типратикон хотинига ўргатибди:

«Мана бу жўякнинг охирига беркиниб ол, биз қуён билан нариги томондан чопиб келамиз, у югурга бошлиши ҳамон мен орқамга қайтаман, сенинг олдингга чопиб келиши билан олдига чиқиб, мен аллақачоъ кутиб турибман, дейсан. У сени мендан фарқлолмайди — сени мен деб ўйлади».

Типратиконнинг хотини жўякнинг охирига беркинибди, типратикон эса қуён билан нариги тамондан пойгани бошлишибди.

Қуён елдай учиб кетиши ҳамон типратикон дарров орқага қайтиб, жўякнинг ичига яширинибди. Қуён зум

ўтмай жўякнинг охирига ётиб қарайдик, типратикон ўша ерда ўтирибди. У қуённи кўриши билан гап қотибди: «Мен аллақачон кутиб турибман!»

Қуён типратиконнинг хотинини эридан фарқлай олмабди ва ўзича ўйланиб қолибди: «Бу қандай мўъжиза бўлди? Қанақасига у мендан ўзиб кетди?»

«Кел, яна бир марта югуришамиз!» дебди қуён.

«Майли!»

Қуён орқасига қараб учиб кетибди. Жўякнинг охирига келиб қараса типратикон ўша ерда эмиш, буям камлик қилгандек: «Э, оғайнчалиш, сен энди келдинг, мен анчадан буён сени кутяпман», дермиш.

«Бу қандай мўъжиза бўлди!— дея қуённинг боши қотибди,— шамолдай елсам ҳам мендан ўзиб кетди-я. Кел яна бир марта югуришамиз!» дебди қуён.

«Майли!»

Қуён орқасига қараб учиб кетибди, жўякнинг охирига келиб қараса типратикон яна ўша ерда эмиш, буям камлик қилгандек: «Э, оғайнчалиш, сен энди келдинг, мен анчадан буён сени кутяпман», дермиш,

«Бу қандоқ мўъжиза бўлди!— дея қуённинг боши қотибди,— шамолдай елсам ҳам мендан ўзиб кетди-я. Кел, яна бир югуришайлик, мана энди ётиб бўпсан».

«Югуришамиз!»

Қуён жонини жабборга бериб чолибди, аммо мундоқ қараса олдинда яна типратикон турганмиш.

Шундай қилиб, қуён шудгорнинг у ёридан бу ёғига чопавериб ахийри сулайиб қолибди.

Қуён ютқазганини тан олибди ва бошқа баҳслашмайдиган бўлибди.

## OFA-ИНИЛАР

Офа-инилар бирга сафарга чиқишибди. Чошгоҳда улар дам олгани ўрмонда тўхташибди. Уйғониб мундоқ қарашса, ёнларида бир тош турганмиш, тошга бир нима ёзилган экан. Улар ёзувни ўқишибди:

«Кимки бу тошни топса, тўппа-тўғри ўрмонга, қуёшли қаршилаб юрсин. Ўрмонда бир сой дуч келади: сойдан сузиб ўтса, у ерда болаларини ўйнатиб юрган айқини кўради. Айқчаларни онасидан ажратиб, орқа-ўнгига қарамай тўғри-тоққа қараб чопса, торда бир уй бўлади, ўша уйда баҳтини топади».

Ака-укалар ёзувни ўқишгач, кичиги шундай дебди: «Юр, бирга борамиз. Эҳтимол, сойдан ҳам сузиб ўтармиз, айиқчаларни ҳам ўша уйга элтармиз ва бирга баҳтимизми топармиз».

Шунда ака шундай ўғит бериди: «Айиқчаларни орқасидан ўрмонга бориб юрмайман, сенга ҳам буни маслаҳат бермайман. Биринчидан, бу тошдаги ёзувлар ростми — ҳеч ким билмайди; эҳтимол бу шунчаки лақиллатиш учун ёзилгандир. Эҳтимол биз уни яхши тушунмагандирмиз. Иккинчидан, тўғри ёзилган ҳам бўлсин, ўрмонни ҳам топдик дейлик, аммо қоронги тушганда сойни тополмай, адашиб қолишимиз ҳам мумкин. Сойни топдик ҳам дейлик, аммо ундан қандоқ ўтамиш? Эҳтимол у катта ва тезоқардир. Учинчидан, дарёдан ўтдик ҳам дейлик, аммо айиқдан болаларини ажратиб олиш осонми? Айиқ бизни тилка-пора қилиб ташлайди, баҳтга эришиш ўрнига бекорга жувонмарг бўламиш. Тўртинчидан, айиқчаларни ажратиб ололсак ҳам дам олмай тоққа югуриб чиқолмаймиз. Энг асосийси айтилмаган: Бу уйдан қандай баҳт топамиш? Эҳтимол у ердаги баҳтнинг бизга мутлақо кераги йўқдир».

Ука бунга жавобан дебди: «Менимча, бундай эмас. Тошдаги ёзув бежизмасдир. Ҳаммаси аниқ-равшан битилган. Биринчидан, уриниб кўрсак осмон узилиб ерга тушмас. Иккинчидан, агар биз бормасак, бошқа бирор ёзувни ўқиб, баҳтини топади, биз бўлсак қўлимизни бурнимизга тиқиб қолаверамиш. Учинчидан, бекорчидан худо безор, жон куйдирмасанг жонона қайдар? Тўртинчидан, мени қўрқоқ экан деб ўйлашларини истамайман».

Шунда акаси шундай дебди: «Мақолда ҳам айтиб қўйилган: узоқдаги буғдойдан яқиндаги сомон яхши».

Укаси яна бўш келмабди: «Чумчуқдан қўрқсан тариқ экмас», деган гап ҳам бор. Менимча, бориш керак».

Акасини қолдириб, укаси жўнаб кетибди.

Ўрмонга қадам қўйган заҳоти ука дарёта дуч келибди, ундан сузиб ўтиб, соҳилдаги айиқни кўрибди. У ухлаб ётган экан. Ука айиқчаларни олиб, орқа-ўнгига қарамай тоққа югурибди. Тепага чиқиши ҳамон рўпаратасидан халойиқ чиқибди, извошга ўтқазиб, шаҳарга олиб боришибди ва ўзларига подшо қилишибди.

Ука беш йил подшолик даврини сурибди. Олтинчи йили унга бошқа, зўрроқ подшо ҳужум қилиб, шаҳарни ҳабт этибди ва ўзини бадарга қилибди. Шунда ука яна сафар халтасини елкасига ташлабди ва акасининг олдига келибди.

Аканинг қишлоқдаги тирикчилиги ўзига яраша — бой ҳам, камбағал ҳам әмас әди. Оға-инилар бир-бирини кўриб сўюнишибди ва бошларидан ўтган воқеаларни сўзлашибди.

Акаси ўзича шундай хулоса қилибди: «Мана мен ҳақ бўлиб чиқдим: ҳамиша тинч, яхши яшадим, сен гарчи подшоликка кўтарилган бўлсанг ҳам бошингдан кўп шўр-ғавғоларни кечирдинг».

Ука бунга жавобан ётибди: «Мен ўшанда тоқقا йўл соганимдан афсусланмайман: гарчи ҳозир аҳволим дуруст бўлмаса-да, эслашга арзигудек ўтмишим бор, сенинг эса эслайдиган ғарсанг ҳам йўқ».

## АРСЛОН, БЎРИ ВА ТУЛКИ

Касалванд, қари арслон ғорда ётаркан. Ҳамма ҳайвонлар ҳол сўраб келишибди, фақат тулки йўқламабди. Бўри қулай фурсат келганидан суюниб, тулкини ғийбат қилишга тушибди.

— Тулки сени писанд қилмайди,— дебди у,— бирон марта ҳол сўрашга ярамади.

Тулки шу гапларнинг устига келиб қолибди ва ўзича: «Хап сеними, бўривой, шошмай тур, кўрсатиб қўяман», дэя яниб қўйибди.

Арслон тулкига қараб зуғум билан ўкирган экан, тулки: «Жазолаш қочмайди, олдин сўзимни эшиш. Сендан ҳол сўрашга вақтим бўлмади. Вақтим бўлмаганига сабаб шуки, етти иқлимни қидириб, дорифурушлардан сенга малҳам қидирдим. Уни топдиму мана ҳузурингга чопиб келдим», дебди.

— Қандай малҳам экан у?— деб сўрабди арслон.

— Бўрининг тириклай терисини шилиб, иссиғида устингга ёпсанг бўлди — шу малҳам.

Арслон бўрининг терисини шилиб олибди, тулки заҳарханда билан шундай дебди:

— Ана шунаقا бўлади, оғайни чалиш, бирорга чоҳ қазисанг ўзинг тушасан.

## А К У Л А

Кемамиз Африка соҳилларида лангар ташлаб турганди. Ҳаво ажойиб, денгиздан мусаффо шамол ёсарди, аммо оқшомга яқин ҳавонинг авзойи ўзгарди: иссиқдан

димиқиб кетдик. Саҳройи Қабирдан худди қайноқ печ-  
кадан чиқаётгандек иссиқ шамол уриларди.

Қуёш ботишидан олдин капитан палубага чиқиб,  
«чўмилищга!» деб хитоб қилди ва матрослар бир зумда  
сувга сакраб, елканни сувга туширдилар, уни боғлаб,  
чўмилишга мосладилар.

Кемада биз билан бирга яна иккита бола ҳам бор  
эди. Болалар ҳаммадан олдин сувга сакрадилар, аммо  
улар елканда чўмилишга қаноат қилмай, очиқ дengизда  
ким ўзарга сузиб кетдилар.

Иккиси ҳам сувда худди калтакесакдек илдамлаб,  
лангар устидаги бочка томон жон-жаҳди билан интил-  
дилар.

Болалардан бири олдинига шеригидан ўзиб кетди,  
кейин эса орқада қола бошлади. Боланинг отаси, кекса  
тўпчи палубадан ўғлини завқ — ҳавас билан кузатарди.  
Ўғлининг орқада қолаётганини кўрган ота қичқирди:  
«Бўш келма! Файрат қил!»

Тўсатдан палубада кимдир: «Акула!» деб қичқирди  
ва биз сувда баҳайбат дengиз йиртқичининг орқасини  
кўрдик.

Акула тўппа-тўғри болаларга қараб сузарди.

— Орқага! Орқага! Қайтинглар! Акула! — деб қич-  
қирди тўпчи. Аммо болалар бу гапни эшитишмас, ҳамон  
олдинга сузишар, янада қаттиқроқ ва шўҳроқ кулишиб,  
бақиришар эди.

Бечора тўпчи бўздек оқариб кетди, қилт этмай бо-  
лаларга қараб қолди.

Матрослар сувга қайиқ тушириб, устига сакрадилар,  
ва кучларининг борича эшкакларга зўр бериб, болалар-  
га ошиқдилар, аммо улар ҳали олисда, акуланинг ети-  
шига эса атиги йигирма қадамча қолган эди.

Болалар олдинига бақириқ-чақириқларни эшитиш-  
мади, акулани ҳам кўришмади, аммо кейинроқ улардан  
бittаси ўғирилиб, акулани кўриб қолди ва ҳаммамиз  
қулоқни қоматга келтирувчи чинқириқни эшитдик, бо-  
лалар ҳар томонга сузиб кетишиди.

Ҳалиги чинқириқ тўпчини ўзига келтиргандек бўлди.  
У ўрнидан илдам қўзғолиб, тўп ёнига келди. Замбарак  
хартумини бурди, пилтани қўлига олиб мўлжаллай  
бошлади.

Кемадаги жамики йўловчилар, энди нима бўларкин  
дея юрагини ҳовучлаб турарди.

Ўқ узилди, биз замбарак ёнида ётганча юзини қўл-  
лари билан беркитиб олган тўпчики кўрдик. Акула би-

лан болаларга нима бўлганини билмадик, чунки бир зумда кўз олдимизни тутун қоплаганди.

Сув юзасида тутун тарқала бошлабоғач, ҳар томондан оҳиста, сўнг кучлироқ шовқин эшитила бошлади ва ахийри ҳаммаёқни шодон қийқириқ босиб кетди.

Кекса тўпчи юзларини очиб ўрнидан турди ва денгизга қаради.

Ўлик акуланинг сап-сариқ қорни тўлқинда секин чайкалиб турарди.

Кўп ўтмай қайнқ болаларга яқинлашди ва уларни кемага олиб қайтди.

## Б У Ф У

Буғу сойга сув ичгани борибди, сувдаги аксини кўриб, шохларининг улқан, серайри эканлигидан фууруланибди, оёқларига қараб қўйиб шундай дебди: «Аттаанг, фақат оёқларим нимжон, кўримсиз».

Бирдан арслон сакраб чиқиб, буғуга ташланибди. Буғу кенг-яйдоқ даладан қочибди. Ў қочиб қутулай, деганда ўрмонга дуч келибди ва шохлари бутоқقا илиниб, арслонга тутилибди. Бечора буғу ўлими олдидан шундай дебди: «Ғирт тентак эканман! Нимжон, кўримсиз деб камситганим мени қутқарувди, мағрурланган нарсамдан эса тутилиб ўтирибман».

## РУҲОНИЙ ВА ҚАРОҚЧИ

Бир қароқчини кўпдан бүён қидиришарди. Кунларнинг бирида у кийимларини ўзгартириб, шаҳарга келди. Шаҳарда уни миршаблар таниб қолиб, орқасидан қувлашди. Қароқчи қочиб, руҳонийнинг уйига келиб қолди, эшикнинг очиқлигини кўрган қароқчи ҳовлига кирди.

Хизматкор ундан нима керак деб сўради.

Қароқчи нима деб жавоб қилишни билмай, хаёлига келган гапни айтди: «Менга руҳоний керак».

Руҳоний қароқчини кутиб олди ва унда нима иши борлигини сўради.

Қароқчи шундай жавоб қилди: «Мен қароқчиман, орқамдан қувиб келишяпти, мени яшир, бўлмаса сени ўлдираман».

Руҳоний бунга жавобан деди: «Мен ёшини яшаб, ошини ошаган қарияман, ўлимдан қўрқмайман, аммо

сенга ачинаман. Чарчаган кўринасан, ана бу хонага кириб дамингни ол, сенга егулик келтиришади».

Миршаблар руҳонийнинг уйига бостириб киришга бөтанишишолмади ва қароқчи ўша уйда тунаб қолди.

Қароқчи бир оз ўзига келгач, руҳоний үнинг олдига келиб деди: «Сенга раҳмим келади, оч-юпунсан, орқангда таъқибчилар юрибди, аммо ҳаммасидан кўра қулоғинггача гуноҳга ботиб, руҳингни увол қилаётганингга кўпроқ ачинаман. Гуноҳдан ҳазар қил!»

Қароқчи шундай деди: «Иложим йўқ энди, ўрганган одат ўлганда қоларкан. Қароқчилик қилиб яшадим, қароқчилигимча дунёдан ўтаман».

Руҳоний ҳамма эшикларни очиб қўйиб, ухлагани кетди.

Қароқчи тунда ўрнидан туриб, хоналарни айлана бошлади. Руҳонийнинг ҳеч нарса яширмай, яна эшикларни ланг очиб қўйгани ғалати туюлди.

Қароқчи нимани ўғирласам экан дея атрофга аланглади, каттакон кумуш шамдонни кўриб, ўйлади: «Мана шу нарсани олиб, секин қуён бўламан. Ўзиям анча пул турса керак, чолга тегмайман».— Қароқчи худди шундай қилди.

Қўриқчилар руҳонийнинг уйидан нари кетишмай, қароқчини пойлаб туришганди. Қароқчи ташқарига чиқиши ҳамон миршаблар уни қуршаб олишди ва этагига яширилган шамдонни топишиди.

Қароқчи гуноҳидан тона бошлади, аммо миршаблар унга жавобан шундай дейишиди: «Олдинги қилмишларингдан тонсанг тонарсан, бироқ шамдонни ўғирлага ниңдан тоналмайсан. Ҳозир руҳонийнинг олдига борамиз, шармандангни чиқаради».

Қароқчини руҳонийнинг хузурига олиб келишиди, шамдонни кўрсатиб, сўрашди: «Бу нарса сизникими?» «Меники», деди руҳоний.

Миршаблар: «Бу нарсангизни уйингиздан ўғирлашган, мана ўша ўғри!» дейишиди.

Қароқчи бўлса миқ этмас, бўриникига ўхшаган кўзлари бежо эди.

Руҳоний ҳеч нарса демади, хонага қайтиб бориб, ҳалиги шамдоннинг иккинчи жуфтини келтирди ва деди: «Нега энди шамдоннинг фақат биттасини олдинг, бўтам? Ахир сенга иккаласиням совфа қилувдим-ку!»

Қароқчи йиғлаб юборди ва миршабларга қаратаде: «Мен ўғриман, қароқчиман, олиб кетинглар мени!»

Кейин у руҳонийга айтди: «Худо ҳаққи, мени кечир, гуноҳкор банданг ҳаққига дуюқил».

## БУҒУ ВА УЗУМЗОР

Буғу узумзорда овчилардан яширинибди. Овчилар ўтиб кетгач, буғу узум япроқларини ея бошлабди.

Овчилар япроқларниң қимирлаётганини пайқаб қолишибди, «Хойнаҳой япроқлар панасида ҳайвон бўлса керак», дея ўқ узиб, буғуни яралашибди.

Буғу жон бераётуб, нола қилибди: «Мени қутқарган япроқларни еганим учун қилмишимга яраша жазоландим».

## ПОДШО ВА БУРГУТ

Бир подшо қуён овлаш учун севимли бургутини қўй-вориб, кетидан ўзи ҳам от солибди.

Бургут қуённи тутибди. Подшо қуённи ажратиб олгач, чанқофини қондириш учун сув қидирибди. Бир тепаликдан сув топибди. Аммо у битта-биттадан томчилаб тушаётган экан. Подшо хуржуидан косани олиб, сувга тутибди. Томчилар йифилиб, коса тўлганда подшо сувни сипқормоқчи бўлибди. Тўсатдан подшонинг қўлидаги бургут безовталанибди ва қанотлари билан уриб, сувни тўкиб юборибди. Подшо яна косани тутибди. Сувнинг лиммо-лим тўлишини узоқ кутибди ва ичиш учун энди оғзига олиб борган экан, бургут потирлаб, яна сувни тўкиб юборибди.

Подшо учинчи марта косани тўлдириб, энди лабига тутган ҳам эканки, бургут яна сувни тўкиб юборибди. Подшо аччиғланибди ва бор кучи билан бургутни қояга уриб, ўлдирибди. Шу маҳал подшонинг хизматкорлари етиб келишибди, улардан бири юқорига чиқиб, булоқнинг ўзидан кўпроқ сув олмоқчи бўлибди. Аммо у косани қуруқ кўтариб қайтибди ва дебди: «Бу сув ичишга ярамайди; булоқда илон бор экан, у сувга заҳар солди. Яхшиям бургут сувни тўкиб юборибди. Ўгар бу сувни ичганингда тирик қолмасдинг».

Подшо деди: «Бургут ҳаётимни сақлаб қолувди, мен эса яхшиликка ёмонлик қилиб ўтирибман».

## МУШУК ВА СИЧҚОНЛАР

Бир уйда сичқонлар кўпайиб кетибди. Уйга мушук кириб, сичқонларни қийрата бошладди. Сичқонлар қарашсаки, аҳвол чатоқ, ўзаро маслаҳатлашишибди: «Келинглар, шифтдан пастга тушмаймиз, мушуквой буёқча чиқиб бўпти!»

Сичқонлар пастга тушмай қўйгач, мушук қандай қилиб уларни алдасам экан деб ўйладди. Ахийри бир, панжаси билан шифтга осилиб, ўзини ўлганга солибди. Бир сичқон секин мўралаб, шундай дермиш: «Йўқ, оғайнчалиш! Қопга айланиб қолсанг ҳам ёнингга йўламайман!»

## ДЕҲҚОН ВА СУВ ПАРИСИ

Бир деҳқон болтасини дарёга тушириб юборди, соҳилда ўтириб, алам билан йиғлай бошлади.

Сув париси йиғини әшиитди, деҳқонга раҳми келди ва сувдан олтин болта чиқариб, сўради: «Мана шу сенинг болтангми?»

Деҳқон: «Йўқ, меники эмас», деди.

Сув париси энди бошқа, кумуш болтани олиб чиқди.

Деҳқон яна: «Меники эмас», деб жавоб берди.

Шунда сув париси деҳқон йўқотган болтани сувдан олиб чиқди.

Деҳқон: «Мана шу менинг болтам», деди.

Сув париси тўғри сўзлагани учун деҳқонга учала болтани ҳам совға қилди.

Деҳқон уйда болталарини ўртоқларига кўрсатди ва бўлган воқеани сўзлаб берди.

Бир деҳқон ҳам худди шундай қилмоқчи бўлди: дарёга бориб, болтасини жўрттага сувга отди ва қирғоқда йиғлай бошлади.

Сув париси олтин болта олиб чиқиб: «Шу болга сеникими?» деб сўради.

Деҳқон ҳовлиқсанча: «Меники, меники», деб қичқирди.

Сув париси ёлғон гапиргани учун олтин болтани ҳам, ўзиникини ҳам деҳқонга қайтармабди.

## СУВ ПАРИСИ ВА МАРВАРИД

Бир одам қайиқда кетаётиб марваридини дengизга тушириб юборибди. У қирғоққа чиқиб, қўлига чеLакни олибди-да, сувга ботириб, ерга сепа бошлабди. Уч кунгача тиним билмай тўкаверибди.

Тўртинчи куни дengиздан сув париси чиқиб, сўрабди: «Нега сувни сепаяпсан?»

У киши шундай жавоб қилибди:

«Марваридимни тушириб юборувдим, шунга сепяпман!».

Сув париси сўрабди:

«Қачон бас қиласан?»

У одам эса: «Дengизни қуритганимдаи сўнг бас қиламан», деб жавоб берибди.

Шунда сув париси дengизга шўнғиб, ўша марваридни эгасига топширибди.

## БЎРИ БИЛАН ҚЎЗИЧОҚ

Бўри сойдан сув ичаётган қўзичоқни кўриб қолибди.

Қўзичоқни егиси келган бўри унга тирфала бошлабди. «Сен,— дебди у,— сувни лойқалатиб, ичишга қўймаяпсан»,

Қўзичоқ шундай жавоб қилибди: «Оҳ, бўривоӣ, мен қандоқ қилиб сувни лойқатай? Ахир мен оқимдан пастда турибман-ку, яна тумшуқчамини ботирмай ичяпман». Шунда бўри айтибди: «Ундаи бўлса ўтган ёзда нега отамни сўқдинг?» Қўзичоқ дебди: «Ахир ўтган ёзда мен ҳатто туғилмаган ҳам эдим-ку». Бўри жаҳли чиқиб, дағдара қилибди: «Сенга ўзи гап уқтириш қийин. Қорним оч, шунинг учун ҳам сени ейман!».

## КУРҚ ТОВУҚ ВА ЖЎЖАЛАР

Курқ товуқ жўжка очибди ва уларни қандай асрарни билмай қолибди. У полапонларига айтибди: «Яна пў-чоқнинг ичига кира қолинглар, сизлар тухум пўчоғига кирволсангиз, мен олдингидек устингиздан босиб ўтирганча асраб-авайлайман». Жўжалар қулоқ солиб, пў-чоққа тирфалишибди, аммо ичкарига киришолмай қанотларининг эзилгани қолибди. Шунда бир жўжа онасига гап қотибди:

**«Агар ҳамшиш пӯчоқнинг ичида қолиб кетадиган бўлсак, яхшиси бизни дунёга кўлтирганингиз маъқул ёди».**

## ОФИР ЖАЗО

**Бир одам бозорга бориб, гўшт харид қилибди. Олди-сотди-да, уни алдаб, гўштнинг ёмонидан беришибди, бунинг устига тарозидан ҳам уриб қолишибди.**

У гўштни кўтариб, сўкина-сўкина уйига қайтибди. Йўлда унга подшо йўлиқиб: «Кимни сўкяпсан?» деб сўрабди. Ҳалиги одам жавоб берибди: «Мени алдаганни сўкяпман. Уч қадоқقا пул тўласам фақат икки қадоқ берди, яна рассво жойидан берди». Подшо шундай дебди: «Юр, бозорга қайтайлик, ўша сени алдаганни кўрсат». Ҳалиги одам орқасига қайтиб, савдогарни кўрсатибди. Подшо гўштни тортиб кўрса, ростдан ҳам алдаган экан. Подшо сўрабди: «Савдогарни қандай жазолаш жоиз деб ўйлайсан?» Ҳалиги киши дебди: «У мени қанчага алдаган бўлса, орқасидан шунча гўшт кесиб олишини буюрсанг бўлди».

Шунда подшо айтибди: «Маъқул, унда пичноқни олгин-да, савдогардан бир қадоқ гўштни кесиб ол, фақат мўлжалда янглишма, мабодо бир қадоқдан ортиқ ёки камроқ кесиб олсанг ҳам ўзинг гуноҳкор бўласан».

Ҳалиги одам дами ичига тушиб, индамай уйига равона бўлибди.

## ПОДШО ФУҚАРОЛАРИ

**Бир подшо ҳўчада кетаётган экан. Йўлида гадо учраб, ундан садақа сўрабди.**

Подшо ҳеч нарса бермабди. Шунда гадо айтибди: «Э подшо, чамаси сен, худо ҳаммамиз учун ягона оламишоҳ эканини унугтган кўринасан, биз ҳаммамиз оғаниилармиз, ўзимизда борини баҳам кўришимиз керак». Подшо тўхтаб, жавоб қилибди: «Сен тўғри айтасан, биз оғаниилармиз, ўзимизда борини баҳам кўришимиз керак», дея жавоб қилибди ва гадога тилла пул берибди. Гадо тиллани олиб, шундай дермиш: «Сен оз бердинг, оғаниилар борини шундоқ баҳам кўришадими? Теппа-тепга баҳам кўриш керак. Миллионлаб пулларинг бор, есан бўлсанг биттагина бердинг».

Шунда иодшо дебди: «Миллионлаб қулларим борлигি рост, мен эсам сенга фақат биттасини бердим, аммо менинг пулим қанча бўлса, фуқароларим ҳам шунчада».

## ДЕҲҚОННИНГ ҒОЗ ТАҚСИМ ҚИЛГАНИ

Бир камбағал деҳқоннинг ейишга ҳеч вақоси қолмабди. Шунда у хўжайинидан егулик сўрамоқчи бўлибди. Қуппа-қуруқ боргиси келмай ғоз тутибди ва уни қовуриб, хўжайинга элтибди. Хўжайнин ғозни олиб, дебди: «Келтирган совғанг учун сенга раҳмат, деҳқон, фақат ғозингни қандоқ тақсимлаймиз, дея бошим қотиб турибди. Мана, менинг хотиним, икки ўғил ва икки қизим бор. Ҳеч кимни хафа қилмаслик учун ғозни қандоқ тақсимласак экан?»

Деҳқон: «Ўзим тақсимлайман», дебди. Пичоқни олиб, ғознинг калласини кесибди-да, хўжайинга: «Хонадонда ўзинг ҳаммага бошсан, сенга боши бўла қолсин», дебди. Кейин орқасини кесиб, бекага берибди: «Сен хонадонга бош-қош бўлиб туриш учун уйда ўтиromoғинг лозим, сенга орқаси бўлсин». Кейин оёқларини кесиб, ўғилларга узатибди. «От изини той босар деб, сизларга оёғини беряпман». Қизларга эса қанотлари тегибди: «Ҳадемай уйдан учирма бўласизлар, сизларга қанот керак. Менга эса қолгани ҳам бўлаверади!» Шундай дея ғознинг қолганини ўзига олиб қолибди.

Хўжайнин кулибди ва деҳқонга ғалла билан шул берибди.

Ўзига тўқ бир деҳқон хўжайиннинг ғоз учун камбағал деҳқонни ғалла ва пул билан сийлаганини эшитибди, бешта ғозни қовуриб, хўжайинга тухфа қилибди.

Хўжайнин шундай дебди:

«Фозларинг учун раҳмат. Аммо менинг хотиним, икки ўғил ва икки қизим бор, олти жонмиз, ғозларингни қандоқ қилиб тепла-тенг тақсимласак экан?»

Бой деҳқоннинг боши қотибди, аммо ҳеч нима ўйлаб тополмабди.

Хўжайнин камбағал деҳқонни айттириб келибди ва ғоз тақсим қилишни буюрибди. Камбағал деҳқон битта ғозни олиб, хўжайнин билан бекага бераркан: «Мана, ғоз билан учта бўлдинглар», дебди. Биттасини ўғилларига узатибди: «Сизлар ҳам ғоз билан учтасизлар». Яна биттасини қизларга берибди: «Сизлар ҳам учта бўл-

дингиз». Ўзига эса иккита ғозни қолидирибди: «Мана биз ҳам ғозлар билан учта бўлдик — ҳаммага теппантенг».

Хўжайин кулибди ва камбағал деҳқонга яна пул, ғалла бериб, бой деҳқонни эса ҳайдаб юборибди.

## БУРИ ВА ҚАМОН

Овчи ўқ, ёй билан овга чиқибди ва ёввойи эчкини ўлдирибди, ўлжани елкасига ташлаб, кўтариб кегибди. Йўлда у тўнғизга дуч келибди. Овчи эчкини ташлабди ва тўнғизни отиб яралабди. Тўнғиз овчига ҳамла қилибди ва уни ёриб ташлабди-ю, ўзи ҳам шу заҳоти жон берибди. Қон ҳидини олган бўри эчки, тўнғиз, овчи ва камон ётган жойга келибди. Бўри қувониб кетибди ва ўзи-ча ўйлабди: «Мана энди узоқ вақтгача қорним тўқ бўлади, фақат ҳаммасини бирдан емайман, ҳеч нима исроф бўлмаслиги учун оз-оздан ейман: олдин қаттиқроқ нарсани еб тураман, юмшоқроқ ва мазалироқ нарсани кейинга қолдираман».

Бўри эчки, тўнғиз ва овчини ҳидлаб кўриб, дебди: булар юмшоқ ўлжалар экан, кейинроқ есам ҳам бўлаверади, олдин мана бу камонни ипини еб олай. Бўри шундай дея камоннинг ипини ғажишига тушибди. Ипни тишлиши ҳамон камон ёйилиб кетиб; бўрининг қорнига зарб билан урилибди. Бўри шу заҳоти тил тортмай ўлибди, бошқа бўрилар эса овчини ҳам, эчки, тўнғиз ва бўрининг ўзини ҳам еб қўйишибди.

## КАНАЛАР

Мен тунаб қолиш учун карвонсаройга қўндим. Уйқуға ётиш олдидан шамни олиб, каравот ва девор бурчакларини қараб чиқдим ва ҳамма бурчакларда канап борлигини кўриб, кечаси каналар безовта қилмаслиги учун нима қилсан экан дея ўйлаб қолдим.

Йигма каравотимни ўзим билан олволгандим, аммо унӣ хонанинг ўртасига қўйсам каналар девордан ерга ва ердан каравот оёқларига тирмашиб менгача етиб келишини билардим, шунинг учун ҳам хўжайниндан тўртта ёғоч косача сўраб олдим-да, ҳар бирига сув қуйиб, каравот оёқларига қўйиб чиқдим. Мен ётдим ва шамни ерга қўйиб, қани, каналар энди нима қилишаркин дея кузата бошладим. Каналар кўп бўлиб, шу ердалигимни

пайқашган эди, улар ерда ғизиллаб, косача атрофидан  
ғимирлаб қолишиди, айримлари сувга юмалаб тушар,  
қолганлари орқасига қайтишар эди.

«Сизларни боплаб алдадим,— деб ўйлардим,— ёним-  
га йўлаб бўпсиз энди». Шамни ўчирмоқчи бўлиб турув-  
дим, шу маҳал нимадир чақаётганини сезиб қолдим.  
Мундоқ қарасам кана экан. Қаёқдан пайдо бўлдийкин?  
Орадан кўп ўтмай яна бошқасини топиб олдим. Атро-  
фимга аланглаб, каналарнинг қаёқдан ёпишаётганини  
бilmоқчи бўлдим.

Анчагача бошим қотиб турди, ахийри юқорига қа-  
радиму каналарнинг шипга ўрмалаб чиқаётганини кўриб  
қолдим, улар каравот тепасига келиши ҳамон тўплап-  
тўғри устимга тащланишарди. «Йў-ўқ,— деб ўйландим,—  
сизларни алдаб бўлмас экан», чакмонимни елкамга  
ташлаб, ҳовлига чиқдим.

## ҚУШЛАР ВА ТУЗОҚ

Бир овчӣ кўл бўйига тўр ташлаб, кўп қушларни ту-  
тиб олибди. Қушлар йирик-йирик экан, тўрни кўтарганча  
учиб кетишибди. Овчи ҳам қушларнинг ортидан қорама-  
қора бораверибди. Бир дехқон овчини кўриб, шундай  
дебди: «Қаёқقا чопяпсан? Ахир қушларга яёв етиб бў-  
ладими?» Овчи шундай жавоб берибди: «Мабодо битта  
қуш бўлганда етолмасдим, аммо ҳозир етволаман».

Овчининг айтгани келибди. Оқшом тушиши ҳамон  
ҳар бир қуш тунаш учун ўз томонига торта бошлабди:  
биттаси ўрмонга, бошқаси ботқоқликка, учинчиси далага  
интилибди: оқибат ҳаммаси тўр билан ерга қулаб ту-  
шиб, овчи уларни тутиб олибди.

## ЗОФЧА

Бир куни дарвеш ўрмонда лочинни кўриб қолибди.  
Лочин уяга бир бўлак гўшт кўтариб келибди ва уни май-  
далаб, зоғчага едирибди.

Лочиннинг зоғчани боқаётганини кўрган дарвеш  
ҳайрат билан ўйлабди: «Ўзи зоғча бўлсаям худонинг  
марҳаматига нойил ва ўша худовандо карим бу бургут-  
ни бегона бир етимчага қайишмоқни ўргатибдур. Шак-  
шубҳасиз олло-таоло жамики жонзодлағра ғамхўрдир,  
биз бўлсак фақат ўзимизнингина ўйлаймиз. Мен ҳам

энди ўзимни ўйлашни бас қилиб, егулик ғамлаб юрмайман. Худо бошқа жонзотлар қатори мени ҳам ташлаб қўймас».

Дарвеш айтганини қилибди: ўрмонда жойидан силжимай худога сифиниб ўтираверибди. Уч кечаю уч кундуз туз тотмабди. Учинчи куни дарвеш азбаройи тинкамадори қуриганидан қўлини ҳам қимирлатолмай қолибди. Мадорсизликдан ухлаб қолибди. Тушида бир қарияни кўрибди. Қария бамисоли ёнига келгандек бўлиб, шундай дебди: «Нега сен тирикчилигингни йигиштириб қўйдинг? Бу ишинг худога маъқул деб ўйлайсан, аслида гуноҳга ботяпсан. Худовандо карим оламни шундай яратганки, унда ҳар бир тирик жонзот ўз тирикчилигини ўзи қилмоғи даркор. Лочин худонинг амри ила зоғчани боқяпти, чунки зоғча кўмаксиз яшай олмайди; сен эса ўзинг тирикчилигингни ўтказа оласан. Сен худонинг марҳаматини синаб кўрмоқчи бўляпсан, бу эса гуноҳдир. Кўзингни оч ва олдингидек яна ҳаракатингни қил».

Дарвеш уйгонибди ва олдингидек яшай бошлабди.

## ЧАВАНДОЗЛИКНИ ЎРГАНГАНИМ

Шаҳарда яшаганимизда ҳар куни ўқирдик, фақат якшанба ва дам олиш кунларигина акаларим билан сайд қилиб, ўйнагани чиқардик. Бир куни отам шундай деб қолди: «Катта болалар энди от минишни ўрганмоғи керак. Улар отчопарга боришин». Мен акаларим орасида энг кенжаси эдим. «Мен ҳам ўргансам майлимми?» деб сўрадим. «Сен йиқилиб тушасан», деди отам. Мени ҳам ўргатишсин дея йиглаворгудай бўлиб ялиндим.

Отам шундай деди: «Ҳай майли, сениям ўргатишади. Фақат йиқилиб тушгудай бўлсанг йиғлаб юрмагин. Умрида отдан йиқилмаган одам от минишни ўрганолмайди».

Чоршанба куни уч ака-укани отчопарга олиб боришиди. Биз катта айвонга, ундан ўтиб кичикроғига кирдик. Айвоннинг таги каттакон хона экан. Ерга қум сепилганди. Худди мана шу хонада жаноблар, бойваччалар ва бизга ўхшаган болакайлар от минишаркан. Отчопар дегани мана шу эди. Отларнинг ҳиди димоқقا урилаётган бу хона нимқоронги бўлиб, отларга қичқиришар, қамчилар тарсиллар, ёғоч деворга туёқларнинг урилиши эшитилар эди. Мен олдинига қўрқиб кетдим ва ҳеч нимани илғай олмадим. Кейин бизнинг амакимиз отбо-

қарни чақириб, тайинлади: «Мана бу болаларга отлардан беринг, улар чавандозликни ўрганишмоқчи». Отбоқар: «Хўп бўлади», деди.

Кейин у менга қараб туриб деди: «Мана буниси ҳалимуда кичкина экан». Амаки шундай жавоб қилди: «У йиқилсан йифламайман деяпти». Отбоқар кулиб қўйиб, нари кетди.

Кейин учта эгарланган отни келтиришиди, биз шинемизни ечиб, зинапоядан отчопарга тушдик, отбоқар отни узун арқон билан ушлаб турар, акаларим эса отлиқ айланиб юришар эди.

Улар олдинига қадамлаб, сўнг йўрғалаб юриниди. Кейин кичикроқ бир отни етаклаб келиниди. Унинг думи қирқилган, ўзи малла эди. Уни эркалаб Тулпорча дейишарди. Отбоқар кулимсираб менга: «Қани ўтирасинлар, чавандоз», деди. Мен ҳам қувонар, ҳам қўрқар эдим, аммо буни ҳеч кимга сездирмасликка тиришадим.. Узангига оёғимни қўйиш учун анча уриндим, аммо етолмадим, чунки мен ҳали кичкина эдим. Шунда отбоқар ўзи мени кўтариб ўтқазиб қўйди. У: «Тошингиликки қадоқдан ошмайди, бойваччам», деди.

Отбоқар олдинига қўлимдан ушлаб турди; акаларими ни ушламаган эди, мени ҳам қўйворишини сўрадим. У, «қўрқмайсизми?» деб сўради. Жудаям қўрқиб турган бўлсам-да, йўқ, қўрқмайман, дедим. Мен айниқса Тулпорнинг қулоқларини чимириб туринидан хавотирда эдим. У менга жаҳл қиляпти деб ўйлардим. Отбоқар, «ҳай майли, ишқилиб йиқилиб тушманг!» деди-ю, мени қўйворди. Тулпорча олдинига қадамлаб юрди, мен ҳам тўғри ўтиредим. Эгар сип-силлиқ бўлиб, ағдарилиб тушишдан чўчирдим. Отбоқар: «Хўш, жойлашиб ўтироволдингизми?» деб сўради. Мен: «Ҳа, ўтироволдим», дедим. «Қани унда йўрғалашга ўтамиш!» деди ва у тилини чиқиллатди.

Тулпорча аста йўрғалаб, мени силкита бошлади. Мен оғиб кетмасликка тиришиб, миқ этмасдим. Отбоқар: «Баракалла, чавандоз, баракалла!» дея мени мақтаб қўйди. Мен бундан беҳад суюндим.

Шу маҳал отбоқарнинг ёнига оғайниси келиб, уни гапга тутиб қолди ва отбоқар менга қарамай қўйди.

Тўсатдан мен эгардан оға бошлаганимни пайқаб қолдим. Узимни ўнглашга уриндиму эплолмадим. Мен тўхтатишини сўраб, отбоқарга қичқирмоқчи бўлдиму, аммо уялиб, индамай қўя қолдим. Отбоқар ҳамон менга қарамас эди. Тулпорча тинимсиз йўрғалар, мен эсам

тобора эгардан оғиб борардим. Мен ёрдам бервонар дея отбоқарга кўз тикар, у эса ҳамон ўртоғи билан гурунглашар, менга қарамасдан, «Баракалла, чавандоз!» деб қўярди. Эгарга зўрға илашиб ўтирас ва жуда ҳам қўрқиб кетган эдим. Энди буткул тамом бўлдим деб ўйладим. Аммо қичқиришга уялардим. Тулпорча мени яна бир силкиган эди, сирпаниб, ерга йиқилиб тушдим. Шунда Тулпорча ҳам тўхтаб қолди ва отбоқар ўгирилиб, от устида менинг йўқлигимни кўрди. «Ана холос, чавандозим йиқилиб тушибди-ку!» дея ёнимга келди. Мен унга майиб бўлмаганимни айтувдим, кулиб, деди: «Боланинг танаси юмшоқ бўлади». Менинг эса йиғлагим келди. Яна отга миндириб қўйишни сўровдим, миндиришиди. Бошқа йиқилмадим.

Отчопарда шу тариқа ҳафтасига икки мартадан машқ қилиб турдик ва мен кўп ўтмай чавандозликнинг анча ҳадисини олволдим, ҳеч нарсадан қўрқмайдиган бўлдим.

## ПОДШО ВА КЎЙЛАК

Бир подшо бетоб бўлиб қолибди ва: «Кимки дардимга шифо топса ярим подшолигимни бераман», дебди. Шунда жамики донишмандлар тўпланиб, подшони қандай даволасак экан дея маслаҳатлашишибди. Ҳеч ким чорасини тополмабди. Фақат бир донишмандгина подшонинг дардига даво топса бўлади дебди. У агар баҳтли одамни топиш мумкин бўлса кўйлагини ечиб, подшога кийдириш керак, шунда подшо тузалиб кетади дебди. Үз туриш-турмушидан рози бўлган бирон-бир кимса топилмабди. Бирор бой бўлса соғ эмас, бирор соғу аммо қашшоқ; соппа-соғ ва бадавлат бўлгани хотиндан ёлчи-маган, яна кимнидир болалари ноқобил, ҳаммаси ишқилиб нимадандир зорланади. Бир куни кеч оқшомда шаҳзода бирорнинг кулбаси ёнидан ўтиб кетаётуб, ичкаридаги гапни эшишиб қолибди: «Мана, худога минг қатла шукурки ишимни битириб келдим, қорним ҳам тўқ; энди ухласам бўлади; менга тағин нима керак?»

Шаҳзода суюниб кетибди, ҳалиги одамнинг кўйлагини ечиб, ўрнига қанча хоҳласа шунча пул беришни ва кўйлакни шаҳаншоҳга элтишни буюрибди. Хизматкорлар баҳтли одамнинг олдига келиб, кўйлагини ечмоқчи бўлишибди, аммо баҳтли одам шу қадар қашшоқ эканки, боеқишининг ҳатто эгнида кўйлаги ҳам йўқ экан,



## ҚАМИШ ВА ЗАЙТУН

Зайтун ва қамиш қай биримиз мустаҳкам ва башу-  
ватлироқмиз дәя тортишиб қолишибди. Зайтун ҳар қандай  
шамолга ҳам әгилаверадиган қамишдан кулибди.  
Қамиш индамабди. Ногоҳ бўрон турибди: қамиш әгилиб,  
тўлғонибди, ергача қадди букилибди — синмабди. Зайтун эса шамолга қаддини керган экан, синиб тушибди.

## БЎРИ ВА ДЕҲҚОН

Овчилар бўрини қувиб боришаётган экан. Бўри йўлида деҳқонга дуч келибди. Деҳқон ғаллаянчич тўқмоқни ва қопини кўтариб, хирмондан қайтаётган экан. Бўри унга шундай дебди: «Деҳқон, мени яшир, орқамдан овчилар қувиб келишапти». Деҳқоннинг бўрига раҳми келибди ва уни қопига яшириб, орқалаб олибди. Овчилар етиб келиб, деҳқондан: «Бўрини кўрмадингми», деб сўрашибди.

— Йўқ, кўрмадим,— дебди деҳқон.

Овчилар жўнаб кетишибди. Бўри қопдан чиқибдида, деҳқонни емоқчи бўлибди. Деҳқон унга шундай дебди:

— Эҳ, бўривой, инсофинг йўқ экан, мен сени қутқарсаму сен бўлсанг мени емоқчи бўляпсан-а.

Бўри жавоб қилибди:

— Яхшилик унугиди.

— Йўқ, яхшилик унугиди, кимдан сўрасанг сўра — ҳамма яхшилик унугиди дейди.

— Бўпти, унда бирга кетдик,— дебди бўри.— Биринчи дуч келгандан яхшилик унугидими-йўқми деб сўраймиз. Агар унугиди дейишса сени қўйвораман, унугиди дейишса еб қўяман.

Йўлда кетишаётган экан, олдиларидан кўзи ожиз, қари бия чиқибди. Деҳқон сўрабди: «Айт-чи, бия, яхшилик унугидими ёки йўқми?»

Бия шундай жавоб қилибди:

— Э нимасини айтай, мана мен ўн икки йил хўжанинг хизматини қилдим, ўн иккита қулун туғиб бердим, тинимсиз ер ҳайдаб, юқ ташидим, ўтган йили кўр бўлиб қолдиму сийжувозхонада ишлай бошладим. Тунов куни айланишга мажолим қолмай ғилдиракнинг устига йиқилиб тушдим. Мени ўласи қилиб калтаклашди, думмидан судраб бориб жарликка улоқтиришди. Узимга

келиб, базўр эмаклаб чиқиб олдим, мана энди қаёққа бош уришимни билмайман.

— Мана кўрдингми,— дебди бўри.— Яхшилик унутилади.

— Шошмай тур, яна сўраб кўрамиз,— дебди деҳқон.

Яна йўлда давом этишибди. Қари бир итга дуч келишибди. Жонивор думини ликиллатганча судралиб бораётган экан.

— Қани айт-чи, яхшилик унутиладими ёки йўқми?— деб сўрабди деҳқон.

— Э нимасини айтай: ўн беш йил хўжайнинг хизматини қилдим, вовуллаб, ваҳшат солиб уйини қўриқладим, мана энди тишларим тўкилиб, қартайганимдан сўнг орқамга шоти билан уриб, ҳовлидан ҳайдаб юборишиди. Энди қаёққа бораримни билмай эмаклаб кетяпман.

— Эшилдингми нима деганини?— дебди бўри.

— Яна бир оз шошмай тур,— дебди деҳқон.

Йўлда тулкига дуч келишибди. «Қани айт-чи, тулковой, яхшилик унутиладими ёки йўқми?» деб сўрабди деҳқон.

— Сенга буни билиш нега керак бўлиб қолди?— сўрабди тулки.

— Э мана бу бўри овчилардан қочиб келаётib мендан яширишни сўровди, уни қопимга яширдим, энди бўлса у мени емоқчи бўляпти,— дебди деҳқон.

— Наҳотки шундай катта бўри кичкина қопга сира? Мабодо ўз кўзим билан кўрганимда ҳакамлик қила олардим,— дебди тулки.

— Бемалол сиғиб кетди, ишонмасанг ана ўзидан сўра?— дебди деҳқон.

«Тўғри айтапти», дея жавоб қилибди бўри.

Шунда тулки айтибди:

— Ўз кўзим билан кўрмагунимча ишонмайман. Қани, қандай сиққанингни ўзинг кўрсат-чи.

Шунда бўри калласини қопга суқиб, «мана бундоқ»,— дебди.

— Қопга бутунлай киргин, бўлмаса яхши кўролмайман,— дебди тулки.

Бўри қопга кирибди. «Энди қопнинг оғзини боғла»,— дебди тулки деҳқонга. Деҳқон қопни боғлабди. Тулки шундай дебди:

— Қани энди, деҳқон, хирмонда қандай ғалла янчишингни бир кўрсатиб қўй-чи.

Деҳқон суюниб кетибди ва бўрини тўқмоқлашга тушибди.

Кейин: «Хирмонда фаллани мана бундоқ қилиб янчади, тулкивой», дея тулкининг калласига битта уриб, ўлдирибди ва: «Яхшилик унутилади!» дебди.

## ТУЛКИ ДУМИ

Бир одам тулкини тутиб олиб: «Итларни думингиз билан алдашни кимдан ўргангансизлар?» деб сўради. Тулки шундай жавоб берибди: «Алдашга бало борми? Биз итларни алдамаймиз, улардан жон-жаҳдимиз билан қочамиз, холос». Шунда у киши айтибди: «Йўқ, сизлар думингиз билан алдайсизлар. Итлар сизларни қувиб етиб, энди тишламоқчи бўлганда сизлар думингиз билан бир томонга буриласиз, итлар думингиз ортидан кескин бурилганда сизлар бошқа томонга уриб қоласизлар. Тулки бунга жавобан кулимсираб, шундай дебди: «Биз буни итларни алдаш учун жўрттага қилмаймиз, биз буни бурилиш учун қиласиз: итлар бизни қувиб етгандан кейин, тўғрига кетишдан нажот йўқлигини кўриб бир четга буриласиз: тўсатдан бир томонга бурилиш учун худди сизлар югураётib бурилмоқчи бўлганингизда қўлингиз билан ҳаракатланганингиздай, думимиз билан иккинчи томонга кескин силтаймиз. Буни биз ўйлаб топганимиз йўқ: буни худонинг ўзи бизни яратиб, итлар ҳамма тулкиларни қийратмасин дея ўйлаб топган».

## ХУДО ҲАҚИҚАТНИ ҚУРАДИ-Ю, АММО АЙТАВЕРМАЙДИ

Владимир шаҳрида Аксёнов деган ёш бир савдогар яшарди. Унинг иккита дўкони ва уйи бор эди.

Аксёнов малларанг, жингалаксоч, чиройли ва қувноқ одам бўлиб, қўшиқ айтишга ҳам анча уста эди. Ёшлигидан кўп ичар, ичганда тўполон қиласар, аммо уйлангандан кейин ичишни ташлаган, фақат аҳён-аҳёнда эски одати қўзиб қоларди.

Ёз кунларининг бирида Аксёнов Нижнийга ярмаркага борди. Оиласи билан хайрлашаётганда хотини унга шундай деди:

— Иван Димитрович, шу бугунча бормай тур, сен ҳақингда бехосият туш кўрдим.

Аксёнов кулиб жавоб қилди:

— Сен ҳойнаҳой ярмаркада майшат қилишимдан қўрқаётгандирсан?

Хотини шундай деди:

— Нимадан қўрқаётганимни ўзим ҳам билмайман, ишқилиб, яхши туш кўрмадим-да, гўёки сен шаҳардан келиб, қалпогингни олганмишсан, мен эса мундоқ қарасам бошингда сочинг оппоқ оқариб кетганмиш.

Аксёнов кулди.

— Э, демак омадим келаркан. Мана қараб тургин, савдони битириб, қимматбаҳо совғалар келтираман.

Шундай қилиб у, оиласи билан хайрлашиб, жўнаб кетади.

Йўлнинг ярмида унга таниш бир савдогар ҳам қўшилади ва икковлон бирга тунаш учун тўхтайдилар. Улар чой ичиб, ёнма-ён икки ҳужрада ухлаш учун ётадилар. Аксёновнинг узоқ ухлайдиган одати йўқ эди; у тун ярмида уйғонди, салқинда юриш ўнғай бўлишини кўзлаб, аравакашни уйғотди ва йўлга ҳозирланишни буюрди. Кейин қора ҳужрага чиқиб, хонадон соҳиби билан ҳисоб-китоб қилди.

Қирқ чақиримча йўл босгач, у яна тамадди қилиш учун карвонсаройда тўхтади, ҳордиги чиққач, туш маҳали айвонга чиқиб, самовар-қўйишни буюрди, гитарасини олиб, чала бошлади. Тўсатдан ҳовлига қўнғироқларини жаранглатиб, уч отли арава кириб келди. Ундан икки солдат билан бир амалдор тушиб, Аксёновга рўбарў бўлишди ва ундан кимлиги, қаёқдан келаётганини сўрашди. Аксёнов бор гапни айтгач, уларни чойга таклиф қилди. Аммо ҳалиги амалдор ҳамон бетиним тергов қиласди: «Ўтган кеча қаерда тунадинг? Бир ўзингмидинг ёки савдогар ҳам бормиди? Эрталаб савдогарни кўрмадингми? Нега энди у ердан барвақт жўнаб кетдинг?» Аксёнов нега энди мендан буларни сўрайтийкин дея ҳайрон бўлди: ҳамма нарсани оқизмай-томизмай, қандай бўлса шундай гапириб берди ва ахийри шундай деди: «Нега энди мени бунчалик тергов қиляпсиз? Мен ўғриям, қароқчиям эмасман. Ўз юмушим билан кетяпман, мени тергов қилишнинг ҳожатиям йўқ».

Шунда амалдор солдатларни чақириб, деди:

— Мен полиция бошлиғиман, сени тергаётганимга сабаб шуки, ўтган кеча сен билан бирга тунаган савдогар сўйилган. Нарсаларингни кўрсат, сизлар уни тинтуб қилинглар.

Хужрага кириб, жомадон билан қопларни олишиди ва уларни очиб, тинтишга тушдилар. Ногоҳ полиция бошлиғи қопдан пичоқни чиқариб, ҳайқирди:

— Бу кимнинг пичори?

Аксёнов қопидан қонли пичоқни топиб олишганини кўриб қўрқиб кетди.

— Пичоқ нега қон?

Аксёнов жавоб қайтармоқчи эди, тили айланмай қолди.

— Мен... мен билмайман... мен... п-пич... меники эм-эмм...

Шунда полиция бошлиғи айтди:

— Эрталаб савдогарни сўйилган ҳолда топишиди. Буни сендан бошқа ҳеч ким қилмайди. Уй ичкаридан беркитилган, ичкарида эса сендан бошқа кимса йўқ эди. Мана энди қопингдан топилган қонли пичоққа нима дейсан: қолаверса кимлигинг шундоқ башарангдан ҳам маълум. Гапир, уни қандай ўлдирдинг, қанча пулини ўмардинг?

Аксёнов худони ўртага қўйиб, бу ишни қилмаганлиги, бирга чой ичишгандан кейин савдогарни кўргмаганлиги, 8000 ўзининг пули эканлиги, пичоқ уники эмаслигини айтди. Аммо овози қалтираб, юзлари оқариб кетган, бутун вужуди худди гуноҳкордай қўрқувдан титраб-қақшар эди.

Полиция бошлиғи солдатларни чақирди ва уни боғлаб, аравага олиб чиқиши буюрди. Оёқларини боғлаб, аравага ағдаришганда Аксёнов чўқинди ва йиғлаб юборди. Аксёновнинг нарсалари ва пулини олиб қўйишди, ўзини эса яқин шаҳардаги турмага юборишиди.

Владимирга борган вакил Аксёновнинг қандай одамлигини сўраб-суриштириди, жамики савдогарлар ва ҳамюртлари Аксёновнинг ёшлигига ичиб, анча-мунча шўхлик қилгани, аммо ўзи яхши одам эканлигини айтишди. шундан кейин уни суд қилишга тушдилар. Аксёновни рязанлик савдогарни ўлдириб, 20000 пулини ўғирлаганликда айблаб суд қилишиди.

Хотини эрининг қайғусида бўларича бўлди, нима қиларини билмай боши қотди. Болалари ҳали ёш, биттаси кўкрагидан узилмаганди. У ҳамма болаларини олиб, эри қамоқда ётган шаҳарга йўл олди. Олдинига уни қўйишмади, аммо боёқиши бошлиқларга ялиниб-ёлборгач, эрининг ҳузурига олиб боришиди. Муштипар хотин эрини бошқа аристонлар қатори қамоқхона кийимида, занжирбанд ҳолда кўрди-ю, ўзини ерга ташлаб юборди

ва аұчагача ўзига келолмади. Кейин болаларини атрофига ўтқазиб, ўзи ҳам уларнинг ёнига чўкди ва уйдаги туриш-турмушидан гап очди. Айни чорда эридан бошига тушган фалокат ҳақида сўраб-суринтириди. Эри бор гапни айтиб берди.

— Энди нима қилдик? — деб сўради хотини.

— Подшоҳга арз қилмоқ лозим. Емаган сомсага пул тўлаш алам қиласди.

Хотини подшоҳга арзнома юборгани, аммо у ҳали етиб бормаганини айтди. Аксёнов бошини ҳам қилганча ҳеч нима демади. Шунда хотини яна гап қотди:

— Эсингдами, ўшанда соchlаринг оқариб кетгани бежиз тушимга кирмаган экан. Мана энди ростдан ҳам ғам-ғуссадан сочинг оқариб кетди. Асли ўшанда бормасанг бўларкан.

Хотин эрининг соchlарини сийпалаб, оҳиста сўради:

— Ваня, жонгинам, ёстиқдошингга тўғрисини айта қол, мабодо шу ишни сен қилмаганмисан?

Бечора Аксёнов: «Энди шубҳаланмаган битта сен қолувдинг!» деди-ю, юзини тўғсанча йиғлаб юборди. Кейин солдат келиб, учрашув вақти тугаганини айтди. Шунда Аксёнов оиласи билан охирги марта видолашди.

Хотини жўнаб кетгач, Аксёнов бўлиб ўтган суҳбатни бир-бир эслай бошлади. У хотини ҳам ундан шубҳаланиб, савдогарни сен ўлдирмаганмисан деб сўраганини эслади-ю, ўзича: «Дарҳақиқат, худованди каримдан бошқа ҳеч ким ҳақиқатни билмайди ва фақат парвардигордангина ёруғлик кутиш мумкин», деб қўйди. Ушандан буён Аксёнов арзнома ёзишни бас қилиб, умъдини узиб қўйди ва фақат худогагина сифиниб, тоатибодатга берилди.

Аксёнов дарра билан саваланиб, каторгага сургун қилиш учун ҳукм қилинди. Ҳукм ижро этилди.

Уни дарра билан савалашибди, калтак зарбидан қолган жароҳатлари тўзалгач, бошқа аристонларга қўшиб Сибирга ҳайдашди.

Сибирда, каторгада Аксёнов 26 йил яшади. Бошида соchlари қордай оқариб кетди, энсиз, узун соқоли ҳам оппоқ эди. Олдинги қувноқлигидан асар ҳам қолмади. У буқчайганча, оҳиста юрар, кам гапирав, мутлақо кулмас ва тез-тез худога ибодат қиласди.

Тутқунликда Аксёнов этикдўзликни ўрганди, ишлаган пулига азиз-авлиёлар ҳақидағи диний китоб сотиб олди ва қамоқхона ёруғлигига мутолаа қилиб турди. Байрамларда қамоқхона черковига бориб, Апостолни

Ўқир, бутхона хорига қўшилиб куйлар, овози ҳалиям чакки эмас эди. Бошлиқлар Аксёновни мўмин-қобиллиги учун хуш кўришар, «отахонимиз», «оллонинг ноиби» дея ялқашар эди. Турмада бирон-бир илтимос чиқиб қолса, оғайнилари бошлиқлар билан мулоқотда бўлиш вако-латини ҳамиша Аксёновга ишонишар, мабодо аристонлар ўртасида уриш-жанжал чиқса ҳам доимо Аксёновнинг олдига ажрим қилишни сўраб келишар эди.

Аксёнов уйидан хат олмас, хотин ва бола-чақаси ҳақида ҳеч нарса билмасди.

Бир куни каторгага янги аристонлар келди. Кечқурун эски маҳбуслар янгиларни ўртага олиб, ким қайси шаҳар ёки қишлоқдан келганлиги, гуноҳи нимадалиги ҳақида сўраб-сурештира бошладилар. Янги аристонлар орасида баланд бўйли, соқоли қиртишланган, олтмиш ёшлардаги, бақувват бир чол ҳам бор эди. У нима учун қўлга тушиб қолганини айтаркан, шундай деди:

— Бу ёққа мутлақо гуноҳим бўлмаган ҳолда келиб қолдим. Аравакашнинг отини чанасидан ечиб олувдим. Ўғирлагансан дея тутиб олишди. Мен фақат манзилга тезроқ етиб олмоқчи эдим, ахир отни қўйворувдим-ку. Аравакаш бўлса ўзимнинг танишим, дедим. Тўғри айтибманми? Йўқ, ўғирлагансан дея туриб олишди. Аслида қаерда, нимани ўғирлаганимни билишмасди. Илгариги қилмишларим учуноқ аллақачон шу ерга келишим лозим эди, аммо қўлга туширишолмади, энди бўлса қонунга хилоф ҳибсга олиб ўтиришибди. Сибирида олдин ҳам бўлганман, аммо кайф-сафо узоқ чўзилмаган.

— Сен ўзинг қаерликсан? — деб сўради аристонлардан бири.

— Биз Владимир шаҳридан, ўша ерлик мешчанларданмиз. Иссим Макар, одамлар Семёнович дейишади.

Аксёнов бошини кўтариб, сўради:

— Семёнович, сен мабодо владимирилик савдогар Аксёновлар ҳақида эшитмаганмисан? Улар ҳаётмикин?

— Эшитганда қандоқ! Бадавлат савдогарлар, отала-ри бежиз Сибирга сургун қилинмаган. Худди сен билан бизга ўхшаган гуноҳкор бандалардан. Отахон, сен ўзинг қайси гуноҳинг учун бу ерда ўтирибсан?

Аксёнов ўзининг шўр пешонаси ҳақида гапиришни ёқтирмасди, бир хўрсиниб олгач, шундай деди:

— Гуноҳимга яраша йигирма олти йилдан буён жазомни тортиб юрибман.

— Қанақа гуноҳинг учун ахир? — деб сўради Макар Семёнов.

Аксёнов: «Жаззасига яраша-да!» деди-ю, бошқа гапиролмади, аммо аристон ўртоқлари Аксёновнинг қандай қилиб Сибирга тушганини айтиб беришди. Улар йўлда кимдир савдогарни ўлдириб, пичоқни Аксёновнинг қопига яшириб кетгани, бунинг учун уни беҳуда-бегуноҳ суд қилишганини янги маҳбусга ҳикоя қилишди.

Макар Семёнович бу гапни эшитди-ю, ялт этиб Аксёновга қаради, тиззасига шапатилаб, хитоб қилди:

— Ё товба! Ё товба! Ахир қариб кетибсан-ку, отагинам!

Ундан нега ҳайрон бўлаётгани, Аксёновни қаерда кўрганини сўрашди, аммо Макар Семёнов бунга эътибор қилмади, фақат: «Зал аломат иш бўлди-да, оғайнilar, кўришган жойимизни қаранг», деб қўйди.

Бу гаплардан Асёновнинг хаёлига мабодо бу одам ўша савдогарни ким ўлдирганини билмасмикан деган фикр келди.

— Семёнович, балки сен ўша жиноят ҳақида олдин ҳам эшитгандирсан ёки мени илгари кўргандирсан?— деб сўради.

— Эшитганда қандоқ! Ер юзи мишишларга тўла. У ишларга кўп вақт бўлди. Эшитганларим ҳам ёдимдан кўтарилиб кетган,— деди Макар Семёнов.

— Балки савдогарни ким ўлдирганини эшитгандирсан?— деб сўради Аксенов.

— Макар Семёнов кулиб жавоб берди:

— Ким бўларди — ўша, қопидан пичоқ чиққан одам ўлдирган-да. Агар биронтаси пичоқни қопингга яширган тақдирда ҳам ўзи қўлга тушмаган бўлса — ўғри эмас. Қолаверса, қандай қилиб пичоқни қопингга яшириш мумкин? Ахир у бошингда эмасмиди? Ўзинг ҳам сезардинг-ку.

Аксёнов бу гапни эшитди-ю, савдогарни худди мана шу одам ўлдирган деб ўйлади. Ўрнидан туриб, ўзини четга олди. Аксёнов шу кеча мижжа қоқмади. Диққати ошди, кўз олдига ҳар турли нарсалар кела бошлади: тоғ хотини уни охирги марта ярмаркага кузатганда қандай бўлса, ўшандай кўз олдига келарди. Хотинининг жонли қиёфаси, юз-кўзларини яққол кўрди, гап-сўзлари, кулишларини эшитди. Кейин ўшанда ҳали кичкина бўлган, биттаси пўстин кийган, иккинчиси эмизикли болакайлари кўз олдига келди. Ўшанда ўзи ҳам ёш ва қувноқ бўлганини эслади: карвонсарой айвонида ўтирганча шоду хуррам гитара чалаётгандага қўлга олишганини эслади. Маҳкумлар жазоланадиган жойда дар-

ра егани-ю, ўша жаллод, атрофдаги ҳалойиқ, кишанлар, аристонлар ҳамда йигирма олти йил чўзилган маҳбуслик ҳаёти, қариб-қартайиб қолгани — ҳамма-ҳаммаси кўз ўнгида намоён бўлди. Юраги шундай сиқилдики, бутун ёруғ олам кўзига қоронғи кўриниб кетди.

«Ҳаммасига ана ўша иблис сабабчи!» деб ўйлади Аксёнов.

Макар Семёновични кўрарга кўзи, отарга ўқи йўқ, ўзи нима бўлса ҳам боллаб ўчини олиб, аламдан чиққиси келар эди. Туни билан ибодат қилиб чиқди, аммо ўзини босолмади. Кундузи Макар Семёновга яқинлашомлади, башарасига ҳам қарамади.

Икки ҳафта шу зайлда ўтди. Аксёнов тунлари ухлай олмас, азбаройи сиқилганидан ўзини қўярга жой тополмасди. Бир куни тунда Аксёнов турма оралаб кетаётган эди, ёроч каравотлардан бирининг тагидан тупроқ тўкилиб кетди. Нима гап дея тўхтади. Ногоҳ каравот тагидан Макар Семёнович сакраб чиқди ва қўрқа-писа Аксёновга қаради. Аксёнов уни кўргиси келмай, ўтиб кетмоқчи бўлди, аммо Макар уни қўлидан ушлаб қолди ва девор тагидан қандай қилиб лаҳм қазигани, ҳар куни ишга ҳайдашганда қўнжига тупроқ солиб, кўчага тўкиб келаётганини айтиб берди.

— Фақат дамингни чиқарма, бобой, мен сениям бу ердан олиб чиқаман,— деди у.— Мабодо оғзингдан гулласанг, мени калтаклашади, унда ўзингдан кўр — ўлдирман.

Аксёнов ўз кушандасини кўрди-ю, қаҳру ғазабдан титраб-қақшаб кетди, қўлини тортиб, шундай деди:

— Чиқишга кўзим учиб тургани йўқ, ўлдирадиган гуноҳим ҳам йўқ, сен мени аллақачон ўлдириб бўлгансан. Қилмишингни айтиш-айтмасликни эса оллонинг хоҳиш-иродаси ҳал қиласди.

Эртаси куни солдатлар аристонларни ишга ҳайдаб чиқишганда Макар Семёнов тўкиб кетган тупроқни пайқаб қолиши ва турмани қидириб, тешикни топиб олишди. Бошлиқ турмахонага келиб, тешикни ким қазиди дея ҳаммани сўроқقا тутди. Ҳамма айбни ўзидан соқит қилди. Билганлар Макар Семёновни сотишмади, чунки бу қилмиши учун уни ўласи қилиб калтаклашлари аниқ эди. Шунда бошлиқ Аксёновга мурожаат қилди. У Аксёновни адолатпарвар одамлигини биларди.

— Отахон, сен тўғрисўз одамсан, худо ҳаққи айт-чи, бу ишни ким қилди?

Макар Семёнович ҳеч нима бўлмагандек, бошлиққа қўзини лўқ қилиб туар, Аксёновга қарамас эди. Аксёновнинг эса қўл ва лаблари титраб кетди, анчагача тили калимага келмади. Кўнглидан шундай ўйлар кечди: «Ўзи-ку мени адойи тамом қилган одам бўлса, яна қайси кўрсатган каромати учун қилмишини беркитай? Чеккан изтироб-аламларим ҳаққи бир жаззасини тортсан. Шу тобда бир оғиз айбини айтсан бўлди — калтакнинг тагида қолади. Нима, ёки мен беҳуда домангир бўляпманми? Э нималар деяпман, ахир бундан менга нима фойда?»

Бошлиқ яна бир карра сўради: «Хўш, отахон, тўғрисини айт-чи, лаҳмни ким қазиди?»

Аксёнов Макар Семёновичга бир қараб қўйиб, жавоб берди:

— Мен кўрганим йўқ, билмайман ҳам.

Шундай қилиб лаҳм қазиган одамни топишолмади.

Кейинги кеча Аксёнов тахта каравотига чиқиб, энди мудраган ҳам эдикки, оёқ томонига кимдир келиб ўтирганини пайқади. У қоронфида тикилиб, Макарни таниб қолди.

— Сенга яна нима керак ўзи? Бу ерда нима қилиб ўтирибсан? — деди Аксёнов.

Макар Семёнович миқ этмасди. Аксёнов ёнбошлаб туриб гапирди:

— Нима керак деяпман? Иўқол! Бўлмаса ҳозир солдатни чақираман.

Макар Семёнович Аксёновга яқин энгashiб, шивирлади:

— Иван Димитриевич, кечир мени!

— Қай бир гуноҳингни кечирай? — деб сўради Аксёнов.

— Савдогарни ўлдирган ҳам, личноқни қопингга яширган ҳам менман. Мен сени ҳам ўлдирмоқчи эдиму аммо ҳовлидан шарпа эшитилиб қолди, личноқни қопингга яшириб, деразадан ташлаб қочдим.— Аксёнов индамас, нима деярини билмас эди. Макар Семёнов тахта каравотдан пастга тушиб, ерга сажда қиларкан, шундай деди:

— Иван Димитриевич, кечир мени, худо ҳаққи кечир. Савдогарни ўлдирганимни бўйнимга оламан, сени афв этадилар. Сен уйингга қайтасан.

Аксёнов бунга жавобан айтди:

— Сенга гапириш босон, мен қандай тоқат қилай ахир? Энди қайга бosh уриб борай?.. Хотиним ўлиб кетган бўлса, балалар унутворишган, топиниб борар мақоним йўқ...

Макар Семёнов ердан қаддини кўтармай бошини заминга уриб, деди:

— Иван Димитриевич, кечир! Мени дарра билан калтаклашганда ҳам шу тобда кўзингга тик қараганчалик қийналмагандим... Сен бўлсанг яна раҳм қилиб, мени сотмадинг. Худо ҳаққи мени кечиргин! Мендек ёвуз бир иблисни кечир!— У шундай дея ўкириб йиғлади.

Аксёнов Макар Семеновичнинг йиғлаганини эшигач, ўзи ҳам йиғлаб юборди.

— Сени худонинг ўзи кечиргай,— деди у.— Балки мен ўзим ҳам сендан баттарроқдирман.

Ногоҳ кўнгли енгил тортди. Энди уйини ҳам соғин-мас, турмадан бошқа ёқса боришни ҳам истамас, фақат охиратини ўйлар эди, холос.

Макар Семёнов Аксёновнинг йўриғига кўнмай, маҳкамага бориб, айини бўйнига олди.

Аксёновга озод бўлиши ҳақида рухсатнома келганда у аллақачон бандаликни бажо келтирган эди.

## АДОЛАТЛИ ҚОЗИ

Жазоир подшоси Бауакас қўйл остидаги шаҳарлардан биридаги қозининг адолатпарварлиги ва ундан биронта муттаҳам жазосиз қолмаслиги ҳақида айтилаётган гап-сўзларнинг ростлигини шахсан ўзи синааб кўрмоқчи бўлади. Бауакас савдогар қиёфасида от миниб, ўша қози яшайдиган шаҳарга жўнайди. Шаҳарга кираверишда Бауакаснинг олдига бир чўлоқ келиб, садақа сўрайди. Бауакас унга хайр қилиб, яна йўлида давом этмоқчи бўлганда ҳалиги чўлоқ кийимидан тортиб қолади. «Сенга яна нима керак?— деб сўрайди Бауакас.— Садақа сўрагандинг — бердим».

«Садақа бердинг,— дейди чўлоқ,— аммо яна битта яхшилик қил, майдонгача отингга мингашиб бориб олай, йўқса от, туяларнинг тагида қолиб кетаман».

Бауакас чўлоқни орқасига мингаштириб, майдонга әлтади. Майдонда Бауакас отини тўхтатади. Аммо гадо тушмайди. Бауакас: «Нега ўтирибсан, пастга туш, етиб келдик», дейди. Шунда гадо: «Нега энди тушарканман,

от ўзимники бўлса. Яхшилижча хотимни қайтармасанг қозига борамиз», — дейдӣ.

Халойиқ тўпланади, уларнинг тортишувини эшитгандар пайдар-пай шовқин солиб қичқиришади: «Қозига боринглар, ўша сизларни ажрим қилади».

Бауакас чўлоқ билан қозига боришади. Қозихонада одамлар кутиб туришар, қози навбати билан уларни чақирап әди. Бауакаснинг гали келгунча қози аллома билан деҳқонни ҳузурига чорлайди. Улар хотин важдидан тортишишарди. Деҳқон бу менинг хотиним дер, аллома бўлса йўқ, менинг хотиним дерди. Қози индамай уларнинг даъвосини эшитгач: «Хотинни қолдириб, ўзинглар эртага келинглар», дейди.

Улар кетгач, қассоб билан ёғфуруш киради. Қассобнинг ҳаммаёни қон, ёғфуруш эса ёққа беланганд әди. Қассоб қўлидаги пулни, ёғфуруш эса қассобнинг қўлини чанглаб олганди. Қассоб арз қиласарди: «Мен бу одамдан ёғ сотиб олиб, пулини тўлаш учун ҳамёнимни чиқаришим ҳамон у қўлимдан тутиб, пулимни тортиб олмоқчи бўлди. Шу аҳволда ҳузурингизга келдик — қўлимда ҳамёним, у бўлса қўлимдан тутиб турибди. Аммо пул ўзимники, у эса ўғри».

Ёғфуруш бўлса шундай дерди: «Бу фирт ёлғон. Қассоб олдимга ёғ олмоқчи бўлиб келувди. Қўзасига тўлдириб ёғ қуийиб берганимдан кейин тилламни майдалаб бергин деб қолди. Мен пулни олиб, пештахтага қўйишим билан у пулларни ўмариб кетмоқчи бўлди. Мен қўлидан тутиб қолдим ва буёққа олиб келдим».

Қози сукут сақлаб, буюради: «Пулларни қолдириб, ўзинглар эртага келинглар».

Бауакас билан чўлоқнинг гали келганда Бауакас боргапни оқизмай-томизмай айтиб беради. Қози унинг гапларини эшитгач, гадони сўроқлайди. «Бунинг айтганлари ҳаммаси ёлғон,— дейди гадо,— мен шаҳардан отлик келаётгандим, у эса ерда ўтирувди, отга мингаштириб, айтган жойига олиб бордим, аммо у эгардан тушгиси келмади, от менини деб туриб олди. Туҳмат қиляпти».

Қози ўйга чўмади ва: «Отни қолдириб, эртага келинглар», дейди.

Эртаси куни қозининг ҳукму ажримини эшитгани тумонат одам йигилади.\*

Биринчи бўлиб аллома билан деҳқон рўбарў бўлишади.

— Хотинингни етаклаб кетавер,— дейди қози алломага, — деҳқонга эса эллик таёқ уринглар.

Аллома хотинини қайтариб олади, деҳқон эса шу ернинг ўзида жазоланади.

Шундан кейин қози қассобни чорлайди.

— Пулинг ўзингга буюрсин,— дейди у қассобга, сўнгра ёғфурушга ишора қилиб амр қилади.— Бунга эллик таёқ уринглар.

Кейин Бауакас билан чўлоқ чақирилади.

«Йигирмата отнинг орасидан ўзингникини таний оласанми?» деб сўрайди қози Бауакасдан.

— Танийман.

— Сен-чи?

— Мен ҳам танийман,— дейди чўлоқ.

— Қани, орқамдан юр-чи,— дейди қози Бауакасга.

Улар отхонага киришади. Бауакас ўша заҳотиёқ йигирмата отнинг орасидан ўзиникини кўрсатади. Кейин қози чўлоқни отхонага чақириб, ундан ҳам отингни кўрсат дейди. Чўлоқ ҳам отни таниб, кўрсатади. Шундан кейин қози ўз жойига ўтириб, Бауакасга қаратади:

— От сеники, олақол. Чўлоққа эллик таёқ урилсин.

Ажрим тугагач, қози уйига йўл олади, Бауакас эса унга эргашади.

— Сенга нима бўлди ёки менинг ҳукмимдан норозимисан?— деб сўрайди қози.

— Йўқ, ҳукмингдан розиман,— дейди Бауакас.— Фақат хотин деҳқонники эмас, алломаники, пул ёғфурушники эмас, қассобники, от гадоники эмас, менини эканлигини қандай қилиб фарқлай олганингни билмоқчиман, холос.

— Хотинни кимга тегишли эканини билиш учун уни эрталаб уйимга чақириб, сиёҳдонимга сиёҳ қуийб беришини сўрадим. У сиёҳдонни олди-ю, чаққонлик билан, бир зумда сиёҳ қуийб берди. Агар у деҳқоннинг хотини бўлганда бу иш қўлидан келмасди. Бундан чиқадики, аллома ҳақ.

Пул жанжалини эса шундай аниқладим: пулни косадаги сувга ташлаб қўйдим ва юзага ёғ қалқиб чиқмадимикин дея бугун эрталаб қарадим. Агар пул ёғфурушники бўлса, унга қўлларининг ёғи юққан бўларди. Аммо сувда ёғ кўринмади, демак қассоб ҳақ экан.

— Отни аниқлаш қийинроқ бўлди. Чўлоқ ҳам худди сенга ўхшаб йигирмата отнинг орасидан янгишмай кўрсатди. Аммо мен сизларни отингларни танирмикинсизлар деб эмас, балки иккингиздан қай бирингизни от танир экан дея отхонага олиб кирувдим. Унга яқинлашганинг-

да жонивор бошини ўғириб, сенга интилди: чўлоқ унга тегинувди, қулоқларини чимириб, депсинди. Шунга кўра отнинг ҳақиқий әгаси сен эканингни билиб олдим.

Ана шундан кейин Бауакас ўзини танитади:

— Мен асли савдогар эмас, подшо Бауакасман. Бу ерга сенинг довруғинг ҳақида тарқалган гапларнинг рост-ёлғонлигини билиш учун келувдим. Мана энди доно, адолатли қози эканингни кўриб турибман. Тила тилагингни, истаганингни бажо келтираман.

«Менга ҳеч нарса керак эмас,— дейди қози.— Камина га шаҳаншоҳимнинг мақтоворидан ортиқ баҳт йўқдур».

## И Л Е С

Уфа губерниясида Илёс исмли бир бошқирд истиқомат қиласарди. Отасидан айтарли бойлик қолмаганди. Илёс уйланган йили отаси қазо қилганди. Илёснинг мулкида еттита бия, иккита сигир ва йигирматача қўй бор эди. Аммо у тадбиркорлик билан хўжалигини анча тиклаб олди; эру хотин эртаю кеч тиним билишмади, эрта туриб кеч ётди ва йил сайн бойиб бораверди. Шундай қилиб умрининг ўттиз беш йилини Илёс меҳнат билан ўтказди ва каттагина давлат орттирди.

Энди Илёснинг икки юз бош йилқиси, юз эллик бош қорамоли ва бир минг икки юз қўйи бор эди. Йилқичи ва чўпонлар Илёснинг уюри, отарини боқишар, хизматчилар бия ва сигирларни соғишар, қимиз, сарёғ ва пишлиқ тайёрлашар эди. Илёснинг ҳеч нимадан камчилиги йўқ эди, ҳамма унинг туриш-турмушига ҳавас қиласарди. Одамлар: «Илёс қандай баҳтли одам, қаёққа қўлинни узатса етади, энди дунё тургунча яшаса ҳам бўлаверади», дейишарди. Таниқли-обрўли кишилар энди Илёс билан борди-келди қила бошлайди. Уйига олис-олислардан меҳмонлар келадиган бўлади. Илёс уларнинг иззатини жойига қўйиб, кутиб олар, яхшилаб сийлар эди. Ким келмасин, ҳаммасига қимиз, чой, гўшт ва шўрва тортиларди. Меҳмон қадам ранжида қилгандা бир-иккита қўйи сўйилар, кўпроқ келишса от ҳам сўйиларди.

Илёснинг икки ўғил ва икки қизи бор эди. Ўғиллари ни уйлаб, қизларини турмушга чиқарди. Илёс ночорроқ яшаган йилларда ўғиллари отаси билан баб-баробар тер тўкиб меҳнат қилишар, уюр ва отарларга қарашарди, сал жир бита бошлагандага эса ўғиллари тўқликка шўхлик қилиб, қилиқ чиқара бошлашди, биттаси эса ички-

ликка берилди. Қаттаси ур-тўполонга қўшилиб ўлиб кетди, кичигининг хотини такаббурроқ чиқиб, отанинг йўриғига юрмай қўйганди, уйини бўлиб қўйди.

Бўлиб қўйгач, унга уй-жой, мол-ҳол берди, Илёснинг давлатига анча путур етди. Орадан кўп ўтмай Илёснинг қўйларига ўлат тегиб, анчаси қирилиб кетди. Кейинги йил қурғоқчилик бўлиб, пичан битмади, қишига бориб яна моллар қирилди. Шундан кейин энг яхши уюрини қирғизлар тортиб олди, Илёснинг мулкидан барака қочди. Тобора Илёснинг ҳоли танг бўла бошлади. Куч-кувати ҳам олдингидек эмас эди. Хуллас, Илёс етмишга чиққанда пўстини, гилами, эгар-жабдуғи, ҳужрасию охирги молини сотиш даражасигача етди ва ахийри бир ўзи куп-қуруқ қолди. Энди Илёснинг эгнидаги кўйлаги, пўстини, қалпоғи билан бошмоғиу кампир бўлиб қолган хотинидан бошқа ҳеч вақоси йўқ эди. Хонадони бўлиб қўйилган ўғли олис юртларга кетиб қолган, қизи эса ўлиб кетганди. Қарияларга суюнчиқ бўладиган ҳеч кимса йўқ эди.

Қўшниси Муҳаммадшоҳнинг қарияларга раҳми келди. Муҳаммадшоҳ бой ҳам, камбағал ҳам эмас, ўртамиёна яшар, ўзи яхши одам эди. Илёснинг нон-тузи эсига тушиб унга раҳми келди ва шундай деди: «Кампиринг билан бизникига келиб яшайвер. Ёзда баҳоли қудрат полизда ишларсан, қишида эса мол-ҳолга қарашасан, кампиринг бўлса бияларни соғиб, қимиз қилас. Сизларни едириб, кийинтираман, яна нима керак бўлса айтарсизлар».

Илёс қўшнисини дуо қилиб, хотини билан Муҳаммадшоҳнида хизматкорлик қила бошлайди. Олдинига қийинроқ туюлди, кейинчалик кўнишиб кетишиди ва чолу кампир баҳоли қудрат ишлаб, яшай бошлашди.

Бунақа одамларнинг хизматда бўлиши хўжайн учун кони фойда эди, чунки қарияларнинг ўзи ҳам хўжайн бўлишгани учун ишнинг кўзини билишар, эринишмас, қўлларидан келганча кўмаклашар эдилар: фақат Муҳаммадшоҳга шундай бообрў бўлган одамларнинг бу аҳволга тушганини кўриш оғир эди.

Бир куни Муҳаммадшоҳнига совчилар, меҳмонлар келишди, мулла ҳам ҳозир бўлди. Муҳаммадшоҳ қўй сўйиши буюрди. Илёс қўйни сўйиб, ичак-чавоқлардан тозалагач, гўштини пишириб, меҳмонларга тортиди. Меҳмонлар гўштини тушириб, чойхўрлик қилишгач, қимизга ўтишиди. Меҳмонлар мезбон билан пар ёстиқларга ёнбошлиганича косада қимиз ичиб, гурунглашиб ўтиришганда

Илёс иш билан куймаланиб эшик олдидан ўтиб қолади:  
Мұхаммадшоқ унга күзи тушиб, меҳмонга гап қотади:

— Эшикнинг олдидан ўтган ана у чолни кўрдингми?

— Кўрдим,— дейди меҳмон,— хўш, нима бўпти?

— Унинг олдига тушадиган бой йўқ эди, исми Илёс,  
балки эшитгандирсан?

— Эшитганда қандоқ — деди меҳмон, — кўришга  
кўрмаганману аммо довруғи ҳар ёққа тарқалган.

— Мана энди ана шу одамнинг ҳеч вақоси қолма-  
ган, менинида хизмат қиляпти, кампири ҳам ўзи билан  
бирга бияларни соғиб юрибди.

Меҳмон ҳайрат билан тилини чиқиллатиб, бошини  
чайқади ва деди:

— Омад дегани ҳам чархпалакка ўхшаркан-да, ким-  
нидир юқорига кўтарса, кимнидир пастга туширади. Хўш,  
боёқиши чол сиқилиб, эзилса керак?

— Ким билади, тинчгина яшаб юрибди, яхши иш-  
лайди.

— У билан бир гаплашиб кўрсак бўлармикин? Кўр-  
ган-кечиргандарини сўрарди,— деди меҳмон.

— Жудаям бўлади-да!— деб жавоб берди мезбон  
ва ҳужрага қараб қичқирди.— Бобой, буёққа келиб  
қимиз ичгин, кампирингни ҳам чақир.

Илёс хотини билан ичкарига кирди. Меҳмону мез-  
бонлар билан салом-алик қилиб, юзига фотиҳа тортди  
ва эшикнинг олдига тиззалаб ўтирди; хотини эса дар-  
парда ортига ўтиб, беканинг ёнига жойлашди.

Илёста косада қимиз тутишди. У қуллуқ қилиб, оз-  
гина ҳўплаган бўлди-ю, косани жойига қўйди.

— Хўш, бобой,— дея гап қотди меҳмон,— олдинги  
давру давронингни эслаб дикқат бўлмайсанми дей-  
ман, омаднинг гашти қандоғ эди-ю, эндиги ғуссали  
турмушингда қандоғ тирикчилик қиляпсан?

Илёс истеҳзо билан кулимсираб, шундай деди:

— Омаду омадсизлик ҳақида гапирадиган бўлсам  
барибир ишонмайсан, яххиси хотинимдан сўраб кўр-  
гин; у хотин киши — дилидаги тилида бўлади: у сенга  
гапнинг пўскалласини айтади.

Шунда меҳмон дарпарда ортига қараб гапиреди:

— Хўш, кампиршо, қани ўзинг айт-чи, олдинги омад  
билан ҳозирги нохуш кунларингизни қандай баҳолай-  
сан?

Кампир дарпарда ортидан шундай жавоб қилди:

— Мен шундай дейман: чолим билан дориломон кун-  
лар илинжида эллик йил рўзғор қилиб, рўшнолик кўр-

мадик, мана энди икки йилдирки, ҳеч вақомиз қолмагач, хизматкорликка ёлланиб, ўша дориломон кунларга етишдик ва бизга бундан бошқаси керак эмас.

Меҳмон ҳам, мезбон ҳам ҳайрон қолиши, кампирни бир кўриб қўйиш учун мезбон ҳатто ўрнидан қўзғолиб, дарпардан сурди. Кампиршо бўлса қўлларини қовуштирганча кулимсираб чолига қараб турар, чолнинг ҳам димоги чоғ эди. Кампир яна қўшиб қўйди:

— Улай агар, тўғрисини айтяпман: бадавлатлиги мизда эллик йил рўшнолик қидириб тополмагандик, ҳеч вақомиз қолмагач, одамларга қўшилиб яшай бошлидигу рўшнолик топдик, бизга энди бундан ортиқ ҳеч нарса керак эмас.

— Энди рўшнолик топдик деганингиз нимаси?

— Бу гапнинг маъноси шуки, бой-бадавлатлигимизда чолу кампир иккимизнинг турмушимиз ҳаловатсиз эди: на мундоқ ўтириб гаплашишга, на охиратни ўйлаб, яратганинг ҳақига дуо қилмоққа фурсатимиз йўқ эди. Бошимиздаги сон-саноқсиз ташвишларни айтмайсизми? Меҳмон келганда эса нима билан сийлаб, қандай совфа қилсак қўнглини оларкинмиз дея жонимиз ҳалак бўларди. Меҳмонлар жўнаб кетиши билан хизматкорлардан кўз-қулоқ бўлиб туришга тўғри келади, уларга қолса камроқ жонини койитиб каттароқ еса бўлди, биз эсак мол-мулкнинг дардида яна ўз ёғимизга қовриламиз. Бўри қулун ёки бузоқни бўғизлаб кетмасин, ўғрилар уюри ҳайдаб кетмасин дея еганимиз ичимизга татимайди. Бошинг ёстиққа текканда ҳам қўйлар қўзичоқларни тепаламадимикин дея мижжа қоқмайсан. Ярим кеча бўлса ҳам бориб қараб келмасанг қўнглинг тинчимайди, энди хотиржам бўлдимов деганингда қишига ем-хашак ғамлаш ташвишини ўйлайсан. Э нимасини айтай, чолим тушмагур билан муросамиз ҳам тузук эмасди. У ундоқ деса — мен бундоқ дердим, оқибат гиди-биди қилишиб, гуноҳга ботардик. Шундай қилиб бошимиз ташвишдан, ўзимиз гуноҳдан қутулолмас, рўшнолик нималигини кўрмас эдик.

— Энди-чи?

— Энди чолу кампир юрсак, турсак биргамиз, бирга меҳру муҳаббатдан, тотувликдан гаплашамиз, ортиқча ташвишимиз йўқ, яхшилаб хўжайнинг хизмат қилсак бўлди. Баҳоли қудрат, қўнгилдан чиқариб ишлаймиз, ишқилиб хўжайнинг фойда кўрса кўрсинки зиён кўрмасин деймиз. Ейиш-ишишдан камчилигимиз йўқ. Совқотсак ёпинчигимиз бор. Мана энди қўнгилдан дардлашиб, охи-

ратни ўйлашга ҳам, худованди каримга сифинишга ҳам фурсатимиз бор. Эллик йил рўшнолик қидира-қидира энди топдик.

Меҳмонлар кулиб қўйиши.

Илёс бўлса шундай гап қотди:

— Кулмайглар, оғаниилар, одамзоднинг умри ҳазил гап эмас. Мол-дувёдан ажралганимизда кампирим билан аҳмоқлик қилиб йиғлагандик, мана энди олло-таоло кўзимизни очди, биз ёсак кўнгилни бўшатиш учун эмас, сизларга яхшилик тилаб дардимизни очдик.

Мулла ҳам шундай қўшимча қилди:

— Буларнинг айтганлари кўп ибратомуздур, Илёснинг гаплари айни ҳақиқат, бу ҳақда табаррук китобатларда ҳам ёзилгандур.

Меҳмонлар энди кулишдан тўхтаб, ўйлаб қолдилар.

## АЭРОНАВТ ҲИКОЯСИ

Одамлар менинг парвозимни томоша қилиш учун тўпланиши. Шар тайёр эди. У тўрт томондан арқонга боғлоқлиқ ҳолида ўйноқлаб кўкка интилар, гоҳ бужмаяр, гоҳ яна шишиб кетар эди. Мен яқинларим билан хайрхўшлашиб, шар қайиқчасига ўтиридим, нарсаларим жойидамикин дея бир қараб қўйгач, «қўйвор!» деб хитоб қилдим. Арқонларни кесиб ташлашди ва шар тепага ўрлади, олдинига арқонини узиб, атрофига аланглаган той мисол оҳиста кўтарила бошлади, ногоҳ шундай шиддат билан юксакка тортилди, қайиқча титраб-тебраниб кетди. Пастидагилар чапак чалишар, бақириб-чақириб, рўмол, шляпаларни силкитишар эди. Мен уларга шляпами силкидим ва уни қайта кийиб улгурмасимдан шу қадар баланд кўтарилиб кетдимки, одамларни аранг фарқлар эдим. Олдинига мени ваҳима босди, аъзойи баданим музлаб кетди: аммо кейин кўнглим қувончга тўлиб кетди, қўрқув ҳам ёдимдан кўтарилди. Шаҳар шовқини элас-элас қулогимга чалинарди. Пастидаги одамлар асалари мисол ғувиллашарди. Шаҳар кўчалари, уйлар, дарёлар, боғ-роғлар худди суратга чизилгандек кўринарди. Юксакда шу қадар руҳим енгил эдики, ўзимни бутун шаҳар ва одамлар устидан подшоҳдай ҳис этардим. Шиддат билан тепага кўтарилардим: қайиқчанинг арқонлари силкинар, бир гал шамолга йўлиқиб, қайиқчада икки бор юмаланиб кетдим; кейин яна учиб боряпманми ёки бир жойда турибманми — англаб бўлмай қол-

ди. Юксакка парвоз қилиб кетаётганимни пастдаги шашар манзараларининг тобора кичрайиб бораётганидан пайқардим. Пастликдаги ер борган сайин ўсиб, кенгайгандан кенгайиб кетаверди, ногоҳ унинг косачага айланаб қолганини сездим. Косачанинг қирғоғи қабариқ, тубида шаҳар жойлашганди. Қувончим кўксимга сифмасди. Севинчим тошиб, енгил нафас олар, қўшиқ айтгим келар эди. Куйлаб юбордим, аммо овозим шу қадар заиф эдики, ҳайрон қолиб, ўз товушимдан ўзим қўрқиб кетдим.

Қуёш ҳамон юксакда эди, аммо уфқда булутлар тўдалаша бошлади ва у ногоҳ қуёшни тўсиб қўйди. Мени яна ваҳима босди ва нима биландир ўзимни чалғитмоқчи бўлиб, барометрни олдим, унга қараб, аллақачон тўрт чақирим кўтарилганимни билдим. Барометрни жойига қўяётганимда ёнимда нимадир потирлаб кетди ва мен кабутарни кўриб қолдим. Кабутарни мактуб билан пастга юбориш учун бирга олганимни эсладим. Мен соғ-омон эканимни, тўрт чақирим тепаликда учиб бораётганимни қоғозга битиб, кабутарнинг бўйнига қистириб қўйдим. Кабутар қайиқча қирғоғида ўтирганча қизғиш кўзларини менга тикиб турарди. Чамаси, у мендан ажралишни истамасди. Ҳаво айнингдан буён пастликда ҳеч нима кўринмасди. Аммо кабутарни пастга юборишдан бошқа илож йўқ эди. Жониворни қўлимга олганимда титраб-қалтираб кетди. Мен уни пастга ташладим. Кабутар қанотларини: тез-тез силкитганча ёнбошлаб, тошдек пастга учиб кетди. Мен барометрга қарадим. Энди ердан беш чақирим тепада эдим ва ҳаво етишмаганидан тез-тез нафас ола бошладим. Мен газни чиқариб, пастглаш учун арқонни тортдим, аммо дармоним қуриганигами ёки бирон-бир ишқал чиқдими — клапан очилмади. Қўрқанимдан гангид қолдим. Қўтарилаётганим сезилмас, ҳеч нима қилт этмас, нафас олишим эса тобора оғирлашиб борар эди. «Агар шарни тўхтатиб қолмасам, у ёрилиб кетади ва мен ҳам тамом бўламан», — деб ўйлардим. Қўтарилиб бораётганимни ёки бир жойда турганимни билиш учун қайиқдан ташқарига қоғоз ташладим. Қоғозлар худди тошдек пастга учиб кетди. Демак, мен худди ўқдек юксакка учиб кетаётган эканман. Жон-жаҳдим билан арқонга ёпишиб, тортдим. Худога шукрки, клапан очилиб, нимадир хуштак чалгаңдек бўлди. Мен яна қоғоз ташладим, — қоғозлар атрофимда ўйноқлаб, тепага кўтарилиди. Демак, пастлаётган эканман. Пастда ҳалим ҳеч нарса кўринмас, фақат денгиз устини қоплагандай туманлик ясланиб ётарди. Туманлик устига туша

бошладим: бу булутлар эди. Қейин шамол эсиб, мениң қаёққадир суріб кетди, күп ўтмай қуёш кўринди ва мен яна пастда косача шаклидаги ерни кўрдим. Аммо ҳали шаҳримиз кўринмас, қандайдир ўрмонлар ва иккита ҳаворанг чизиқ — дарё кўзга ташланарди. Яна кўнглим қувончга тўлди ва энди пастга тушгим келмай қолди; ногоҳ ёнимда қандайдир бир шарпа — шовқин қулоғимга чалинди ва мен бургутни кўриб қолдим.

Бургут менга ҳайрат билан қараганча қанотларида муаллақ туриб қолди. Мен эсам тошдек пастга учиб борардим. Бир оз секинлаш учун посанги юкларни ташлай бошладим.

Кўп ўтмай далалар, ўрмон ва қишлоқлар, маконига қайтаётган подалар кўринди. Одамларнинг шовқин-суронини ва подаларнинг овозини эшигдим. Мен қичқириб, уларга арқон ташладим. Одамлар югуриб келишди. Бир болакайнинг ҳаммадан олдин арқонни ушлаб олганини кўрдим. Бошқалар ҳам арқонни ушлаб, дараҳтга боғлашди ва мен пастга тушдим. Мен бор-йўғи уч соат учдим, холос. Бу қишлоқ шаҳримдан 250 чақирим олисда эди.

## СИГИР ВА ЭЧКИ

Бир кампирнинг сигири билан эчкиси бор экан. Сигир билан эчки бирга подага боришаркан. Сигир соғилаётганда тинимсиз типирчилайвераркан. Кампир нон-туз олиб чиқиб, сигирга тутаркан: «Ҳўш, хўш, олақол, жонивор, яна олиб келаман, фақат жим турсанг бўлди», дер экан.

Эртаси куни эчки сигирдан олдин уйга қайтиди ва кампирнинг олдида оёқларини кериб, тураверибди. Кампир сочиқ билан ҳайдаса ҳам эчки қимиirlамас эмиш. У, кампир сигирга жим турсанг нон бераман деганини эслаб қолганди. Кампир эчкининг ўжарлигини кўриб, таёқни олибди-да, яхшилаб калтаклабди.

Эчки нари кетгач, кампир яна сигирни нон билан сийлаб, эркалай бошлабди.

«Одамларда инсоф деган нарса йўқ! — деб ўйлабди эчки.— Мен сигирдан ҳам ювошроқ туриб бердиму қолмишига яна калтак ҳам едим.»

Эчки четга чиқиб, узоқроқдан югуриб келибди ва сутли идишни сузиб, сутни тўкиб юборибди, кампирнинг ўзини эса майиб қилибди.

# ШАЙТОННИНГ ДЕҲҚОННИ ИУЛДАН ОЗДИРГАНИ

Бир камбағал деҳқон нонушта қилмай, бир бўлашонни қўлтиқлаб ер ҳайдагани жўнади. Омочни тўғрилади, молани ажратиб, панага қўйди, нонни ҳам чакмонаига ўраб, ўша ерга беркитди. Отнинг силласи қўриди, деҳқоннинг қорни очди. Деҳқон омочни ерга санчиб, отни ўтлоққа бўшатди ва ўзи тамадди қилиш учун чакмон тўрган жойга борди. Чакмонни кўтариб қарайдики нон йўқ; чакмонни ағдариб, силкитиб роса қидиради нон топилмайди. Деҳқон ҳайрон бўлади. «Ё алҳазар, деб ўйлайди деҳқон,— ҳеч ким йўқ эди, аммо кимдир нонни кўтариб кетибди».

Деҳқон ер ҳайдаётганда шайтонча нонни кўтариб кетган ва панада ўтириб, деҳқоннинг сўкинишини, шайтонни қандай сўзлар билан «сийлаш» ини эшишмоқчи эди.

Деҳқон ўзича ҳасрат қиласди.

— Ҳай майли,—деди у,—очдан ўлиб қолмасман! Керак бўлгандирки, олиб кетишган. Ош бўлсин!

Деҳқон қудуққа бориб, сув ичди, дам олди, отни тутиб, жабдуғини бўйнига илди ва яна ер ҳайдашга тушкиди.

Шайтонча деҳқонни йўлдан оздиролмаганини кўриб афсусланди ва воқеани айтиш учун катта шайтоннинг ҳузурига борди. У катта шайтонга қандай қилиб деҳқоннинг нонини олиб қўйгани, деҳқон эса боплаб сўкиниш ўрнига: «Ош бўлсин!» деганини айтди. Катта шайтоннинг жаҳли чиқди.

— Бу ишда деҳқонки сендан ғолиб чиқсан экан, ўзинг айбдорсан; эплолмагансан. Агар деҳқонлар, уларнинг ортидан хотин-халажлар бунаقا қилиғини ташламас экан, яшишимизнинг ҳожати қолмайди. Бу ишни бундай қолдириб бўлмайди! Бор, деҳқоннинг олдига жўна, ўша олган нонингни оқла! Агар уч йиллик муҳлатда деҳқондан ғолиб келмасанг, сени муқаддас сувда чўмилтирганим бўлсин!

Шайтонча қўрқиб кетди, айбимни қандоқ қилиб ювсам экан, дея бош қотира бошлади. Ўйлай-ўйлай ахиири йўлини топди. Шайтонча яхши бир одам қиёфасига кириб, деҳқоннинг хизматига кирди. У деҳқонга қургоқчилик йилининг ёзида ботқоқликка буғдой экишини ўргатди. Деҳқон хизматкорнинг гапига кириб, ботқоқлика буғдой экди. Бошқа деҳқонларнинг экини жазира мада қовжираб кетди, камбағал деҳқоннинг еридан эса

қалин, бўлиқ ва сербошоқ буғдой туркираб чиқди. Ғалласи янги ҳосилгача етиб, яна анчаси ортиб ҳам қолди. Ёзда хизматкор дәҳқонни тоққа буғдой экишни ўргатди. Ёз серёғин келди. Бошқа одамларнинг экини йиқилиб, пайхон бўлди, ёлчиб ҳосил ҳам бермади, дәҳқоннинг ортиқча ғалласи эса шифил-шифил ҳосил берди. Дәҳқоннинг ортиқча ғалласи яна кўпайди. Бу бойликни нима қиласини билмай боши қотди.

Энди хизматкор дәҳқонга ғалладан ичимлик тайёрлашни ўргатди. Дәҳқон ичимлик тайёрлаб, ича бошлиди ва бошқаларни ҳам сийлашга тушди. Шайтонча катта шайтоннинг олдига борди ва нонни оқлаганини айтиб, мақтанди. Катта шайтон воқеани ўз кўзи билан кўриш учун келди.

Келиб қарайдики, дәҳқон бой-бадавлатларни тўплаб, ичимлик билан меҳмон қиляпти. Уй бекаси хизматда. У энди даврани айланиб ўтаётган эди, кийими столга илиниб, стаканни тўкиб юборди. Дәҳқон жаҳли чиқиб, хотинини сўклиди.

— Эҳ аҳмоқ шайтон! Бу сенга ювинди эмас, маймоқ, шундай табаррук нарсани увол қилиб ўтирибсан-а!

Шайтонча катта шайтонни тирсаги билан тутишиб қўйди: «Парча нонни қизғонмаслигини энди кўриб қўй!»

Хотинини сўка-сўка энди хўжайнинг ўзи хизмат қила бошлади. Чақирилмаган бир камбағал дәҳқон ишдан келди, саломлашиб, ўтирди, қарайдики ҳамма ичяпти, у ҳам ичкилик билан ҳордигини ёзмоқчи бўлди. Сўлагини юта-юта ўтираверди, аммо хўжайн уни сийламади, ўзича: «Ҳаммангга мусалласни қаёқдан етказман!» дея минфиirlab қўйди.

Бу ҳам катта шайтонга ёқиб тушди. Шайтонча эса: «Шошма, ҳали бундан ҳам зўриний кўрасан», дея мақтаниб қўйди.

Бой дәҳқонлар ичкиликка берилдилар, хўжайн ҳам қатордан қолмади. Улар ўзаро оғиз-бурун ўпишиб, бир-бирларини оғизларидан бол томиб мақтай бошладилар.

Катта шайтон бу гапларни жон қулоғи билан тинглаб, мамнун бўлди. «Агар улар мана шу ичкиликданки шунаقا тулкилик қилиб, бир-бирини алдай бошлашдими, ҳали ҳаммасини қўлимизда қўғирчоқ қилиб ўйнатамиз». «Шошмай тур ҳали, — деди шайтонча, — яна биттадан стакан ичганда кўрасан томошани. Энди улар худди тулкидай бир-бирининг олдида думини ликилла-

тишади, жийла-найрангга ўтишиб, ёвуз бўрига айланишади».

Деҳқонлар яна бир стакандан отишгач, шанғиллаб гапира бошладилар. Бояги хушомад гаплар ўрнига энди сўкинишга тушдилар, бир-бирига зуғум қилиб, ёқалашмоққа тутиндилар. Тўполонга хўжайин ҳам аралашувди, боплаб таъзирини бериши.

Буни кўриб турган катта шайтон янада мамнун бўлди.

— Айни муддао!— деди у.

Шайтонча бўлса шундай гап қотди: «Ҳали шошмай тур, бундан баттар бўлади! Учинчисини ичганда кўрасан! Ҳозир улар бўридай ғажишияпти, учинчисини отганда нақ чўчқанинг ўзи бўлади-қолади».

Деҳқонлар учинчи стаканни бўшатдилар. Биратўла бўларича бўлдилар. Бир-бирига қулоқ солмай, гал бермай оғзинга келганини қайтармай бақириб-чақира кетдилар. Дуч келган томонга тарқай бошладилар — кимдир якка-ёлғиз, яна бошқаси иккита, учтадан бўлиб кўчада юмалаб қолиши. Меҳмонларни кузатгани чиққан хўжайин нақ тумшуғи билан балчиққа қулаб, ҳамма-ёғини расво қилди ва худди чўчқадек пишқириб ётаверди.

Катта шайтоннинг янада димоги чоғ бўлди.

— Зап ичимликни ўйлаб топибсан-да,— деди у.— Қани менга айт-чи, бу ичимликни қандай тайёрладинг? Ҳойнахой сен унга энг аввал тулкининг қонидан қўшгандирсан; деҳқоннинг тулкидай айёр бўлиб қолгани бежиз эмас. Кейин бўрининг қонидан қўшгансан: бўридай жангари бўлгани шундан. Энг охирида сен ҳойнахой чўчқанинг қонидан ҳам аралаштиргансан; ўзиям чўчқага айланаб қолди-ку!

— Йўқ,— дея жавоб қилди шайтонча,— мен бундай қилмадим. Мен бор-йўғи унга ортиқча ғалла ҳадя қилдим, холос. Бунақа ҳайвоний жазава ҳамиша унинг қонида бор, фақат меҳнат билан, қорнига яраша нон топганида унга йўл йўқ. Ўшанда у сўнгги парча нонини ҳам аямаганди, ортиқча нони тўплана бошлиши билан ўзига эрмак топиш пайига тушиб қолди. Мен уни ана шундай эрмакка — шаробга ўргатдим. Худованди каримнинг инъомини бир эрмак йўлида совуриши ҳамон ундаги ўша тулки, бўри ва чўчқа қони ғимирлаб, қўзғолди. Энди оғзи ичкиликка тегиши ҳамон ҳайвонга айланаверади.

## ИККИ ОТ

Шайтон шайтончани мақтаб қўйди, бир парча нон туфайли қилган гуноҳини кечирди ва қўл остида бошлиқ қилиб қолдирди.

Икки от кетма-кет икки юкни тортиб борарди. Олдинги от юкини дадил тортар, орқасидаги тайсаллаб, тўхтаб-тўхтаб қоларди. Орқадаги отнинг юкидан олдиндаги отнинг юкига қўшиб юклашди, ҳамма юкни ортиб бўлишгач, орқадаги от илдам йўргалаб кетди ва шеригига гап қотди:

«Энди терга ботиб кучанавер. Қанча кўп жон куйдирсанг, шунча кўп қийнашади».

Қарвонсаройга етиб келишгач, хўжайин шундай деди:

«Иккита от боқсаму биттасида юк ташиб нима зарил менга, яхшиси биттасини яхшилаб боқаман-да, наригисини сўйвораман, ҳеч бўлмаса териси бирон коримга яраб қолар».

Хўжайин худди шундай қилди.

## ФАРОЙИБ ДОН

Болалар жарлик ёнидаги йўлдан катталиги тухумдек келадиган ғалати бир нарсани топиб олишди. Қўчадан ўтиб кетаётган йўловчи буни кўриб, бир мирига сотиб олди ва шаҳарга элтиб, подшога ноёб нарса сифатида пуллади.

Подшо доноларни йиғиб, бу нарса тухумми ёки ғалами — аниқлашга фармон берди. Донолар уввало бош қотиришса ҳам жавоб топишолмади. Ҳалиги нарса дебразада ётган эди, товуқ кириб қолди ва уни чўқилаб, тешиб қўйди: ҳамма у нарсанинг ғалла эканлигини кўрди. Донолар подшо ҳузурига бориб: «Бу жавдар дони экан», дейишиди.

Подшо ҳайратланди. Доноларга бу доннинг қачон, қаерда дунёга келганини билинглар деб амр қилди. Донолар роса бош қотиришди, китобларни титкилаб кўришди — жўяли жавоб топишолмади. Подшо ҳузурига келиб, шундай дейишиди:

— Жавоб тополмадик. Китобларимизда бу ҳақда ҳеч нима битилмаган экан: деҳқонлардан сўраб кўриш керак, қариялардан биронтаси бунақа ғаллани қачон, қаерда экишганини эшитишмаганмикин?

Подшо одам юбориб, ҳузуримга қари деҳқонни олиб келинглар деб буюрди. Қарияни топиб, подшонинг қароргоҳига олиб келдилар. Қарип-қартайган, тишлари тўкилиб адо бўлган чол аранг икки таёққа суяниб кириб келди.

Подшо унга донни кўрсатувди, қария илғай олмади; аранг ярмини кўрган бўлди, ярмини пайпаслаб билди.

Подшо сўроқлай бошлади:

— Бобой, мабодо сен бунақа ғалла қаерда унганини билмайсанми? Ўзинг томорқангда шунақа дон сепмаганимидинг? Ёки ўзинг бирон жойда шунақа ғалла сотиб олмаганимидинг?

Чолнинг қулоги оғир эди, аранг эшишиб, аранг тушунди. Жавоб бермоққа тутиндикеради.

— Йўқ,— деди у,— умримда бунақа ғалла экмаганман, мазасини ҳам тотмаганман, сотиб ҳам олмаганман. Ғалла сотиб олганимизда дони худди ҳозиргидақа майдада бўларди. Дарвоқе, буни отамдан сўраб кўриш керак: эҳтимол у бунақа ғалла қаерда яралганини билар.

Подшо чолнинг отасини топиб, ҳузурига келтиришни буюради. Уни топиб, шодшо ҳузурига келтиришди. Битта таёққа суянган қари чол кириб келди. Подшо унга ғаллани кўрсатди. Чол ҳали кўздан қолмаган, донни яхши кўрар эди. Подшо уни сўроқлай бошлади:

— Мабодо сен мана бу ғалла қаерда яралганини билмайсанми, бобой? Ўзинг томорқангда экмаганимисан? Ёки сотиб олмаганимисан?

Чол бу гапларни ўғлидан ҳам яхшироқ эшилди.

— Йўқ,— деди у,— умримда бунақа ғаллани экмаганман, таъмини ҳам тотмаганман. Сотиб ҳам олмаганман, чунки бизнинг замонамиизда пул деган нарса ҳали урф бўлмаганди. Ҳар ким ўз аравасини ўзи тортар, кимга етишмай қолса топганини баҳам кўришарди. Бунақа ғалла қаерда бино бўлганини билмайман. Бизнинг ғалламиз ҳозирги донлардан йирикроқ ва бўликроқ эди, аммо бунақасини кўрмаганман. Отамнинг айтишича, унинг замонида ғалла ҳозиргига қараганда бўликроқ, яничими ҳам мўлроқ бўларкан. Отамнинг ўзидан сўраш керак.

Подшо чолнинг отасига чопар юборди. Бобойни топиб, қароргоҳга келтиришди. Қария таёқсиз юриб келди, қадам олиши енгил, кўзлари ёрқин, қулоги яхши эшитар, сўзлари ҳам бурроқ эди. Подшо чолга донни кўрсатди. Қария донни айлантириб томоша қилди.

— Анчадан буён қадимий ғаллани кўрмаган эдим,—  
деди чол.

У донни тишлаб, таъмини тотган бўлди.

— Худди ўзи,— деди у.

— Қани менга айт-чи, отахон, бунақа ғалла қаерда  
бино бўлган? Томорқангда шунақа донни экмаганми-  
динг? Ёки одамлардан сотиб олмаганмисан?

Қария шундай жавоб қилди:

— Бизнинг замонамиизда бунақа ғалла ҳамма ерда  
униб-ўсарди. Шунақа ғалла билан бир умр тириклик  
қилиб, одамларни боққанман.

Подшо яна сўради:

— Мана энди айт-чи, бобой, бунақа ғаллани сотиб  
олганмидинг ёки ўзинг томорқангда етиштирганми-  
динг?

Чол кулимсираб қўйди.

— Бизнинг замонамиизда биронта мўмин банда нон  
олди-соттисини хаёлига келтирмасди. Пулнинг нимали-  
гини билишмасди: ҳамманинг нони бутун, қорни тўқ эди.  
Ўзим ҳам худди шунақа ғалла экиб, янчганман, ҳосили-  
ни олганман.

Подшо сўроқлади:

— Қани айт-чи, отахон, бунақа ғаллани қаерда экув-  
динг, томорқанг қайси томонда эди?

— Худонинг буюрган ери менинг томорқам эди. Шуд-  
гор қилган еримда экин-тикин қиласверардим. Сеники—  
менини деган гап йўқ эди. Ўзимники дегандা фақат ўз  
меҳнатимизни тушунардик.

— Унда менга мана бу икки жумбоқни тушунтириб  
берсанг,— деди подшо.— Нега илгари шунақа ғалла бино  
бўлгану энди уруғи қуриб кетди. Иккинчи жумбоқ—  
нега неваранг иккита таёқда, ўғлинг битта таёқда, ўзинг  
эса шундоққина енгил — чаққон кириб келдинг; кўзла-  
ринг ёрқин, тишларинг ҳалиям мустаҳкам, тилларинг  
бурро ва хушмуомала? Мана шу иккала жумбоқни менга  
тушунтириб берсанг, отахон?!

Қария шундай жавоб берди:

— Бу икки жумбоқнинг асосий сабаби шундаки, одам-  
лар ҳалол меҳнат билан тириклик қилишдан бўйин  
товлай бошладилар, бировнинг мулкига кўз олайтиришга  
тутиндилар. Илгари тириклик бўлакча эди: илгари  
охиратни ўлашарди; борига қаноат қилиб, бировникига  
кўз олайтиришмасди.

## ТАНГРИНИНГ АМРИ ВОЖИБ

Қадим ўтган замонда олийҳиммат бир хўжайин яшаган экан. Қўл остидаги хизматкорларининг ҳад-ҳисоби йўқ экан. Хизматкорлар хўжайинидан мамнун экан. Улар хўжайнинларини алқаб, шундай дейишаркан: «Бу ёруғ дунёда бизнинг хўжайиндан яхшироғи топилмайди. У бизни яхши едириб, кийинтиради, ёмон гапириб кўнглимизи оғритмайди, ҳеч кимга зуғум қилмайди; айрим хўжайнинларга ўшаб хизматкорларини ҳайвондан баттар қийнамайди, ҳуда-бехудага койимайди, ширин сўзини дариғ тутмайди. Хўжайнинимиз ҳамиша бизга яхшилик тилайди, яхшилик қилиб, яхши гапиради. Бундан бўлакча тирикчиликнинг бизга кераги ҳам йўқ.»

Хизматкорлар ўз хўжайнинларини ана шундай мақташарди. Уларнинг шундай яхши яшашаётганини кўрган шайтоннинг ҳасади келди. У хўжайниннинг Алеб деган хизматкорини ўзига ағдариб олди. Кейин уни бошқа хизматкорларни йўлдан уришга буюрди. Хизматкорлар ҳордиқ маҳали хўжайнинларини мақташаётганда Алеб овозини кўтариб, шундай гап қотар эди:

— Хўжайнин беҳуда мақтаяпсизлар, оғайнилар. Агар кўнглини топсанг шайтон ҳам инсофга келиб қолади. Биз хўжайнинимизга сидқидилдан хизмат қиляпмиз, ҳамиша кўнглини топяпмиз. Биз унинг хаёлидан ўтган нарсани ҳам олдидан пайқаб, ҳозиру нозир қилиб қўямиз. Шундай экан, бизга муруват қилмай иложи ҳам йўқ-да! Унинг кўнглига қарамай дилини оғритиб қўйинг-чи, шунда у ҳам худди бошқалар каби, ҳатто улардан ҳам ўtkазиб ёмонликка ёмонлик билан жавоб қайтаради.

Шу тариқа хизматкорлар Алеб билан тортиша кетдилар. Тортиша-тортиша ахийри гаров боғладилар. Алеб олийҳиммат хўжайниннинг жаҳлини чиқаришга аҳд қилди. Гаров шартига кўра, хўжайниннинг жаҳлини чиқаролмаса, байрам сарполаридан воз кечадиган бўлди, мабодо жаҳлини чиқарса, ҳар бир хизматкор байрам сарполарини унга бериши, бундан ташқари, хўжайн уни кишанласа ёки зинданга ташласа, озод қилишлари лозим эди. Гаров боғлаб, қўл ташлашди, Алеб эртасига хўжайниннинг жаҳлини чиқаришга сўз берди.

Алеб хўжайниннинг қўйхонасида хизмат қилар, зотдор қўйлардан кўз-қулоқ бўлиб юрар эди. Тонг саҳарда олийҳиммат хўжайнин меҳмонлари билан қўйхонага ташриф буюриб, ўзи ёқтирадиган қимматли қўйларни уларга

кўрсата бошлаганда шайтонга сотилган хизматкор оғай-  
ниларига кўз қисиб шипшиди:

— Мана ҳозир кўрасизлар, хўжайнинг қандай  
жаҳли чиққанини.

Жамики хизматкорлар тўпланиб, девор ва қўрадан  
томуша қила бошладилар, шайтон эса дарахтга чиқво-  
либ, оғдириб олган хизматкори қандай каромат кўрса-  
тишини кузатишга ҷоғланди. Хўжайн ҳовлини айланиб,  
мехмонларга қўй ва қўзичноқларини кўрсатаркан, энг  
зўр қўйини кўз-кўзлагиси келди.

— Бошқа қўйларим ҳам чакки эмас,— деди у.— Аммо  
ана бу шохдор қўйнинг баҳоси йўқ, уни кўз қорачиғим-  
дай асрайман.

Одамлардан ҳуркиб турган қўй-қўзичноқлар ҳовлида  
ўзларини у ёқ-бу ёққа урар, меҳмонлар ҳалиғи бебаҳо  
қўйни илғай олишмасди. Қўй тўхташи ҳамон шайтон  
малайи бўлган хизматкор усталик билан уни чўчтиб  
юборар, шунда яна ҳаммаси аралаш-қуралаш бўлиб ке-  
тар эди. Меҳмонлар эса бебаҳо қўйни ажратолмай қо-  
лишарди. Бундан хўжайнинг энсаси қотди.

— Алеб, барака топгур, энг зўр қўйни тутиб, ушлаб  
тургин,— деди ҳўжайн.

Хўжайн шу гапни айтиши билан Алеб ҳайвонлар  
тўдасига арслондек ташланди ва шохдор қўйни жуни-  
дан тутиб қолди. Тутди-ю, шу заҳоти иккинчи қўли билан  
чап оёғидан ушлаб, хўжайнинг кўз олдида юқорига  
қайирган эди, оёғи худди қўл саватдек қарсиллаб си-  
ниб кетди. Алеб бебаҳо қўй оёғининг тиззадан пастини  
синдирганди. Жонивор жон аччиғида маъраб, тиззалаб  
қолди. Шунда Алеб ўнг оёғидан ушлаб тортувди, чап  
оёғи қайрилиб, худди новдадек осилиб тушди. Меҳмон-  
лар ва жамики хизматкорлар оҳ деб юбориши, малайн-  
нинг уддабуронлигини кўрган шайтон эса суюниб қўй-  
ди. Хўжайнинг эса афт-ангари ўзгариб, қовоғи осилди,  
боши ҳам бўлди, аммо ҳеч нима демади. Меҳмонлар ва  
хизматкорлар ҳам жим эди... Ҳамма нима бўлишини  
кутиб турарди. Хўжайн ҳам жимиб қолди, сўнг худди  
устидан бир нимани улоқтироқчи бўлгандек бир сил-  
киниб, бош кўтарди ва осмонга тиқилиб тураверди. Кўп  
тиклимади, юзидағи ажинлар тарқаб, кулимсиради. Алеб-  
га қараб, шундай деди.

— Эҳ Алеб, Алеб! Хўжайнинг сенга жаҳлимни чи-  
қаришни буюрибди. Аммо менинг хўжайним сеникидан  
қудратлироқ-да; сен жаҳлимни чиқаролмадинг, энди  
мана мен хўжайнингнинг жаҳлинини чиқараман. Сени

жазолашимдан қўрқувдинг ва яна озод бўлишни истаган эдинг. Билиб қўй, Алеб, сени жазолаб ўтирумайман, озод бўлмоқни истагандинг, мана, меҳмонларниң кўз олдида сени озодликка чиқараман. Тўрт томонинг қибла, байрам сарполарингни олиб, кетишинг мумкин.

Шундай дея олийҳиммат хўжайнин меҳмонлари билан уйига қайтади. Шайтон эса тишларини ғижирлатганча дараҳтдан қулаб тушади ва ер қаърига кириб, гумдон бўлади.

## ҚИЗАЛОҚЛАР ЧОЛЛАРДАН АҚЛЛИРОҚ

Илк пасха байрами кунлари эди. Эндиғина чанги учишни бас қилишганди. Ҳовлиларда ҳали қор кетмаган, қишлоқларда жилғалар ўйноқлайди. Икки ҳовли ўртасидаги тор кўчада гўнг остидан каттагина ҳалқоб оқарди. Ана шу ҳалқоб ёнида турли ҳовлидан келган, биттаси кичикроқ, иккинчиси каттароқ икки қизалоқ учраши. Иккаласининг ҳам ойиси янгиGINA сарафан кийдириб, ясантириб қўйганди. Кичигиники ҳаворанг, каттасиники жигарранг бўлиб, гуллари хашамдор эди. Иккови ҳам қизил рўмол ўраб олганди. Қизалоқлар ибодатдан сўнг ҳалқоб бўйига келишди ва бир-бирига кийимларини кўрсатиб, ўйинга берилдилар. Уларнинг сув сачратиб, ўйноқлагиси келиб қолди. Кичкинаси бошмоғи билан сувга тушувди, каттаси шундай деб гап уқтириди:

— Туша кўрма, Малаша, ойимиз уришади. Мен ечиниб олай, сен ҳам ечина қолгин.

Қизалоқлар ечиниб, сувга тушдилар ва бир-бирини қаршилаб юра бошладилар. Сув тўпигига чиққанда Малаша шундай деди:

— Чуқур экан, Акулюшка, қўрқяпман.

— Кўрқма, бу ёғи чуқур эмас. Тўғри менга қараб келавер.

Сувга туша бошладилар. Акулька шундай деди:

— Сен, Малаша, сачратмай, эҳтиёт бўлиб юргин.

Шундай дейиши ҳамон Малашка оёғи билан шалоплатиб, Акульканинг сарафанига сув сачратиб юборди. Бурни ва кўзларига ҳам тегди. Акулька сарафанидаги доғни кўриб, Малашкадан аччиғланди, койиниб, унинг таъзирини бермоқ учун қува кетди. Малашка нима иш қилганини кўриб, қўрқиб кетди. Сувдан чиқа солиб уйига қараб чопди. Акульканинг онаси шу ердан ўтиб

кетаётган эди, қизининг кийимиға сачраган доғни кўриб қолди.

— Сен ярамас қаерда булғандинг?

— Малашка жўрттага сув сачратиб юборди.

Акульканинг онаси Малашкани тутиб олиб, орқаси-га тушириб қолади. Малашка бутун кўчани бошига кў-тариб ҳўнграшга тушади. Малашканинг онаси югуриб чиқади.

— Нега қизимни урасан? — дея қўшнисини қарғаб кетади. Гапдан гап чиқиб, хотинлар қирпичоқ бўлишади. Эркаклар ҳам қараб туришмайди, кўча оломонга тўлиб кетади. Ҳамма бараварига бақириб-чақиришга тушади, ҳеч ким бир-бирига қулоқ солмайди. Сўкиша-сўкиша бит-гаси бошқасини туртиб юборувди, муштлашиб кетаёзиши-ди, орага Акульканинг энаси тушади. Эркакларнинг ўр-тасига туриб, муросага ундаиди:

— Сизларга нима бўлди, бўталарим? Шундай улуг айём кунларда-я? Қувониш ўрнига гуноҳга ботиб ўтириб-сизлар.

Оломон кампирга қулоқ солишмайди, қайтангга ўзи-ни ҳам қулатиб юборишаёзди. Мабодо Акулька билан Малашка бўлмаганда кампир уларни муросага кел-тиrolмасди. Хотинлар бир-бири билан қарғашиб, ури-шаётгандан Акулька сарафанини артиб-тозлаб, яна тор кўчадаги ҳалқобга чиқади. Тошчани кўтариб, кўчага сувни буриб юбориш учун ҳалқоб ёнидаги ерни қаза бошлайди. У қазиётгандан Малашка ёнига келади ва та-раша билан каналча қилиб, ёрдам бера бошлайди. Эр-каклар энди ёқалашаётгандан қизалоқларнинг ариқаси-дан кўчага ва ундан жилғага сув оқа бошлайди. Қи-залоқлар сувга чўп ташлашади. Чўп тўппа-тўғри кўча-га, боягина кампир эркакларни муросага ундан жой-га қараб оқиб кетади. Қизалоқларнинг бири жилғанинг у ёғидан, иккинчиси бу ёғидан чопиб кетишади.

— Ушла, Малаша, ушла! — деб қичқиради Акулька. Малаша ҳам нимадир демоқчи бўлар, аммо кулгидан гали қовушмасди.

Қизалоқлар жилғада шўнгиб, ўйноқлаб бораётган чўпга андармон бўлганча чопқилаб боришарди. Улар тўппа-тўғри бояги эркаклар тўдасига бориб қолишли. Кампир уларни кўриб, эркакларга шундай гап қотди:

— Худодан кўрқсанглар бўларди! Сиз, эркаклар, ма-на шу қизалоқларни деб ёқалашяпсизлар, улар эса ал-лақачон ҳамма нарсани унугиб, аҳил-иноқ ўйнашяпти. Сизлардан кўра ақллироқ экан!

Эркаклар қизалоқларга қараб, уялиб қолишиди. Кейин ўзлари ўzlаридан кулиб, уй-уйларига тарқаб кетишиди.

«Боладай беғубор бўлмасангиз, тангри даргоҳига қабул қилмайди».

## ХИЗМАТКОР ЕМЕЛЬЯН ВА ФОВАК ДУМБИРА

Емельян хўжайиннинг уйида хизматини қилиб, яшаб юрарди. Бир куни ўтлоқдан хизматга кетаётган эди, олдидан бақа сакраб чиқиб қолади; босиб олишига сал қолади. Емельян бақанинг устидан ҳатлаб ўтади. Ногоҳ орқадан кимдир чақираётганини эшитади. Емельян ўғирилиб қараса бир чиройли қиз турганмиш ва шундай дермиш:

— Нега сен уйланмайсан, Емельян?

— Ахир қандоқ уйланай, гўзал қиз? Бутун туриштурмушим мана шундоқ бўлса, ҳеч вақом йўқ, менга ким ҳам тегарди?

Шунда қизалоқ айтибди:

— Менга уйлана қолгин!

Қизалоқ Емельянга ёқиб қолибди.

— Жон деб уйланардимку-я, аммо қаерда яшаймиз?

— Бунинг иложи бор!— дебди қиз.— Кўпроқ ишлаб, камроқ ухласак бас — оч-юпун қолмасмиз.

— Ундай бўлса майли,— дебди.— Турмуш қурамиз. Кейин қаёққа борамиз?

— Шаҳарга борамиз.

Емельян қиз билан шаҳарга боради. Қиз уни шаҳар четидаги мўъжазгина бир уйга бошлаб боради. Улар турмуш қуриб, бирга яшай бошлишади.

Кунлардан бир кун подшо шаҳар четига кетаётган эди. Емельяннинг ҳовлиси ёнидан ўтаётгандан ичкаридан Емельяннинг хотини подшони кўргани чиқиб қолади. Подшо ҳам уни кўриб, ҳайратланади: «Бунақа гўзал қайси иқлимдан пайдо бўлдийкин?» Подшо аравасини тўхтатади, Емельяннинг хотинини чақириб, сўрайди:

— Айт-чи, сен ким бўласан?

— Хизматкор Емельяннинг хотиниман.

— Нега шундай гўзал бўлатуриб хизматкорга тегдинг?— дебди.— Сен малика бўлишга лойиқсан.

— Ҳимматингиз учун қуллуқ,— деб жавоб берибди.— Менга шу хизматкорим ҳам бўлаверади.

Подшо гапини тугатиб, жўнаб, кетади. Саройга қайтиб келади. Хаёлидан Емельяннинг хотини кетмасмиш. Туни билан мижжа қоқмайди, қандай қилиб Емельяннинг хотинини тортиб олсан экан дея бош қотириб чиқади. Ўйлай-ўйлай бирон чорасини тополмайди. Хизматкорларини чақириб, бирон чора-тадбир ўйлаб топишни буюради. Подшо хизматкорлари ахийри шундай маслаҳат беришади:

— Емельянни саройга хизматкорликка олмоқ лозим. Биз уни иш билан кўмиб ташлаймиз, хотини бева бўлиб қолади, ана шунда уни олиш мумкин бўлади.

Шундай қилиб, подшо Емельянга чопар юбориб, саройда хизмат қилишни, хотини билан саройда яшашни буюрибди.

Чопарлар подшонинг амрини Емельянга етказишибди. Хотини эрига дебди:

— Ҳай майли, борақол. Кундузи ишлаб, кечаси ҳузуримга қайтиб қеларсан.

Емельян борибди. Саройга қадам босибди. Подшонинг ишбошиси ундан сўрабди:

— Нега энди хотинингни қолдириб, ёлғиз ўзининг келдинг?

— Уни етаклаб нима ҳам қилардим, ўзининг уйи бўлса.

Подшо саройида Емельянга икки кишининг ишини юклашибди. Емельян енг шимариб ишга киришаркан, уни тугатишига кўзи етмаганди. Бир маҳал оқшом чўккандаги ҳаммадан бурун ишини тугатади. Ишбоши буни кўргач, эртасига тўрт кишининг ишини юклаб қўяди.

Емельян уйга қайтади. Уйида эса ҳаммаёқ саранжом-саришта, печка иситилган, егуликлар пиширилган эди. Хотини дастгоҳ ёнида иш тўқиганча эрини кутиб ўтиради. Хотини эрини кутиб олади, овқатини олдига қўйиб, едириб-ичиради, сўнгра хизматини суриширади.

— Нимаям дейман — ишлар чатоқ; бошимгача ишга кўмиб ташлашди, адои тамом бўлаёздим.

— Сен ишни ўйлама, оз қолдими ёки кўпми дея орқа-ўнгингга аланглайверма, — дебди хотини. — Фақат ишининг бил. Ҳаммаси ўз вақти соати билан бўлаверади.

Емельян ухлаш учун ётади. Эрталаб яна хизматга боради. Ишга уннаганча сира орқасига қарамайди. Мундоқ қараса оқшомда ҳамма ишни битириб қўйибди, уйга ҳам барвақт қайтади.

Емельянга яна турли-туман топшириқлар беришади, Емельян ҳаммасини ўз вақтида уддалаб, уйига тунаш

учун қайтаверади. Подшо малайлари қарайдики, қора иш билан бу хизматкорни енгин қийин, ҳйла билан мақсадга эришмоқчи бўлишади. Аммо буям иш бермайди. Дурадгорликми, ғишт теришу иморат солиши — қандай иш топширишмасин, Емельян ҳаммасини муддатида уддалаб, тунаш учун хотинининг ҳузурига қайтарди. Орадан бир ҳафта ўтади. Подшо хизматкорларини чақириб, шундай дейди:

— Сизларни беҳуда боқаётганга ўхшайман. Орадан икки ҳафта ўтияпти, аммо нима каромат кўрсатдинглар? Емельянни иш билан тинчитмоқчи эдинглар, аммо мен деразадан кўриб турибман, у ҳар куни қўшигини ванг қўйиб ўйига қайтияпти. Ёки устимдан кулмоқчимисизлар?

Подшо малайлари ўзларини оқлай бошлишибди.

— Биз олдинига уни қора иш билан қийнамоқчи бўлувдик, аммо унга ҳеч нарса писанд эмас экан. Ҳар қандай ишни ер супургандай супуриб ташлайди, чарчаҳ нималигини билмас экан. Ҳийла билан бир ёқли қилмоқчи эдик, фаросати етмасов деб ўйлагандик; бу ревжамиз ҳам ўтмади. Ўзиям бало экан. Ўзида ёки хотинида бир сеҳру жоду бўлса керак. Ундан роса безор бўлдик. Энди унга мутлақо бажариб бўлмайдиган бир ишни топшироқчи бўлиб турибмиз. Бир кунда ибодатхона қуриб битказиш лозимлигини ўйлаб топдик. Емельянни ҳузурингизга чорлаб, сарой қаршисида ибодатхона барпо этишини амр этмоғингиз даркордир. Бинони қуролмаса, фармонни бажармагани учун калласини танидан жудо қилиш мумкин.

Подшо Емельянни ҳузурига чорлабди.

— Хўш,— дебди подшо,— фармони олийни эшит: сарой қаршисидаги майдонга янги ибодатхона қурасан, эртага оқшомга тайёр бўлиши керак. Қуриб битказолсанг — сийлайман, қуролмасанг — жазолайман.

Фармони олийни эшитгач, Емельян ўйига қайтади. «Тамом, энди куним битди». Ўйга келиб, хотинига деди:

— Хўш, кўч-кўронингни тайёрла, хотин, бош оқсан ёққа қочиш керак, бўлмаса ажалимиз етмай ўлиб кетамиз.

— Хўш, шунчалик юрагингни олдириб қўйдингми, қочиш пайнга гушибсан?

— Қанақасига юрак олдирмай бўлади? Подшо эртага бир кун ичида ибодатхона қуришимни буюрди. Қуролмасам калламни олади. Вақт ғаниматлигига қочмоқдан бошқа чора йўқ.

Хотини эрининг гапларига кўнмади.

— Подшонинг солдатлари кўп, ҳамма ердан тутиб елишлари мумкин. Ундан қочиб қутулоғмайсан. Куч-қувватинг борлигида қулоқ осган маъқул.

— Уддалай олмасам қанақасига қулоқ осаман?

— Ё товба! Кўпам сиқилаверма, овқатингни егин-да, ётиб дамингни ол: эрталаб барвақтроқ тургин, ҳаммасига улгурасан.

Емельян ухлаш учун ётди. Эрталаб хотини уйғотди.

— Тезроқ бориб ибодатхонанинг чаласини битказгин, мана сенга болға билан мих, у ерда сенга бир кунлик иш қолган.

Емельян шаҳарга бориб мундоқ қараса ростдан ҳам майдон ўртасида яп-янги ибодатхона турганмиш. Озгина чаласи бор экан. Емельян кам-кўстини тўғрилаб, оқшомга битказиб қўйибди.

Подшо уйғониб саройдан қараса, ибодатхона турганмиш. Емельян майдонда куймаланиб, у ер, бу ерга мих ураётганмиш. Ибодатхонани кўрган подшо қувониш ўрнига аччиғланибди, Емельянни жазолаб, хотинини тортиб ололмаслиги алам қилибди.

Подшо яна малайларини ҳузурига чорлабди.

— Емельян бу топшириқни ҳам уддалади, жазолаш учун баҳона йўқ. Бу юмуш ҳам унга чўт эмас экан. Тузукроқ бир ҳийла ўйлаб топмоқ даркор. Ўйлаб топинглар, акс ҳолда олдин ўзингларни жазолайман.

Хизматкорлар Емельянга сарой атрофидан оқиб, ичида кемалар сузиб юрадиган дарё бунёд қилишни буюрмоқ лозимлигини маслаҳат беришибди. Подшо Емельянни чақиритиб, янги топшириқни буюрибди.

— Модомики сен бир кечада ибодатхона қуролган экансан, балки бу ишнинг ҳам уддасидан чиқарсан. Эртага ҳамма иш худди мен амр қилгандек таппа-тахт бўлсин. Бўлмаса каллангни оламан.

Емельян шўрликнинг баттар дили хуфтон бўлиб, хотинининг олдига маъюс ҳолда қайтибди.

— Нега шаштинг паст?— деб сўрабди хотини.— Ни-ма, подшо яна янги иш буюрдими?

Емельян бор гапни айтиб беради.

Хотини шундай дейди:

— Солдатлардан қочиб кетолмайсан, ҳамма жойдан тутиб олади. Хўп дейиш керак.

— Ахир қанақасига хўп дейиш мумкин?

— Ҳай, кўп сиқилаверма. Овқатингни еб, дамингни ол. Эрталаб барвақтроқ тургин, ҳаммаси таппа-тахт бўлади.

Емельян ётиб ухлайди: Эрталаб уни хотини уйғотади.

— Саройга боргин,— дейди хотини — Ҳаммаси тайёр. Фақат сарой қаршисидаги кемалар манзилгоҳида озгина дүнглик қолган, ўткир белкүракни олиб, шуни тұғрилаб қўйсанг бўлди.

Емельян жўнайди; шаҳарга келиб қараса, сарой атрофи дарё бўлиб, унда кемалар сузиб юрган эмиш. Емельян сарой рўпарасидаги манзилгоҳга келади ва нотекис ерни кўриб, текислашга тўшади.

Подшо уйғониб йўқ жойдан пайдо бўлган дарёни кўради, дарёда кемалар сузиб юрар, Емельян эса белкурак билан дўнгликни текислар эди. Подшо жигибийрон бўлибди, дарё ҳам, кемалар ҳам кўнглини ёритмабди, Емельянни жазолаб бўлмаслигидан афсусланибди. Узича: «Унинг қўлидан келмайдиган юмуш йўқ. Энди нима қилиш керак?» дея боши қотибди.

Подшо хизматкорларини чақириб, яна маслаҳат қиласди.

— Шундай бир ишни ўйлаб топингларки, уни Емельян бажаролмасин. Бу ерда биз ниманини ўйлаб топмайлик, барини уddaляяпти, шунинг учун хотинини тортиб олишнинг иложи бўлмаяпти.

Аъёнлар ўйлай-ўйлай ахийри бир тўхтамга келишибди. Подшо ҳузурига келиб, шундай дейишади:

— Емельянни чақириб, шундай дейиш керак: ўзинг билмаган жойга бориб, билмаган нарсангни олиб кел. Мана шунда у қутулиб бўпти. У қаёққа бормасин, унга керакли жойга бормадинг дейилади, нимани олиб келмасин, айтилган нарсани олиб келмадинг дейилади. Ана шунда уни жазоласа ҳам, хотинини тортиб олса ҳам бўлади.

Подшо суюниб кетади.

— Мана буни яхши ўйлабсизлар,— дейди у.

Подшо Емельянга чопар юборади ва унга буюради:

— Узинг билмаган жойга бориб, билмаган нарсангни олиб кел. Агар олиб келмасанг каллангни оламан.

Емельян хотинининг ёнига қайтиб, подшонинг фармонини айтади. Хотини ўйланиб қолади.

— Подшонинг бошини айлантиришибди,— дейди у.— Энди бу ёфини тадбиркорлик билан қилиш керак.

Ўйлай, ўйлай, хотини эрига шундай дейди:

— Узоқ йўл босишинг, кекса энамиз, солдат ва деҳон онаси ҳузурига бориб, фотиҳасини олмоғинг лозим бўлади. Ундан бир нарсани оласану тўппа-тўғри саройга қайтасан, мен ҳам ўша ерда бўламан. Бу гал уларнинг

Қўлига тушмай иложим йўқ. Улар мени зўрлик билан қўлга туширишади, аммо кўпга эмас. Ҳамма нарсани худди кампир айтганидек қилсанг, мени тез орада озод қила оласан.

Хотин эрини сафарга кузатиб, қўлига халта билан урчуқ берибди.

— Мана буни кампирга берасан. Шуни кўрсатсанг сени танийди.

Хотин эрига йўл кўрсатади. Емельян йўлга чиқади, шаҳардан ташқарига чиқиб қараса — солдатлар машқ қилишаётган экан. Емельян тўхтаб томоша қилади. Солдатлар машқ қилиб бўлишгач, ўтириб дам олишади. Емельян уларнинг олдига бориб, сўрайди:

— Оғайнилар, сизлар айтиб беролмайсизми, қандай қилиб ўзинг билмаган жойга бориб, билмаган нарсанги олиб келиш мумкин?

• Солдатлар бу гапни эшишиб, ҳайрон бўлишди.

— Сени ким юборди?

— Подшо.

— Биз ўзимиз ҳам солдатликка кирганимиздан буён ўзимиз билмаган томонга юриш қилиб, билмаган нарсамизни қидирамиз, аммо тополмаймиз. Сенга ёрдам беролмаймиз,— деб жавоб беришади солдатлар.

Емельян солдатлар билан гурунглашгач, яна йўлга чиқади. Кетаверибди, кетаверибди, олдидан бир ўрмон чиқибди. Ўрмонда бир ҳужра бор эди. Ҳужрада бир қари кампир, солдат ва деҳқон онаси зигирпоя толасини йигирганча юм-юм йиғлар эди. Қампир Емельянни кўра солиб қичқиради:

— Нега келдинг?

Емельян унга урчуқни узатиб, хотини юборганини айтади. Қампир сал юмшаб, суриштира бошлайди. Емельян унга бошидан ўтган воқеаларни, қандай ўша қизга уйлангани, шаҳарга кўчиб ўтгани, қандай қилиб уни саройга хизматга олишгани, у ердаги хизмати, ибодатхона ва кемалар сузиб юрадиган дарё барпо қилгани ва мана энди подшо ўзинг билмаган жойга бориб, билмаган нарсани келтиришни буюргани ҳамма-ҳаммасини бирма-бир айтиб берди.

Қампир ҳаммасини эшитди, йиғлашдан ҳам тўхтаб қолди.

— Чамаси, вақти-соати етганга ўхшайди. Майли, ўтириб тамадди қил, болам, — дейди кампир.

Емельян овқатини еди, кампир эса унга шундай дейди:

— Мана сенга копток. Уни олдингда юмалатиб, қаёқ-қа кетса, ортидан бораверасан. Қўп юрасан, то денгиз соҳилигача борасан. Денгизга етгач, каттакон бир шаҳарни кўрасан. Шаҳарга киргач, чеккадаги ҳовлидан тунаш учун бошпана сўрайсан. Ана шу ерда ўзингга керакли нарсани қидиранасан.

— Буни қандай билиб оламан, энажон?

— Отаси билан онаси пайқамай қолган нарсани кўрасан — ўша нарса қидирганинг бўлади. Қўлга олиб, подшога элтасан. Подшога олиб келганингда у айтилган нарсани олиб келмабсан дейди: Шунда сен, «Ундай бўлса, буни синдириш керак», дейсан-да, ҳалиги нарсани бир уриб, дарёга олиб борасан, парчалаб, дарёга улоқтирасан. Ана ўшанда хотинингни ҳам қутқарасан, менинг кўз ёшларим ҳам арийди.

Емельян кампир билан хайрлашиб, коптокни юмалатганча йўлга чиқади. Копток юмалаб-юмалаб уни деңгизга бошлаб келади. Денгиз соҳилида муҳташам шаҳар кўринади. Шаҳар четида серҳашам уй бўлади. Емельян бошпана сўрайди. Рози бўлишади. Тунаш учун ётади. Тонг саҳарда уйғонади, отанинг ўрнидан туриб, ўғлини ўтин ёришга юбораётганини эшитиб қолади. Ўғли кўнмайди.

— Ҳали эрта,— дейди,— улгураман.

Она печка устидан тап қотади:

— Борақол, ўғлим, отангнинг дармони йўқ. Уни овора қилиш яхшими? Турақол.

Ўғил тамшаниб, яна ухлаб қолади. Ухлаши ҳамон ногоҳ кўчада нимадир гумбурлаб, қасирлаб кетди. Ўғил сакраб туриб кетади, кийиниб, кўчага отилади. Емельян ҳам ирғиб туради, унинг орқасидан чиқади ва ўғил ота, онасидан кўра яхшироқ эшитган нарсани кўрмоқчи бўлди.

Емельян чиқиб қарайдики кўчада бир киши қорнига юмалоқ бир нарсани қўйганча таёқчалар билан дўппослар эди. Ана ўша нарса гумбурлаётган эди, ўғил ана шуни эшитган эди. Емельян яқинроқ келиб, ҳалиги нарсани томоша қила бошлайди. Қараса, қовоқча ўхшаган юмалоққина нарсанинг икки четига тери тортилган экан. Бу нима дея сўраб кўради.

— Дўмбира,— деб жавоб беришади.

— Нима, ичи ғовакми?

— Ғовак.

Емельян ҳайрон қолади ва ўша нарсани ўзига сўрайди. Беришмайди. Емельян эланишни бас қилиб, дўмбира-

чининг ортидан эргашиб юраверди. Уззукун эргашиб юрати ви дўмбиради ухлаб қолганда дўмбирани олиб қочали. Қоча-қоча ўз шаҳрига бориб, уйига келади. Хотининг кўрмоқчи эди, қараса йўқ экан. Қетган кунининг эргасигаёт хотинини подшо ҳузурига олиб кетишганди.

Емельян саройга бориб, ташрифини олий ҳазратга етказишларини сўрайдиз: ўзи билмаган томонга бориб, билмаган нарсани олиб келган киши шу ерда дейди: Подшога бу гапни етказдилар. Подшо Емельянга эртага келишни буюради. Емельян яна илтимосини такрорлади.

— Мен шу бугун етиб келдим, айтган нарсасини олиб келдим, подшо ҳузуримга чиқсин, бўлмаса ўзим бораман.

Подшо ҳузурига чиқади.

— Қаёқларда бўлдинг, нималар олиб келдийнг?

Емельян олиб келган нарсасини кўрсатмоқчи эди, подшо қарамайди.

— Бунақа нарса эмас эди.

— Бунақа нарса бўлмаса,— дейди Емельян,— чилпарчин қилиб ташлаш керак савилни.

Емельян саройдан чиқиб, дўмбирани ерга бир уради. Уриши ҳамон подшонинг бутун қўшини Емельяннинг ҳузурида ҳозиро нозир бўлади. Емельянга қуллуқ қилиб, фармонига интизор бўлиб туришади. Подшо эса дера-задан қўшинларига қараб, Емельянга эргашмасликни буюриб қичқиради. Қўшинлар подшога қулоқ солишмай, Емельянга эргашиб кетаверишади. Буни кўрган подшо Емельянга хотинингни олиб кетиб, дўмбирани эса менга бергун дейди.

— Бундай қилолмайман,— дейди Емельян.— Менга дўмбирани ёриб, парчаларини дарёга ташлаш буюрилган.

Емельян дўмбирани олиб, дарёга яқинлашади, солдатлар жам бўлиб унга эргашадилар. Емельян дарё бўйида дўмбирани уриб синдиради, парча-парча қилиб, дарёга ташлайди — ҳамма солдатлар ғойиб бўлишади.

Емельян эса хотинини олиб, уйига равона бўлади.

Ана шундан буён подшо уни безовта қилмайди. Емельян эса тинч-хотиржам яшаб, муроду мақсадига етади.



## КАВКАЗ АСИРИ

### 1

Кавказда бир бойвачча офицер хизмат қиласди. Исми Жилин эди.

Кунларнинг бирида уйидан хат келди. Кекса онаси шундай мактуб йўллаганди: «Қариб-қартайиб қолдим, кўзим тириклигида дилбандимни кўриб қолсам дейман. Келиб онаизоринг билан видолашиб, устимга ўзинг тупроқ тортгин, у ёғига худо пошшо, яна хизматингга кетаверасан. Айтгандек, мен сенга яхши бир қайлиқ ҳам топиб қўйдим: бирам ақлли, бирам кўркам, сени ҳам тайёр. Кўнглингга ўтиришса, балки уйланиб, бутунлай қолиб ҳам кетарсан».

Жилин ўйланиб қолди: «Дарҳақиқат, кампир анча ўсал тортган кўринади; балки дийдор кўришиш насиб этмас. Бориш керак, қайлиқ яхши бўлса уйлансам ҳам бўлади».

У полковникка учрашиб, таътилга рухсат олди, ўртоқлари билан хайрлашиди, қўл остидаги солдатларни сафар олдидан тўрт челак ароқ билан сийлади ва йўлга ҳозирланди.

Ўша вақтда Қавказда уруш кетаётганди. Йўллардан кечаю кундуз ўтиб бўлмасди. Қалъадан озгина узоқ-яқинга чиққан русларни татарлар ўлдирап ёки тоқقا олиб кетишар эди. Ҳафтада икки марта у қалъадан бу қалъага қўриқловчи солдатлар қатнарди. Олдинда ва

орқада кетаётган солдатлар ўртадаги одамларни мухоммад фаза қилиб боришарди.

Бу воқеа ёзда бўлганди. Тонг саҳарда қалъя ёнида карвон тўплана бошлади ва қўриқловчи солдатлар чиққач, йўлга тушдилар. Жилин отлиқ бўлиб, юклари солинган арава эса карвон билан келарди.

Иигирма беш чакирим йўл босиши керак эди. Карвон имиллаб силжирди, тоҳо солдатлар тўхтаб қолар, тоҳо араванинг фиддиги чиқиб кетар ёки от гожлик қиласар, тўхтаб, бир-бирини кутишар эди.

Қуёш тиккадан оғиб кетса-да, карвон эндигина йўлнинг ярмини босиб ўтди. Чанг-тўзон, жазирама қуёш шу қадар забтига олганки, биронта жон сақлайдиган пана жой йўқ. Атроф яп-яйдоқ, чўлу биёбон, йўлда на бир дарахт, на бир майса — гиёҳ кўринади.

Жилин олдинда борар, тўхтаб, карвоннинг етиб келишини кутар эди. Орқада бурғу чалинганини эшилди — яна тўхташди. Шунда Жилин ўйлаб қолди: «Солдатларга қараб ўтирумай, бир ўзим кета қолсам-чи? Остимдаги от учқур, татарлар йўлиқса қочиб қутуларман. Ёки кетмаганим маъқулмикин?»

Жилин турган жойида бош қотиради. Шу маҳал ёнига Костилин деган отлиқ офицер милтифи билан келиб қолди ва шундай деди:

— Тоққа чиқиб, бир қараб қўйиш керак, бўлмаса лоп этиб панадан чиқиб қолса ғафлатда қоламиз.

— Э нимасини қарайсан? Кетдик,— деди Костилин. Жилин қулоқ солмади.

— Йўқ,— деди у,— сен настда кутиб тургин, мен ўзим бирров қараб келаман.

У отини чаңга — тоққа солди. Жилиннинг оти овбоз (уюрдан қулунлигига юз сўмга сотиб олиб, ўзи минишга ўргатувди) эди; тепага худди лочиндек шўнгриб кетди. Юқорига чиқди-ю, шундоққина рўпарасида, бир ботмонча ерда турган ўттиз чоғли отлиқ татарларни кўриб қолди. Кўрган заҳоти орқасига қайрилди. Татарлар ҳам уни кўришди-ю, йўл-йўлакай милтиқларини гилофидан чиқариб, устига от солишиди. Жилин жон-жаҳди билан отини чоптиаркан, Костилинга қараб қичқирди:

— Милтифингни чиқар! — айни чоғда отини алқади: «Тулпорим, нажот ўзингдан, фақат оёғингга хушёр бўл, қоқилсанг тамом — иш пачава. Милтиққа етиб олсам бўлгани, қўлга тушиб бўпман».

Костилин бўлса кутиб туриш ўрнига татарларни кўриди-ю, апил-тапил қалъага жўнаб қолди. Отини аямай

қамчилади. Чанг-тўзон ичида отнинг елвагай думи кўриниб қолди, холос.

Жилин қарайдики, иш чатоқ. Милтиқ ҳам қулогини ушлаб кетди, биргина қилич билан нима каромат кўрсатарди? У отини орқага—солдатлар томонга буриб, қутулмоқчи бўлди. Қарайдики, олти отлиқ йўлини тўсиб чиқяпти. Жилиннинг оти чакки эмас, аммо ана буларники униқидан ҳам зўроқ бўлиб, яна йўлини тикка кесиб чиқишаётган эди. У йўлни калта қилиб, орқага қайрилмоқчи эди, оти тўппа-тўғри татарларга қараб суреб кетди. Қарайдики бўз от минган, қизил соқолли татар анча яқинлашиб қолди. Милтиғи тайёр, тишлари ғижирлади.

«Бу иблисларни биламан,— деб ўйлади Жилин.— Тириклай қўлга тушганни зинданга солиб, қамчи билан савалашади. Тирик қўлга тушиб бўпман».

Жилин жуссаси кичик бўлса ҳам анча абжир эди. Қиличини яланғочлаб, тўппа-тўғри қизил татарга қаратса от қўяркан, ўзича тусмоллади: «Ё отим билан уриб ағдараман, ёки қилич билан чопиб ташлайман».

Жилин ғанимига етайдегандан орқадан ўқ узиб, отини отиб ташлашди. От боёқиши бор соҳт-сумбати билан ерга қулади ва Жилиннинг оёғини босиб қолди.

У ўрнидан қўзғолмоқчи бўлувди, елкасига миниб олган иккита сассиқ татар қўлларини орқага қайира бошлиди. Жилин бир силкинди-ю, устидаги татарларни улоқтириб юборди, аммо яна учтаси отдан тушди ва милтиқ қўндоғи билан бошига сола кетишиди. Қўз олди қоронилашиб, гандираклади. Татарлар уни тутдилар, эгардан айилни олишди, қўлларини орқасига қайриб, татарчасига боғладилар ва эгарга ўтқаздилар. Бошидан шапкаси учиб кетган, этигини суғуриб олишган, ҳаммаёғини тинтиб, пули-ю, соатигача қўйишмаган, кийимлари дабдала бўлган эди. Жилин отига қаради. Жонивор шўрлик ўша ёнбошлаганича ётар, фақат оёқларни қимирлатиб қўяр, аммо ерга тегизолмас эди; калласи тешилган, тешикдан оқаётган қон бир газча жойни кўллатган.

Бир татар отнинг ёнига келиб, эгарини еча бошлиди. Жонивор ҳамон типирчилаётган эди, татар ханжарини чиқариб, отнинг томогига тифортди. От жон талашиб, типирчилади, томоги хириллаб, ҳовур чиқди.

Татарлар эгар-жабдуқларни йиғишириб олишди. Қизил соқолли татар отига минди, шериклари Жилини унга мингаштириб қўйиншди; йиқилиб тушмаслиги

учун белидан камар ўтказиб, татарга боғлашди ва төқ-  
қи олиб кетишиди.

Жилин татарга мингашганча тебраниб, юз-кўзларни  
татарнинг сассиқ гавдасига ишқаланиб борар эди. Ол-  
динда фақат татарнинг сўлақмондек жуссаси, чайир  
бўйни, қалпоги остидаги қирилган, кўкиш гарданидан  
бўлак нарсани кўрмас эди. Боши ёрилган, кўз олдидা  
қон қотиб қолганди. Шу кетишида на гавдасини ўнглай  
олар, на қонларини арта олар эди. Қўллари аёвсиз қай-  
рилганидан ўмрови зирқиради.

Тоғлар оша узоқ юришиди, сой кечувидан ўтиб, йўл-  
га чиқишиди ва жарликлардан ўтиб боришиди.

Жилин йўлни эслаб, қаёққа олиб кетишаётганини  
бимоқчи бўлди, аммо кўзлари қонга бўялган, ўзи қи-  
мирлай олмас эди.

Оқшом қуюқлаша бошлади. Яна бир сойдан кечиб,  
тоғликка кўтарила бошладилар, тутун ҳиди димоққа  
урилди, итлар акиллай кетди.

Оувулга етиб келишиди. Татарлар отлардан тушдилар,  
татар болакайлар тўпланиб, Жилинни ўраб олишди, сую-  
нишиб, қий-чув кўтаришиди, тош отиб, пўписа қилишиди.

Татар болаларни ҳайдаб, Жилинни отдан туширди  
ва хизматкорини чақирди. Яноқ суяклари туртиб чиққан,  
ялангтўш нўғай келди. Татар унга нимадир буюорди. Хиз-  
маткор ёғоч кишан-тахтакач келтирди; темир ҳалқа-  
ларга иккита эман ғўла маҳкамланган ва ҳалқалардан  
бирига қулф ўрнатилганди.

Жилиннинг қўлларини ечиб, тахтакачга солдилар,  
саройга олиб бориб, ичкарига итардилар ва эшикни ёп-  
дилар. Жилин гўнг устига йикилди. Шу кўйи ётиб қол-  
ди, қоронгиликда пайпасланиб, юмшоқроқ ерни топгач,  
чўзилди.

## 2

Жилин туни билан ухлай олмади. Тунлар қисқа эди.  
Мундоқ қараса, тирқишдан ёруғлик тушяпти. Жилин  
ўрнидан турди, тирқишини кенгайтириб, кузата бошлади.

Тирқишдан тоққа элтувчи йўл, чапда татарча уйлар,  
унинг ёнида иккита қишлоқ кўринди. Бўсағада қора ит  
ётар, думини ликиллатганча улоқчалар билан айланиб  
юар эди. Бир маҳал тоғ ортидан келаётган, ёқалари  
очиқ рангли кўйлак, лозим ва этик кийган, бошига чак-  
монча ташлаб, каттакон тунука кўзача кўтарган, ёшги-  
на татар қизалоқни кўриб қолди. Унинг қомати эгилиб,

қалтираб борар, бошлари тап-тақир қирилган кўйлакчан болакайни қўлидан етаклаб олган эди. Қизалоқ сувни уйга олиб кирди, ичкаридан кечаги қизил соқол татар ипак камзулда, белида кумуш ханжар, бошмоғини оёқяланг кийиб чиқди. Бошидаги қўй терисидан тикилган, қора, чўққи теллаги орқага қайрилган. Чинди-ю, керишиб, қизил соқолини силаб қўйди. Яна бироз тургач, хизматкорга нимадир буюриб, қаёққадир жўнаб кетди.

Кейин иккита бола отларни сүфоришга олиб боришиди. Отларнинг тумшуғи ҳўл эди. Яна бошлари яп-яланг, иштонсиз, кўйлакчан болакайлар югуриб чиқишиди, тўпланиб, саройга келишиди, чўпни олиб, тирқишга суқишиди. Жилин «хап» дея бир қўрқитувди, болакайлар қий-чув солиб, тумтарақай қочиб кетишиди, фақат яланроҷ тиззалари кўриниб қолди.

Жилин томоқлари қуруқшаб, чанқаб кетди, бирров хабар олишсайди деб ўлади. Саройнинг очилаётгани қулоғига чалинди. Қизил соқол ёнида бўйи пастроқ, қораҷароқ шериги билан келди. У чақноқ кўзлари қопқора, юzlари қирмизи, кичкина соқоли ихчам қиртишланган, чеҳраси мулойим киши бўлиб, тинимсиз кулар эди. Ўзи анча пўрим кийинган: ҳаворанг ипак камзули уқали эди. Белида каттакон кумуш ханжар, саҳтиён теридан тикилган бошмоғига ҳам кумуш уқа тикилганди. Бошида оппоқ чўққи телпак.

Қизил соқол кирди-ю, худди бирор билан сўкишаётгандек ўзича бир нималарни гапириб ташлади ва эшикнинг кесакисига суюниб қолди, Жилинга бўридек хўмрайганча ханжарини ушлаб-ушлаб қўйди. Вужудидан куч-ғайрат ёғилиб турган қораҷаси эса Жилиннинг олдига келиб, чўнқайиб ўтириди, елкасига қоқиб, ўзича нималарнидир чуғурлади, кўзларини қисиб, тилини тақиллатди ва нуқул, «ўрис якши! ўрис якши», дер эди.

Жилин ҳеч нарса тушунмади ва: «Чанқадим, сув беринглар!» деди.

Қора киши кулаверди. Ўзича яна «ўрис якши» деб қўйди.

Жилин лаблари ва қўллари билан имо-ишора қилиб, сув беришларини сўради.

Қора киши тушуниб етди, кулиб, эшикдан мўралади ва: «Дина!» дея кимнидир чақирди.

Ўн уч ёшлардаги, ингичка, нозик, чеҳраси қора кишига ўҳшаброқ кетадиган қизалоқ югуриб келди. Бу унинг қизи эди. Бунинг ҳам қоп-қора кўзлари чақнаб

турар, юзлари чиройли эди. Енгисиз, белбоғсиз, узун ҳаворанг кўйлак кийиб олганди. Этаклари, кўкрак ва енгларига қизил жияк тикилган. Лозими бошмоғига тушиб турар, уни товони баланд бошқа бошмоққа кийиб олган; бўйнида эллик тийинлик рус тангаларидан маржон тақилган. Боши очиқ, тим қора, соchlарига лента тақиллаган, лентага эса тўқа ва кумуш пул осилган.

Отаси унга нимадир тайинлади. Қизалоқ югуриб чиқиб кетди ва тунука кўзани кўтариб келди. Сувни узатгач, ўзи чўнқайиб ўтириди, жуссаси эгилиб, елкаси тиззадан ҳам пастта тушиб кетди. Жилинга, унинг қандай сув ичишига қаарarkan, худди ёввойи бир маҳлуқни томоша қилаётгандек анграйиб қолди.

Жилин кўзани қайтариб берди. Қизалоқ худди ёввойи эчкидек сакраб, четланди. Отаси кулиб қўйди. Қизини яна қаёққадир юборди. У кўзани олиб, чопиб кетди, доирасимон идишда чучук нон келтириди ва яна эгилиб ўтиарarkan, кўз узмай қараб турди.

Татарлар эшикни ёпиб, чиқиб кетишиди.

Бир оздан сўнг Жилиннинг олдига нўғай келиб, шундай деди:

— Айда, хўжайин, айда!

У ҳам русча билмасди. Жилин қаёққадир бориши лозимлигини тушунди, холос.

Жилин тахтакач билан юарarkan, қадам босолмай оқсоқланар ва оёқларини кериб қадам ташлар эди. Жилин нўғайнинг орқасидан ташқарига чиқди. Минорали черков ва ўн чоғли хонадондан иборат татар қишлоғини кўрди. Бир уйнинг олдида болалар эгарлоғлиқ учта отни жиловидан ушлаб туришарди. Ичкаридан ўша қора татар илдам юриб чиқди ва Жилинни бу ёқقا кел дея имлади. Кулиб, ўзича нималарнидир гапира-гапира яна ичкарига бурилди. Жилин уйга кирди. Деворлари сип-силлиқ лойсувоқ қилинган меҳмонхона кўркамгина эди. Тўрга рангдор пар болишлиар ташланган, икки томонга эса қимматбаҳо гиламлар осилган; гиламлардаги милтиқ, тўппонча ва қиличлар—ҳамма-ҳаммаси кумушдан. Деворнинг бир томонида ер баробар кичкина печка. Ер хирмондай тоза-покиза бўлиб, бўсаға томонга кигиз тўшалган, кигизга гилам солинган, гиламга эса пар ёстиқлар ташланган эди. Гиламларда юпқа маҳси кийган татарлар: қораҷадан келгани, қизил соқол ва яна учта меҳмон ўтиришибди. Ҳаммасининг орқасига пар болишлиар қўйилган, олдиларида тариқли чўзма ва пиёлаларда сигир ёғи, кўзачага татарча пиво бўлмигі

бўза қўйилган. Овқатни қўлда ейишар, қўллари буткул ёқка ботган эди.

Қора татар ирғиб ўрнидан турди, Жилинни бир четга, гиламга эмас, қуруқ ернинг ўзига ўтқазишни буюрди ва яна гиламга чиқиб, меҳмонларни чўэма ва бўза билан сийлай бошлади. Хизматкор Жилинни жойига ўтқазди ва ўзи устки бошмоғини ечиб, девор ёнидаги бошмоқлар қаторига қўйгач, хўжайнингарга яқинроқ бўлган кигизга ўтириди; сўлагини оқизганча уларнинг овқат ейишига термулди.

Татарлар чўzmани ҳам еб бўлишиди. Бояги қизалоққа ўхшаб кўйлак, лозим кийиб, бошига рўмол ташлаган татар қизи келди. Ёғ ва чўzmани олиб кетга, бежирим жомашов билан офтоба келтирди. Татарлар қўлларини ювидилар, кейин тиззалаб, қўлларини туширдилар ва нағоз ўқидилар. Ўзларича бир нималарни чуғурлашди. Кейин меҳмон татарлардан бири Жилинга ўгирилиб, русча гапира бошлади.

— Сени Қози Мұҳаммад қўлга туширган,— деди қизил татарни кўрсатиб,— ва сени Абдул Муродга берган,— қора татарга ишора қилди,— энди Абдул Мурод сенинг хўжайнинг.— Жилин индамади.

Абдул Мурод Жилинни кўrсатганча гапириб, куларкан, «солдат урус, корош урус», деб қўярди.

Таржимон тушунтириди: «Ўйингга ўзинг учун тўлов сўраб хат ёзгин деяпти. Пулни юборишлиари билан у сени озод қиласди».

Жилин ўйланиб, сўради: «Тўлови қанча бўлади энди?»

Татарлар гаплашиб олишгач, таржимон деди:

— Уч минг танга.

— Йўқ,— дейди Жилин,— мен бунча пулни тўлай олмайман.

Абдул ўрнидан ирғиб турди, ҳамон Жилинни тушунади деб ўйлади чофи, қўлларини пахса қилганча жаврай кетди. Таржимон: «Қанча бера оласан ўзи?» деб сўради.

Жилин бир зум ўйланиб олгач, «беш юз сўм», деди.

Шунда татарлар бирварақайига, бир-бирига гал бермай, тез-тез гапира кетишиди. Абдул оғзидан тупуклар сақратиб, қизил татарга ўдағайлай бошлади. Қизил татар эса фақат кўзларини очиб-юмганча тилини чикиллатди.

Улар жимиб қолишиди; таржимон тушунтириди.

— Тўлов учун беш юз сўм хўжайнинга камлик қилади. У сен учун икки юз сўм тўлаган. Қози Мұҳаммад

ундан қарз эди. У сени ўша қарз эвазига олган. Уч мингдан камига бўлмайди. Хат ёзмасанг зиндонга солиб, қамчи билан савалашади.

«Эҳ,— деб ўйлади Жилин,— улардан қанча қўрқсанг, шунча баттар бўлади». Сакраб туриб кетди ва шундай деди:

— Сен у итга айтгинки, агар мени қўрқитмоқчи бўлса, бир тийин ҳам бермайман, уйга хат ҳам ёзмайман. Сизлардан қўрқмаганман ва қўрқмайман ҳам!

Таржимон тушунтиргач, яна ҳаммаси чуғурлаша кешиди.

Узоқ тортишишди, қора татар ўрнидан туриб, Жилининг олдига келди.

— Ўрис,— деди,— йигит, ўриснинг йигити.

Йигит уларнинг тилида азамат, паҳлавон дегани. Ўзи бўлса ҳамон куларди; таржимонга нимадир деди, у тушунтируди:

— Бўлмаса минг сўм бергин.

Жилин сўзида туриб олди: «Беш юз сўмдан ортиқ беролмайман. Ўлдирсанглар бир тийин ҳам ололмайсиз».

Татарлар ўзаро гаплашиб, хизматкорни қаёққадир юборишиди, ўзлари эса гоҳ Жилинга, гоҳ эшикка қараб-қараб қўйишарди. Хизматкор қайтиб келди, унинг орқасидан қандайдир бир йўғон, оёқяланг ва кийимлари дабдала бўлган бир одам эргашиб келар, оёғига тахтакач солинган эди.

Жилин Костилинни таниди-ю, оҳ деб юборди. Уни ҳам қўлга туширишганди. Уларни ёнма-ён ўтқазишиди, иккови бир-бирига бошидан ўтганини сўзлай кетишиди, татарлар эса индамай қараб тушишарди. Жилин нима воқеа бўлганини айтиб берди; Костилин оти тўхтаб, мильтифи отилмай қолганини ва мана шу Абдул қувиб етиб, қўлга туширганини гапириб берди.

Абдул ўрнидан туриб, Костилинга ишора қилди ва нимадир деди.

Таржимон энди ҳар иккисининг хўжайини бир киши экани, кимки олдин тўловни келтирса, ўша олдин қўйворилишини тушунтируди.

— Мана сенинг жаҳлиниг чиқяпти,— деди у,— ўртоғинг эса ювөш экан, уйига ҳам хат ёзди, унга беш минг тапга юборишиади. Мана энди унга яхши овқатлар беришади, хафа ҳам қилишмайди.

Жилин шундай жавоб берди:

— Ўртоғимнинг ихтиёри ўзида, эҳтимол у бадавлат-дир, мен бой эмасман. Ўша гапим гап. Истасангиз ўлдириб юборинг — фойдаси бўлмайди, беш юз сўмдан ортиқ сўрай олмайман.

Ҳамма жимиб қолди. Ногоҳ Абдул иргиб ўрнидан турди, сандиқдан қоғоз, қалам ва сиёҳ олиб, Жилинга туқазди, елкасига қоқиб, «ёзгин» дея ишора қилди. Беш юз сўмга рози бўлди.

— Шошмай тур, — деди Жилин тиљмочга, — сен унга айтгинки, бизни яхшироқ боқсин, тузукроқ кийинтирсин, зерик маслигимиз учун бир жойда сақласин, кейин тахтакачини олиб қўйсин.— Ўзи хўжайнинг қараб қулиб қўйди. Хўжайн ҳам кулди. Гапни эшитиб, деди:

— Кийимларнинг энг сарасини бераман, черкаскани ҳам, этикни ҳам аямайман, куёвболадек ясантириб қўяман. Князларни сийлагандек боқаман. Бирга яшашмоқчи экан — майли, саройда бирга тураверишсин. Аммо тахтакачни олиш мумкин эмас — қочиб кетишади. Фақат кечаси олиб қўяман.

Хўжайн Жилинга яқинлашиб, яна елкасига қоқиб қўйди:— Сеники якши, меники якши!

Жилин хатни ёзишга ёзди-ю, аммо манзилга етиб бормайдиган қилиб ёзди. Ўзича: «Барибир қочиб кетаман», деб ўйлади.

Жилин билан Костилинни саройга олиб кетишди, у ерга маккажўхори похоли, кўзада сув, нон, иккита эски черкаска ва солдатларнинг кийилган этигини келтиришди. Чамаси, булар ўлдирилган солдатлардан ўлжа қилинганди. Уларни саройга қамаб, кечаси тахтакачни олиб қўйишиди.

### 3

Жилин ўртоғи билан бир ой шундай яшаб юришди. Хўжайн ҳамиша кулгани кулган эди.— Сеники, Иван, якши, меники, Абдул, якши.— Аммо овқатининг мазаси йўқ эди; берадигани нуқул тариқ ундан ёпилган нон гоҳо хом-хатала хамирнинг ўзи эди.

Костилин яна уйига хат ёзди, ҳамон пул юборишлирини кутиб, сиқилар эди. Уззукуни саройда ўтирганча хатга кўз тикиб, кун санар ёки ухлар эди. Жилин эса хати етиб бормаслигини биларди, бошқа ёсиб ўтормади.

«Онам мен учун бунча пулни қаёқдан ҳам топсин,— деб ўйларди,— ўзи-ку мен юборган пул билан зўрга кун

кўраётган бўлса. Беш юз сўм топаман деб хонавайрон бўлиб кетади-ку! Худо хоҳласа ўзим бир амаллаб қутулиб оларман».

У юрса-турса қочишни мўлжаллаб, теварак-атрофни кузатар, нималарнидир чамалар эди. Овулда ўзича хуштак чалиб юраркан, гоҳо ўтириб бирон ишга уннаб кетар, лойдан қўғирчоқ ясар ёки новдадан четан тўқир эди. Жилиннинг қўлида яхшигина ҳунари бор эди.

Бир куни у қўғирчоқ ясаб, бурни, қўл ва сёқларини ҳам ўхшатиб, татарча кўйлак кийдирди ва уни томга қўйиб қўйди.

Қиз-жувонлар сувга боришаётган эди. Хўжайнинг қизи Дина қўғирчоқни кўриб, дугоналарини чақирди. Кўзаларини бир четга қўйиб, кула-кула томоша қилишибди. Жилин қўғирчоқни олиб, уларга узатди. Улар кулишаётган бўлса-да, олишга ботинишолмасди. Жилин қўғирчоқни қолдириб, ўзи саройга кирди ва қани бүёғи энди нима бўларкин дея кузата бошлади.

Дина югуриб келди, атрофга аланглаб қаради-ю, қўғирчоқни олиб, чопиб кетди.

Жилин эрталаб Динанинг бўсафага қўғирчоқ кўтариб чиққанини кўрди. У қўғирчогини қизил қийқимлар билан худди чақалоқдек йўргаклаб, безаган ва ўзича алла айтар эди. Ичкаридан бир кампир чиқди. Динани қарғади ва қўғирчогини тортиб олиб, уриб синтирди ва ўзини қаёққадир ишга юборди.

Жилин яна бошқа, олдингисидан ҳам яхшироқ қўғирчоқ ясаб, Динага берди. Бир куни Дина кўза кўтариб келди, уни қўйиб, ўтириб ва Жилинга кўзасини кўрсатиб кулди.

«Нега у суюнгитийкин?» деб ўйлади Жилин. Кўзани олиб, ича бошлади. Сув деб ўйлагани сут бўлиб чиқди. Сутни ичиб, «яхши» деб қўйди. Дина беҳад севиниб кетди!

— Якши, Иван, якши!— деди-ю, иргиб турди, кафтига урди ва кўзасини олиб, чопиб кетди.

Ушандан буён у ҳар куни Жилинга яширинча сут келтирадиган бўлди. Гоҳо татарлар эчки сутидан пишлоқ нон қилиб, томда қуритишар, Дина ана шу нондан ҳам ўғринча насиба олиб келар эди. Яна бир гал хўжайин қўй сўйганда қизалоқ енгига бир бўлак гўштни яшириб, ташлаб кетди.

Бир куни кучли момақалдироқ бўлди ва худди челакдан қўйгандек бир соатча ёмғир ёғди. Сойлар лой-қаланди, кечикни уч газ сув босиб, тошларни юмалатиб

кетди. Ҳар жойда жилғалар оқар, тоғлар гумбурлар эди. Момақалдириқдан кейин қишлоқнинг дуч келган ерида сойлар пойга қила бошлади. Жилин хўжайиндан пиҷоқ сўраб олди, ғўлани йўниб, унга фидирак ясади ва фидиракнинг икки томонига қўғирчоқни ўрнатиб қўйди.

Қизалоқлар ҳар хил қийқимлардан келтиришиди. Жилин қўғирчоқнинг бирини хотинча, иккінчисини эркакча кийинтириб маҳкамлади ва фидиракни сойга қўйди. Фидирак айланганда қўғирчоқлар ҳам иргишлий бошлади.

Бутун қишлоқ — болакайлар, қизалоқлар, хотинлар йиғилишди, татарлар ҳам келиб, тилини чиқиллатди:

— Вой ўрис-эй! Вой Ивани тушмагур-эй!

Абдулнинг рус соати бузилган эди. У Жилинни чақирди, матоҳини кўрсатиб, тилини чиқиллатди.

— Бўпти, тузатаман,— деди Жилин.

Соатни пиҷоқ билан очиб, олдига ёйди, сўнг яна йиғиб, эгасига қайтарди. Соат юриб кетди.

Хўжайн суюнди, ўзининг эски, жандаси чиқиб кетган камзулини инъом қилди. Олишга тўғри келди — ҳарқалай кечаси ёнишга ярайди.

Ўшандан бўён Жилин ҳунарманд уста сифатида довруғ таратди. Олдига олис қишлоқлардан кимdir милитиқ ёки тўппонча затворини, бошқа бирор соатини тузишга олиб келарди. Хўжайн унга асбоб-анжом: омбир, парма ва арра бериб қўйди.

Бир татар касал бўлиб қолганда Жилиннинг олдига келишиб, «ўзинг бориб даволагин», дейишди. Жилин даволашни билмасди. Саройга кириб, сувга қум солиб аралаштириди. Татарларнинг олдига сувга бир нималар дея шипшиди ва беморга ичирди. Татар соғайиб кетди. Жилин уларнинг тилига анча-мунча тушунадиган бўлиб қолди. Үнга ўрганиб қолган татарлар керак бўлганда «Йван, Иван!» деб чақиришар, айримлари эса ҳамон худди ҳайвонга қарагандай ўқрайишар эди.

Қизил соқолли татар Жилинни ёмон кўрарди. Уни кўриши ҳамон хўмрайиб, тескари ўгирилар ёки сўқинар эди. Бу ерда яна бир чол ҳам бор эди. У овулда яшамас, тоғ этагидан келарди. Жилин уни фақат мачитга намоз ўқиш учун келганда кўрарди. У паст бўйли, қалпогига оппоқ салла ўраган, момиқдек оппоқ соқол ва мўйлови калта қирқилган; ғиштдек қип-қизил башарасини ажин босганди. Бурни қарчиғайники каби қайрилма, ёвуз кўзлари кўм-кўк бўлиб, иккита сўйлоқ тишдан бошқа тиши йўқ эди. Бошига салласини қўйдиртанча

хассасига суюниб, атрофга бўридай аланглаб юарди.  
Жилинни кўриши ҳамон пишқириб, юзини ўгиради.

Бир куни Жилин чолнинг туриш турмушини кўриб қўйиш учун тоғ этагига борди. Йўлдан четга чиққанда тош қўрғон билан ўралган бояни кўрди: қўрғон ичидагилос, шафтоли ва текис томли уй кўзга чалинарди. У яқинроқ келди: походдан тўқилган асалари уясини, гувиллаб учиб юрган ариларни кўрди. Чолнинг ўзи эса ари уяси олдида тиззалааб ўтирганча бир нимага уннаётган эди. Жилин яхшироқ кўрмоқчи бўлиб гавдасини кўтарувди, тахтакачи жаранглаб кетди. Чоли тушмагур ўгирилди-ю, чинқириб юборди, апил-тапил ёнидан тўп-пончасини олиб, Жилинга ўқ узди. Жилин зўрға ўзини тош панасига уриб, жон сақлаб қолди.

Чол хўжайнинг олдига шикоят қилиб келди. Хўжайнини чақирди ва кулиб сўради:

— Чолнинг олдига бориб нима қиласдинг?

— Мен унга ёмонлик қилганим йўқ,— деди у.— Қанақа яшаётганини бир кўриб қўймоқчидим, холос.

Хўжайнин чолга тушунтириди. У эса жиғибийрони чиқиб пишиллади, сўйлоқ тишларини кўрсатганча тўнғиллади ва Жилинга қараб мушт ўқталди.

Жилин ҳеч нима тушунмади, аммо чолнинг русларни овулда сақлаб ўтирамай, ўлдириш лозим деганини англаб етди. Чол кетди.

Жилин хўжайниндан бу қандай чол ўзи деб сўради.

Хўжайнин шундай жавоб қилди:

— Бу катта одам ўзи! Йигитларнинг сараси эди, жуда кўп русларнинг додини берган, бойлиги ҳам беҳисоб бўлган. Учта хотини, саккизта ўғли бор эди. Ҳаммаси битта қишлоқда яшашган. Руслар келиб, қишлоқни хонавайрон қилишди ва еттита ўғлини ўлдиришди. Тирик қолган битта ўғли русларга сотилди. Чолнинг ўзи ҳам бориб русларга қўшилди. Уч ой ўшалар билан яшаб, ўғлини топади ва уни ўлдириб, ўзи қочиб кетади. Шундан кейин у жангни бас қилиб, олло таолога сифиниш учун Маккага жўнайди. Қалласидаги салласи ана шундан. Кимки Маккага борса ҳожи бўлади ва бошига салла ўрайди. Чол сизларни ёмон кўради. У, сениям ўлдириш керак деяпти, мен ўлдирилмайман — сен учун пул тўлаганман; гапнинг очиги — сени ёқтириб қолдим, сени ўлдириш у ёқда турсин, агар сўз бермаганимда қўйвормасдим.

Хўжайнин ўзича кулиб, русча гапириб қўйди: «Сеники, Иван, якши, меники, Абдул, якши!»

Жилин яна бир ой шундай яшаб юрди. Кундузи овулда айланиб юрар ёки ҳунармандчилек қилас, тун чўкиб, овул жимжит бўлганда эса ўз саройига қайтиб, тупроқ қазирди. Тошли ерни қазиш қийин бўлди, у тошларни арра билан йўниб чиқди ва девор ортидан одам сиғадиган бир тешик очди. «Ишқилиб атрофни ўрганиб, борар йўлимни билиб олсан, бўлди, татарлар йўл кўрсатиб бўпти», деб ўйларди.

У қулай фурсат кутиб юрди ва хўжайнин бир ёққа кетган куни тушликдан сўнг атрофни кўзатиш учун овулнинг нарёғидаги тоққа борди. Хўжайнин кичик ўғлига Жилиндан кўз-қулоқ бўлиб туришни тайинлаб кетган эди. Болакай Жилиннинг орқасидан эргашиб, қичқирди:

— У ёққа борма! Отам тайинлаган. Ҳозир одамларни чақираман!

Жилин болани кўндира бошлади.

— Мен узоққа бормайман,— деди у,— ана бу тоққа чиқаман, холос, одамларингни даволаш учун ўт қидиришим керак. Юр, бирга борамиз, мен тахтакач билан қочиб кетолмайман. Эртага сенга ўқ, ёй ясад бераман.

Болани кўндиргач, бирга кетишиди. Тоққа мундоқ қаралганда узоқ туюлмайди, аммо тахтакач билан чиқиш қийин эди, қийналиб-энтикиб, зўрға кўтарилиди. Жилин ўтириб, атрофни кузата бошлади. Тоғ ортидаги дарада уюр юриди, пастроқда бошқа бир овул кўзга ташланади. Овулнинг нарёғида янада тикроқ тоғлар, бу тоғларнинг ортида ундан ҳам юксак чўққилар бор. Тоғлар оралиғида ям-яшил ўрмон, у ердаги тоғлар ҳам бири биридан улуғвор—юксак. Энг баланд, шакардек оппоқ чўққи эса қорларга бурканиб ётарди. Юксак чўққилар бошқа чўққилар устига қўнқайтириб қўйилган оппоқ телпакка ўхшарди. Кун чиқару кун ботарда ана шундай чўққилар ясланиб ётар, даранинг у ер, бу еридаги овулларда тутун ўрлар эди. «Ҳай, булар ҳаммаси уларга тегишли ерлар», дея хаёлидан ўтказди Жилин. Энди руслар томонга қарай бошлади: шундоққина рўпарада сой, ўзларининг овули, атроф боғ-роғларга бурканган. Сойда қўғирчоқлардек кичкина кўринаётган хотин-халаж ўтировлиб кир чайишмоқда. Овулнинг нарёғидаги пастлика тоғ, ундан нарида яна ўрмон билан қопланган тоғлик икки тоғ оралиғида ям-яшил текислик бўлиб, у ерда элас-элас тутун кўзга чалинади. Жилин қалъада яшаган кунларини, кунчиқлар ва кунботар то-

монларни эслади. Ўзларининг қалъаси худди мана шу водийда эканини пайқаб қолди. Мана шу тоғ оралиги томон қочиши лозим.

Қуёш уфқа ёнбошлай бошлади. Оппоқ қорли тоғлар қонталаш бўлди; қорайиб кўринган тоғларга қоронғилик чўкди: дарадан ҳовур кўтарилиди ва рус қалъаси жойлашмиш водий шафақ шуъласидан ловиллаб кетди. Жилин астойдил тикила бошлади — водийда худди қувурдан чиқаётган тутунга ўхшаш бир нима кўринарди. Бу айни рус қалъаси эканини яна бир карра ўзича хаёлидан ўтказди.

Вақт алламаҳал бўлиб қолди. Сўфининг аzon айтгани эшитилди. Подани ҳайдашди — сигирлар мўрай бошлади. Болакай «Кетайлик» дея хархаша қилар. Жилининг эса кетгиси келмас эди.

Улар уйга қайтишди. «Ҳай, мана йўлниям билиб олдим, энди қочиш керак», — деб ўйлади Жилин. У ўша тундаёқ қочмоқчи бўлувди. Кечаси зимистон — ой ўроқ бўлган эди. Бахтга қарши оқшомда татарлар қайтиб келишди. Улар гоҳо мол ҳайдаб, шоду хуррам қайтгувчи эди. Аммо бу гал ҳеч нима ҳайдашмади, балки малла татарнинг укасининг ўлигини эгарга ўнгариб келишди. Ҳаммасининг важоҳати хунук эди, одамлар азага тўпланишди. Жилин ҳам томоша қилиш учун чиқди. Марҳумни тобутсиз, матога ўрашди, қишлоқ четидаги чинор остига олиб бориб, майса устига қўйишиди. Мулла келди, чоллар йиғилишди, тақяларини сочиқ билан танғишиди ва пойафзалларини ечиб, марҳумнинг ёнига тиззалашди.

Мулла олдинда, ёнма-ён ўтириб, бошларига салла ўраган учта чол орқада, улардан кейин яна бошқа татарлар ўтиришди. Бошларини қўйи солганча индашмасди. Шу қўйи узоқ ўтиришди. Мулла бошини кўтариб: «Ё оллоҳ!» деди. Шу сўзни айтди-ю, яна ҳаммаси бошини қўйи солди ва узоқ сукут сақлашди; қимирламай ўтираверишди. Мулла яна бошини кўтарди:

— О оллоҳ! — бошқалар ҳам «Оллоҳ» дейишиди-ю, яна сукут сақлашди. Ўлик эса майсада ётар, булар ҳам худди ўликдек миқ этмай ўтиришарди. Ҳеч бир кимса қилт этмасди. Фақат чинор япроғигина шабодада шитирларди. Кейин мулла қуръон туширди, ҳамма ўрнидан туриб, ўликни қўлларида кўтаришди. Уни гўрга олиб келишди. Гўр дегани шунчаки оддий ўра эмас, ер остидан лаҳад қазилган эди. Марҳумни қўлтиғидан, болдиридан олишди, эгиб, гўрга туширишди, чўнқай-

ганча лаҳадга киритиб, қўлларини қорнига тўғрилаб қўйишиди.

Нўгоӣ кўк қамиш келтирди, уни гўрга ёпиб, устидан тупроқ тортишди, текислашди, марҳумнинг бош томонига тошни тикка қилиб қўйишиди. Тупроқни тепкилаб шиббалашди, қабр ёнида яна ёнма-ён ўтиришди. Узоқ сукут сақлашди.

— Е оллоҳ! Оллоҳ! Оллоҳ! — хўрсишиб, ўрнидан туришди.

Малла татар чолларга пул удашиб чиқди, сўнг қамчини олиб, пешонасига уч марта туширди ва уйига кетди.

Жилин эрталаб унинг қизил байтални қишлоқ четига етаклаб кетаётганини, ортидан яна учта татар эргашиб бораётганини кўрди. Улар қишлоқ четига чиқишиди, малла татар камзулини ечди, енгини шимарди — қўллари бақувват эди; ханжарини яланғочлаб, қайроқ тошга чархлади. Татарлар байталнинг калласини юқори кўтардилар, малла татар келиб жониворнинг томоғидан сўйиб, йиқитди ва терисини шила бошлади. Хотин-халаж келиб, ичак-чавоқларни юва бошлашди. Кейин байтални ниматалаб, уйга олиб кетишиди. Бутун қишлоқ марҳумнинг маъракаси учун малла татарниги тўпланишиди.

Уч кун байтал гўштини еб, бўза ичиб, марҳумни хотирашауди. Ҳамма татарлар уйда эди. Тўртинчи куни Жилин уларнинг қаёққадир отланишаётганини кўрди. Отларни келтиришди, ясанишиб, ўн чоғли одам жўнаб кетишиди, қизил соқолли татар ҳам уларга қўшилди: уйда фақат Абдул қолди. Ой янги бўлган, тунлар ҳали қоронги эди.

«Хай, шу бўгун қочиб қолиш керак», деб ўйлади Жилин ва режасини Костилинга айтди. Костилиннинг эса юраги дөв бермади.

— Ахир қандоқ қочамиз? Йўлниям билмаймиз.

— Мен йўлни биламан.

— Бир кечада етиб боролмаймиз.

— Етиб боролмасак ўрмонда тунаймиз. Мана мен нонларниям ғамлаб қўйдим. Сўппайиб ўтираверганингдан нима фойда? Пулни юборишса-ку яхши-я, аммо уни ўтишиолмасликлари ҳам мумкин-ку! Руслар одамини ўздиришгани учун ҳозир татарларнинг кўзига қон тўлган. Бизни ўлдирмоқчи бўлиб юришибди.

Костилин ўйлай-ўйлай ахийри, «хўп, кетдик», деди.

Жилин ўзи очган туйнукка кириб, уни Костилин ҳам сифадиган қилиб кенгайтирди ва ўтиришиб, овулнинг тиниб-тинчишини кута бошладилар.

Овулда одам шарпаси тингач, Жилин девор остидаги туйнук орқали очиққа чиқиб олди. Костилинга «ўт» дей шипшиди. Костилин ўтаётib тошга қоқилди-ю, шашқир-шуқур шовқин кўтарилди. Хўжайнинг Уляшин деган қопафон, ола-була қўриқчи ити бор эди. Жилин уни олдиндан сийлаб, ўзига ўргатиб олганди. Шарпани эшитган Уляшин вовуллаганча ташланиб қолди, унга бошқа итлар ҳам эргашди. Жилин секин хуштак чалиб, нон бўллагини ташлаган эди, Уляшин уни таниб, думини ликиллатди ва вовуллашни бас қилди.

Хўжайн шовқинни эшитиб, ичкаридан чақирди: «Қайт! Қайт! Уляшин!»

Жилин эса шу тобда Уляшиннинг қулоғи орқасини қашлаб туради. Ит бўлса унинг оёқларига сўйкалиб, думини ликиллатар эди.

Улар муюлишда кутиб ўтиришди. Атроф жимиб қолди; фақат оғилхонада қўйларнинг ўхчиб йўталгани ва пастликда сойнинг тошларга урилиб шарқираши қулоқ-қа чалинарди. Қоп-қора зимишон, юлдузлар юксакда милтирайди; чўққиларда янги ой қизариб кўринади. Дараларга сутдек оппоқ туман чўккан.

Жилин ўрнидан туриб, ўртоғига деди: «Қани энди, оғайни, кетдик!»

Йўлга чиқиши; озгина юришган ҳам эди, томдан сўфининг: «Ё оллоҳ! Бисмиллаҳир роҳманир роҳим!» дей аzon айтгани эшитилди. Демак—одамлар мачитга боришади. Девор ортида қунишиб, яна кутишди. Одамлар ўтиб кетгунча узоқ кутиб ўтиришди. Атроф яна жимиб қолди.

— Хай, худо ёр бўлсин!— чўқинишиб, йўлга тушдилар. Ҳовлилардан, сой ёқасидаги жарликлардан ва сайдан ўтиб, дара бўйлаб кетдилар. Пастликка қуюқ туман чўккан, тепада юлдузлар милтирайди. Жилин юлдузларга қараб йўлни чамалаб бораверди. Туманда ҳаво мусаффо, қадам олиш енгил, фақат ейилиб кетган этикларда юриш ноқулай эди. Жилин этигини ечиб ташлаб, яёв кета бошлади. Тошдан тошга сакраб, юлдузларга қараб-қараб қўярди. Костилин унга етолмай қолди.

— Секинроқ юргин,— дей зорланди у,— лаънати этигим оёғимни ғажиб ташлади.

— Ечиб ташласанг-чи, ўзингга осон бўлади.

Костилин ҳам оёқяланг бўлиб олувди, баттар бўлди: оёқларини тош тилиб ташлади ва яна орқада қола бошлиди. Жилин унга шундай деди:

— Оёғинг шилинса тузалиб кетади, аммо бизни тутиб олишса ўлдиришади.

Костилин индамай, инқиллаб-синқиллаб кетаверди. Пастликда улар узоқ юрдилар. Ногоҳ ўнг томондан итларнинг хуриши эшитилди. Жилин тўхтаб қолди, атрофга аланглади, қояга чиқиб, қўллари билан пай-пасланди.

— Э аттанг,— деди у,— адашиб, ўнг томонга кетиб қолибмиз. Бу бегона овул, мен уни тоғдан кўрувдим; орқага қайтиб, чапга—тоққа қараб юришимиз керак. У ерда ўрмон бўлиши керак.

Костилин бўлса яна зорланди:

— Озгина тўхтасанг-чи, мундоқ нафасимни ростлаб олай, оёқларим қонга ботиб кетди-ку.

— Э, оғайни, тузалиб кетади: сен енгил-енгил сакраб юргин-да. Мана бундоқ!

Жилин орқага қайтиди, тоғдаги ўрмонни кўзлаганча йўлни чапга солиб, йўртиб кетди. Костилин ҳамон орқада судралганча оҳ-воҳ уриб келарди. Жилин унга шовқин солма дея тинимсиз жавраганча ўзи олдинда борарди.

Тоққа чиқишиди. Жилин айтганидек у ер ўрмон эди. Ўрмонга киришиди. Тиканаклар уст-бошларини дабдала қилди. Сўқмоққа дуч келдилар. Яна йўлда давом этдилар.

— Тўхта!— Йўлда туёқ товуши эшитилди. Тўхтаб, қулоқ солишиди. Шарпа худди отга ўхшаб туёғини шиқиллатди-ю, тўхтаб қолди. Улар қўзғолганда туёқлар яна шиқиллади. Улар тўхтаса туёқлар ҳам тўхтарди. Жилин эмаклаб, йўлда милтираб турган бир нимага қаради. От бўлиб отмас, одам бўлиб одамга ўхшамас эди. Пишқириб ҳам қўйди. «Буниси нима бало бўлди энди?» Жилин секингина хуштак чалувди, ҳалиги нарса сўқмоқдан ўзини ўрмонга урди ва бўрон қўзғолгандек ўрмон қасир-қусур бўлди, шох-шаббалар синиб кетди.

Костилин азбаройи ўтакаси ёрилганидан ўзини ташлаб юборди. Жилин бўлса кулиб деди:

— Бу буғу. Эшитяпсанми, шохлари билан қасир-қу-

сур қилиб кетяпти? Биз ундан қўрқиб ўтирибмиз, у эса биздан қўрқаётган экан.

Яна олға кетдилар. Ҳаво ҳам илий бошлади, ҳадемай тўнг отади. Тўғри кетишяптими ёки йўқми — ўзлари ҳам билишмасди. Жилиннинг назарида ўзини худди шу йўлдан олиб келишгандек ва ўзлариникига яна ўн чақиримча қолғандек туюларди. Аниқроқ бир белги — аломат ҳам кўринмас, тунда ҳеч нарсани фарқлаб бўлмас эди.

Ўрмондаги яланглийка чиқишиди. Костилин ўтировалиб, шундай деди:

— Билганингни қўй, мен боролмайман энди, оёғими ни кўтаролмайман.

Жилин уни муросага ундаи бошлади.

— Йўқ,— деди у,— боролмайман, юролмайман.

Жилиннинг жаҳли чиқиб кетди, ерга туфлаб, ўртоғини сўқди.

— Унда мана бир ўзим кетавераман. Хайр!

Костилин иргиб турди-ю, юриб кетди. Тўрт чақиримча йўл босишиди. Ўрмондаги туман анча қуюқ бўлиб, олдинда ҳеч нима кўринмас, юлдузлар элас-элао кўзга чалинарди.

Ногоҳ олдинда отнинг дупурини эшишиб қолишиди. Тақаларнинг тошга урилиши қулоққа чалинди. Жилин қорни билан ётиб, ерга қулоқ сола бошлади.

— Айтганим тўғри чиқди — бу ёққа отлиқ келяпти.

Улар йўлдан четга ўтиб, панада кутиб ўтирилар. Жилин йўлга эмаклаб борди ва ўзича минфирилаб молими ҳайдаб кетаётган отлиқ татарни кўрди. Татар ўтиб кетди. Жилин Костилиннинг олдига қайтди.

— Ҳай, худонинг ўзи қўллади, тур, кетдик.

Костилин ўрнидан турди-ю, йиқилиб тушди.

— Юролмайман, худо ҳаққи юролмайман, мадорим қолмади.

Жилиннинг вазмин, семиз ҳамроҳи терлаб-пишиб кетганди; салқин, туманли ўрмонда ўзини олдиргани, оёқлари дабдала бўлгани учун боёқишининг анча мазаси қочди. Жилин уни куч билан кўтармоқчи бўлди. Костилин қичқириб юборди:

— Вой жоним-ей!

Жилин турган жойида қотиб қолди.

— Нега бақирасан? Ахир татар яқинимизда — эшишиб қолади-ку!

Ўзича шундай ўйлади: «Унинг ростдан ҳам мазаси

қочди, энди нима қилсам экан? Ўртоқни ташлаб кетиш ярамайди».

— Ҳай, турақол,— деди у,— юролмас экансан, елкамга ўтирип, опичлаб кетаман.

Костилинни елкасига ўтқазиб, сонидан ушлаб олди ва йўлга чиқиб, гандираклаб олға юрди.

— Фақат томоғимдан бўғмагин, худо хайрингни берсин,— деди Жилин.— Елкамдан ушлагин.

Жилин қийналиб кетди: унинг ҳам оёқлари қонаф, тинка-мадори қуриди. Энгашиб, Костилинни елкасига қулайроқ ўтқазиш учун силкиниб оларди-да, яна олдинга интиларди.

Чамаси, Костилиннинг бояги қичқириғини татар эшишиб қолганди. Орқада аллакимнинг ўз тилида чуғурлаб келаётгани эштилди. Жилин ўзини панага урди. Татар милтигини олиб ўқ узди — тегизолмади, ўзича минғирлаб қўйди ва йўлдан от чоптириб ўтди.

— Мана энди иш хуржун бўлди, оғайнин! — деди Жилин.— Бу ит ҳозир татарларини йиғиб, орқамиздан қувади. Уч чақирим нарига бориб олмасак тамом бўлдик деявер.— Ўзи эса Костилинга қараб туриб ўйларди: «Қаёқдан ҳам бу тўнкани елкамга юқ қилиб олдим. Бир ўзим аллақачон қутулиб кетардим».

Костилин шундай деди:

— Бир ўзинг кетавер, мени деб балога йўлиқиб юрасанми.

— Йўқ, бундай қилолмайман, ўртоқни ташлаб кетиш номардлик бўлади.

Жилин яна ўртоғини елкасига олиб, йўлга тушди. Шу алпозда бир чақиримча юрди. Ўрмоннинг адоги кўринмасди. Туман тарқай бошлади, булутлар ҳам ғойиб бўлгандек туюлди, юлдузлар эса кўринмай қолди. Бечора Жилин бўларича бўлди.

Йўл бўйида атрофга тош қопланган булоққа етиб келди. Тўхтаб, Костилинни ерга туширди.

— Нафасимни ростлаб, сув-пув ичволай,— деди у.— Тамадди қилсан ҳам бўлар. Ўзиям етай деб қолдик чоғи.

Энди сув ичиш учун энгашувди ҳамки орқадан туёқларнинг дупурлаши эшитйлди. Яна апил-тапил ўзларини панага, чандаги жарликка олиб, ётдилар.

Татарча гангир-гунгур қулоққа чалинди, татарлар йўлнинг булар бурилган жойида тўхташли. Ўзаре гаплашгач, йўлни кесиб, итни олкишладилар. Буталар шитирлаб кетди ва бегона ит тўппа-тўғри қочоқлар тур-

ган жойга хезланиб келди. Тўхтаб, вовуллай бошлади.

Бегона татарлар ҳам етиб келишди; уларни тутиб, боғладилар ва отларга ўтқазиб, олиб кетишиди.

Уч чақирим йўл босишгач, уларни хўжайин — Абдул иккита татар билан кутиб олди. Татарлар билан ниманидир гаплашгач, буларни ўзларининг отига мингаштириб, орқага — овулга қайтишиди.

Абдул энди кулмас ва чурқ этиб оғиз ҳам очмас эди.

Овулга эрталаб етиб келишди, уларни кўчага тушириб қўйишиди. Болакайлар тўпланди. Қий-чув билан қочоқларни тошбўрон қилишар, калтак билан савалашар эди.

Татарлар қўр тўкишиди, тоғ этагидан чол ҳам келди. Гурунг бошланди. Жилин энди буларни нима қилсак экан дея ўзларини муҳокама қилишаётганини пайқаб турарди. Айримлар буларни олис тоғ ортига юборвориш керак деса, чол: «Ўлдириш лозим», дерди. Абул эса тортишиб, шундай дерди: «Буларга пулим куйган, энди тўловини олмасам бўлмайди». Чол бўлса яна ўзиникини маъқулларди: «Улардан ҳеч вақо ундиrolмайсан, қайтангга бошингга бало бўлади. Ўрисни боқиш гуноҳ ҳам. Ўлдириш керак тамом — вассалом».

Тарқалишиди. Хўжайин Жилиннинг олдига келиб, шундай деди:

— Агар менга тўловни юборишмаса, сизларни иккита ҳафтадан кейин чавақлаб ташлайман. Мабодо яна қочмоқчи бўлсанг сени итдек ўлдираман. Хат ёз, яхшилаб ёзгин!

Қоғоз келтиришгач, улар уйга хат ёздилар. Кейин оёқларига тахтакач уриб, мачитнинг ортига олиб кетдилар. У ерда чуқурлиги нақ беш газ келадиган бир зиндон бор эди, уларни ўша зиндонга ташладилар.

## 6

Улар учун машаққатли кунлар бошланди. Тахтакачни ечишмас ва очиққа ҳам чиқаришмас эди. Зиндонга худди итга бергандек хом-хатала нон ташлаб, кўзада сув туширишарди. Димиқсан ҳавода рутубат, қўланса ҳид анқирди. Костилиннинг касали зўриқиб, шишиб кетди, бутун азойи бадани зирқиради; ўззукун инграб чиқар ёки ухлар эди. Аҳвол чатоғлигини кўрган Жилиннинг ҳам руҳи тушиб кетди. Нажот йўлини тополмай гаранг бўлди.

Ерни ковлаб кўрди-ю, тупроқни чиқариб ташлайди-

ған жойнинг йўқлиги панд берди, хўжайин буни кўриб қолиб, ўлдираман деб дўқ урди.

Жилин бир куни чўккалаб ўтирганча эмин-эркин кечган кунларини эслаб, хит бўлиб турувди. Тўсатдан тиззасига кетма-кет иккита нон келиб тушди, гилослар тўклиди. Юқорига қараб, Динани кўрди. Қизалоқ унга қараб, кулди ва кетиб қолди. Жилин: «Дина ёрдам бермасмикин?» дея умид қилди.

У зиндоннинг бир четини тозалаб, лой қорди ва қўғирчоқ ясашга тушди. «Дина келиши билан олдига ташлайман», дея одамлар, отлар ва итларни ясаб қўйди.

Аммо эртаси куни Дина келмади. Жилин аллакимлар отларни дупурлатиб ўтгани, мачит олдига тўпланган татарлар бақириб-чақириб тортишаётгани, русларни гапиришаётганини эшилди. Ҳалиги чолнинг овози ҳам қулоғига чалинди. Фарчи тузукроқ тушумаган бўлса-да, русларнинг бу ёқса яқинлашиб қолгани, татарлар уларнинг овулга киришидан ҳадиксираётгани, энди асиirlарни нима қилсак экан дея бош қотиришаётганини пайқаб қолди.

Тортиша-тортиша тарқалишди. Ногоҳ юқоридан шарпа эшитилди. Чўнқайиб ўтирганча тиззаси бошидан юқорида тебраниб, маржон-тақинчоқлари зиндан узра осилиб турган Дина кўринди. Кўзлари худди митти юлдузчадек чақнаб турарди; енгидан иккита пишлоқли нон чиқариб, пастга ташлади. Жилин нонларни олиб, деди:

— Нега кўринмай қолдинг? Мен сенга атаб ўйинчоқлар ясаб қўювдим. Мана, ол! — Динага ўйинчоқларни битта-биттадан ирғитди. Аммо қизалоқ бунга қарамай, бошини тебратди.

— Керак эмас, — деди у. Бир оз-инدامай ўтиргач, яна гап қотди: — Иван! Сени ўлдиришмоқчи! — Дина қўлини бўйнига тегизид кўрсатди.

— Ким ўлдирмоқчи?

— Отам, унга чоллар буюришяпти. Мен эсам сенга раҳмим келади.

— Раҳминг келса менга узунроқ бир хода келтир.

Қизалоқ бош чайқаб, «иложи йўқ», деди. Жилин қўлларини қовуштириб, илтижо қилди:

— Дина, илтимос! Динажон, келтирақолгин!

— Иложи йўқ, — деди қизча, — кўриб қолишади, ҳамма уйда, — Дина кетиб қолди.

«Энди буёфи нима бўларкин?» дея кечқурун Жилиннинг боши қотди. Тепага қараб-қараб қўйди. Юлдузлар чарақлар, аммо ҳали ой кўтаришмаган эди. Сўфи

азон айтгач, ҳаммаёқ жимиб қолди. Жилин мудрай бошлади, «қизалоқ қўрқяпти-ёв», деб ўйлади.

Ногоҳ бошига тупроқ тўкилди; тепага қаради — узунгина хода зинданнинг нариги бурчагига тақалаётганди. Тақалгач, пастлай бошлади ва ерга сирғалиб тушди. Жилин суюниб кетди, бақувватгина ходани ушлаб, тушириб олди. У бу ходани олдин хўжайнинг томида кўрганди.

Тепага қараб, юксак осмонда чараклаб турган юлдузларни кўрди, зиндан қирғоғида турган Динанинг кўзлари қоронғиликда худди мушукникидек йилтилларди. Пастга энгашганча: «Иван, Иван!» дея шипшиди ва қўллари билан «ҳаммаёқ жимжит» дегандек бўлди.

— Нима гап? — деб сўради Жилин.

— Ҳамма жўнаб кетган, уйда фақат икки киши бор.

Жилин шундай деди:

— Хўш, Костилин, кетдик, охирги марта уриниб кўрамиз, сени ўзим кўтариб оламан.

Костилин бу гапни эшитгиси ҳам келмади.

— Иўқ, — деди у, — бу ердан чиқолмайдиганга ўхшайман. Қаёққа ҳам борардим, қимирлашга мажолим йўқку!

— Ундай бўлса хайр, мендан ўпкалаб юрмагин. — Жилин Костилин билан қучоқлашиб хайрлашди.

Жилин Динага ходани ушлаб тургин деди ва ўзи тирмасиб кўтарила бошлади. Кишан халақит бериб, икки марта йиқилиб тушди. Костилин йўлаб-қўллади, бир амаллаб тепага чиқиб олди. Дина кула-кула уни бор кучи билан кўйлагидан тортиди.

Жилин ходани олиб, шундай деди:

— Буни жойига обориб қўйгин, Дина, сезиб қолишса сени калтаклашади.

Қизалоқ ходани судраб кетди, Жилин эса тоғ ортига йўл олди. Ҷарликка тушиб, учли тош олди-да, кишининг қулфини синдиришга тутинди. Қулф савил зарбани писанд қилмас, уриш ҳам ноқулай эди. Тепаликдан кимдир енгил сакраб келаётганини пайқади. «Хойнаҳой, яна Дина бўлса керак», деб ўйлади. Дина келиб, тошни қўлига олди.

— Менга бер-чи, — деди.

Тиззалаб ўтирганча қулфни буза бошлади. Қўллари новдадек ингичка, нимжон эди. Тошни ташлаб, йиғлаб юборди. Жилин яна ўзи уриниб кўрди, Дина эса ёнида ҷўнқайиб ўтирганча елкасидан ушлаб турди. Жилин ўгирилиб қаради-ю, чап томондаги тоғ ортида қизил

шуъла ичра ой кўтарилиб келаётганини кўриб қолди.  
«Ой чиққунча дарадан ўтиб, ўрмонга етволиш керак»,  
деб ўйлади. Тошни ташлаб, ўрнидан турди. Оёғи кишанда бўлса ҳам йўлга чиқиш даркор эди.

— Хайр, Динажоним,— деди Жилин.— Ула-ўлгуним-ча унутмайман.

Дина унга ёпишди, нонни бирон ерга жойлаш учун қўллари билан пайпасланди. Жилин нонни олди.

— Раҳмат, ақллигим,— деди у.— Энди ким сенга қўғирчоқ ясаб беради?— Жилин қизалоқнинг бошини силаб қўйди.

Дина қўллари билан юзини беркитганча йиглаб юборди ва эҷқидек иргишлиб тоққа чопиб кетди. Қоронғиликда орқасидаги тақинчоқларининг жиринглаши эши-тилиб қолди, холос.

Жилин чўқиниб олди-да, жарангламаслиги учун кишанинг қулфини қўллари билан ушлаб, йўлга чиқди; оёғи йўлда, кўзлари эса ой кўтарилиб келаётган шафақда эди. Иўлини топиб олди. Тўғрига юрилса саккиз чақиримлик йўл эди. Ой кўтарилигунча ўрмонга етиб олса бўлгани. Дарёдан ўтганда тоғ орти оқаришиб қолди. Дарадан бораётib ой чиқмадимикин дея қараб-қараб қўярди. Шафақ ҳам тиниқлашиб, даранинг бир томони тобора ойдинлаша борди. Тоғ ортига чекинаётган зулмат ҳам унга яқинлашиб келарди.

Жилин ўзини кўланкага олиб бораверди. У шошган сайнин ой ҳам шитоб кўтарилаверди; ўнг томондаги чўққилар ҳам оқаришиб қолди. Ўрмонга яқинлашганда тоғ ортидан кўтарилиган ой ҳаммаёқни худди кундузгидек оппоқ-оидин қилди. Дараҳтлардаги ҳар бир япроқча яққол кўриниб турарди. Ойдин тоғларга ўлик сукунат чўқди. Фақат пастликда сой жилдирайди.

Ўрмонга ҳам етиб олди— ҳеч кимга йўлиқмади. Жилин ўрмонда қоронғироқ бир жойни топиб, дам олишга ўтирди.

Нафасини ростлаб, нон еди. Тош топиб, яна кишани бузишга тутинди. Қўлларини уриб-чақиб олди-ю, аммо савил кишанин бузолмади. Ўрнидан туриб, йўлга тушди. Бир чақирим юргач, дармони қуриб, оёқлари зирқиради. Үн қадамча юриб, яна тўхтаб қоларди. «Бошқа иложим йўқ,— деб ўйларди,— дармоним борича қимирлайвераман. Ўтиргудай бўлсан қайта туролмайман. Ҳойнаҳой қалъага етолмайман, тонг отиши биланоқ ўрмоннинг олдинроғига яшириниб оламан-да, тунда яна йўлга чиқаман».

Туни билан йўл босди. Фақат иккита отлиқ татарга дуч келди, Жилин узоқдан уларнинг шарпасини эши-тиши ҳамон ўзини дараҳт панасига олди.

Ой ҳам бўзариб қолди, шудринг тушиб, тонг яқинлашса ҳамки Жилин ўрмон чеккасига етолмасди. «Ҳай, яна ўттиз қадамча юрсам, ўрмонга кириб ўтираман», деб ўйларди. Ўттиз қадамча юриб қарайдик ўрмон туғаяпти. Чеккага чиқди — тонг отган, рўпарасида саҳро ва қалъа худди кафтдағидек яққол кўриниб турар, чап томонда, тог ортига яқин жойда чироқлар ёнар, қўланса бир ҳид анқир, тутун ёйилар, гулхан атрофида одамлар ўтирар эди.

Тикилиброқ қараган эди, ялтираб турган милтиқларни, казаклар ва солдатларни кўрди.

Жилин суюниб кетди, сўнгги кучини тўплаб, йўлга тушди. Ўзича ўйларди: «Бунақа яйдоқ жойда отлиқ татарга ўйлиқишидан худо сақласин-да ишқилиб, яқин бўлсаям қутулиш қийин».

Шундоқ ўйлади-ю чап томонда, икки ботмон наридаги тепаликда турган учта отлиқ татарга кўзи тушди. Татарлар ҳам уни кўришди-ю, устига от қўйишиди. Жилиннинг юраги қинидан чиқиб кетаёзди. Қўлларини силкитиб, овозининг борича ўзиникиларга қичқириди:

— Оғайнилар! Ёрдам беринглар! Оғайнилар!

Буни эшитган казаклар сакраб отларга миндилар. Татарларнинг йўлини тўсиб, Жилинга қаратса от қўйдилар.

Казакларга узоқ, татарларга эса яқин эди. Жилин ҳам қўллари билан кишанин маҳкам ушлаганча бор кучини жамлаб, казакларга қараб чопди, ақлу ҳушидан бегона бир алпозда чўқинганча қичқириди:

— Оғайнилар! Оғайнилар! Оғайнилар!

Казаклар ўн беш чоғли эди.

Татарлар қўрқиб кетишиди, етиб боролмай тўхтаб қолишиди. Жилин казаклар ёнига чопиб борди.

Казаклар уни ўраб олиб, кимлиги, наслу насиби, қаёқдан келғанлигини сўроқлай кетишиди. Жилин эса ҳамон ўзига келолмас, йиғлаганча нуқул: «Оғайнилар! Оғайнилар!» дер эди.

Солдатлар югуриб чиқиб, Жилинни қуршаб олишиди; кимдир унга нон, кимдир бўтқа, ароқ тутди, кимдир елкасига шинел ташлади, яна кимдир кишанин буза кетди.

Офицерлар уни таниб, қалъага олиб боришиди. Солдатлар суюнишиди, Жилиннинг дўстлари тўпланишиди.

Жилин бошидан ўтганларни гапириб бераркан, шундай деди:

— Мана, уйга ҳам бориб келдим, уйландим! Йўқ, пешонамга ёзилмаган экан.

Жилин Қавказда хизмат қилиб қолди. Костилиинни эса фақат бир ойдан кейингина беш минг тўлов эвазига қутқариб олишди. Ўзиниям шарти кетиб парти қолған экан.





## САКРАШ

Бир кема ер юзини айланиб, юртига қайтди. Сокин кун эди. Бандаргоҳга тумонат одам йифилди. Басавлат маймун одамлар ортидан қолмай, ҳаммани кулдираш эди. У афтини бужмайтирас, бетиним сакрар, мазах қиласар, халойиқнинг чапак чалганини кўриб, баттар авжига минарди.

Бир вақт маймун кема дарғасининг ўн икки яшар ўғли бошидаги шляпани юлиб олиб, бошига кийдию маҷтага пилдираб чиқиб кетди. Халойиқ қаҳ-қаҳ уриб кулди. Бола на кулишини, на йиғлашини билолмай лолу ҳайрон ўтиради.

Маймун маҷтанинг биринчи тўсенинига етгач, беихтиёр ўтқир тишилари, панжалари билан шляпани йирта бошлиди. Бола унга муштчасини ўқталди, ўдағайлаб қўйди, аммо бу маймунга кор қиласмиди?

Бола қизариб-бўзариб турди, сўнг жаҳл устида камзулини ечиб ташлади-да, маймунининг орқасидан қувди. Ў тўсинда турган шляпага етган ҳам эдики, абжир маймун юқорига тирмашди.

— Қутулиб бўпсан! — бақирди бола ҳам бўш келмай.

Маймун болани имлаб қошига чақирав, ўзи баландроқса тирмашар эди. Шу тахлитда маймун билан бола маҷтанинг юқори поғонасига чиқиб олдилар. Шунда маймун ҳйла ишлатиб кўрди: узунасига харида юриб, учига шляпани қўндириди-да, арқон бўйлаб маҷтага яна

қайтиб, илжайиб тураверди. Хари учиғача икки қулочча келиб, арқон ё маңта ёрдамисиз унга етиб бўлмасди.

Боланинг ғазаби тошган эди. Шунинг учун у ҳамма нарсани унугиб, хари устига оёқ қўйди. Ҳалойиқ маймун билан бола кимўзарини завқланиб томоша қилишарди. Қутимаганда дарға ўғлининг арқондан узилиб, хари устида қулоч ёзиб кетаётганини кўрган ҳалойиқ бир қалқиб тушди. Ахир, у бандаргоҳга қуласа, бўлак-бўлак бўлиб кетиши мумкин эди. Шляпани олганда ҳам қайрилиб, маңтага етиб келиши даргумон эди.

Ҳалойиқнинг икки кўзи тепада эди. Қимдир бехосдан аксирди, бола эса чўчиб пастга қаради ва чайқалиб кетди.

Шу сонияда боланинг отаси, яъни кёма дарғаси каютадан чиқди. У оқчарлоқларни отиш учун милтиқ кўтариб олган эди. Маңта тепасида ўғлини кўрди-ю, донг қотди ва унга милтиқни тўғрилаб бақирди:

— Сувга! Сувга сакра дейман. Отаман.

Лекин бола отасининг гап-сўзларини эшитмас, ҳануз чайқалиб туради.

— Сакра дейман, йўқса отаман! Бир, икки...

Отаси «уч» деганда бола бошини пастга эгиб, сувга сакради.

Замбарак ўқига ўхшаб у пақиллаб денгизга тушди. Тўлқинлар забтига олмасдан бурун йигирмата денгизчи ҳам сувга сакрашди. Тахминан қирқ сониялар ўтгач — бу бизга жуда узоқ туюлди — сув юзида боланинг миқти гавдаси кўринди. Денгизчилар дарҳол унга етиб, кемага олдилар.

Боланинг оғзи ва бурнидан сув отилди. Бир оздан сўнг у енгил нафас ола бошлади.

Кема дарғаси юраги қинидан чиқаёзиб бўкирди ва йиглашдан ўзини базур тийиб, қаутаси томон югарди.

## БЎЛКА (ЗОБИТ ҲИКОЯСИ)

Дўндиққина, тумшуғи катта бир кучукчам бор эди. Биз Бўлка дердик. Унинг олд оёқчаларининг панжасидан бўлак ҳамма жойи қора эди.

Тумшуғи катта итларнинг пастки жағи кенгроқ бўлганидан юқори тишлиари унинг ичига киради. Бўлканнинг паст жағи шунаقا катта эдики, ҳатто юқори ва пастки тишлиари орасига панжангиз бемалол сиради. Кучугим япалоқ, йирик қора кўзлари йилтиллаган, сўйлоқ тиши-



ларидан ҳамиша сўлак оқарди. Уни кўриб, ҳабашнинг ўзи дейсиз. Бўлка беозор, ювош бўлса-да, ўзи кучли ва бақувват кучук эди, чангалига тушган нарса омон топмасди. Эсимда, бир куни Бўлкани айиққа тезлашган эди у сакраб қулоғига миниб олди. Барзанги айик вазмин оёқлари-ла кучукни тепди, сиқди, нари-берига олиб отди, бошидан улоқтириб уни эзди — йўқ, совуқ сув қўймагунча у ерга тушмади.

Мен болалигимдан бу кучукни асраб бокқандим. Кавказга хизматга жўнаётib Бўлкани олмадим, уйга қамаб қўйдим-да, чиқиб кетдим. Биринчи бекатда пастга тушгач, бошка аравага ўтаетсан узоқдан ялтироқ, қопқора нарса қўзимга чалинди. Бу мис бўйинбоғли кучумгим эди. Мен Бўлкани бағримга босдим. У қўлларимни бирпас ялаб турди-да, арава тагига ўтди. Қарасам, тили бир қарич осилибди, биқуни бетиним кўтарилиб тушарди, кейин ёнбошига ағанаб думи билан ерни супуриб қўйди. Анчадан кейин ҳаммасини билиб олдим: мен жўнагач, у ромни синдириб деразадан пастга сакрабди ва жазирамада йигирма чақирим йўл босиб олдимга келибди.

## БЎЛКА ВА ТЎНФИЗ

Қавказда бир куни ошналарим билан тўнфиз овига отландик, Бўлка ҳам эргашди. Қушлар галаси осмонга кўтарилиганини кўрган Бўлка улар орқасидан ўрмонга кириб кетди. Ноябрь ойи эмасми, қобон ва тўнфизлар жуда семирган бўлади.

Қавказ ўрмонларида ёввойи узум, кедр ёнғоғи, олма, нок, маймунжон, тўнфиз, ёнғоқ, тоголчалар ўсиб ётади. Бу хуштаъм меваларни совуқ урганда ҳузурини қобонлар кўриб, семиради.

Кузда қобонлар шунақаям семирадики, итлар галаси икки соатча қувгандан кейин қобон чангальзорга кириб тўхтайди. Шунда овчилар у ерга етиб келиб, отиб оладилар.

Ўрмонда итларнинг овозига қараб қобон ўлгани ёки қочганини аниқласа бўлади. Қочганда итлардан калтак егандек қаттиқ вовуллайди, тўхтаганла чўзиқ уҳ тортади.

Бу галги овда анчагача ўрмонда сиғорта тўнфиз учрамади. Чўзиқ ўлиш, този итларнинг акиллашиб эътиборимни торпти. Тўнфиз шу яқин атрофда эди. Тўс-тў-

полондан билдимки ,тўнғиз итлар галаси билан олишмоқда. Итларнинг акиллашича, улар ҳужумга ўтмасдан тўнғизни ўраб туришарди. Орқада нимадир шитирлагандек бўлди ва Бўлкага кўзим тушди. Афтидан, този жўраларини йўқотиб, ўрмонда адашгану энди уларни излаётган эди. Бўлка бўй чўзган майсалар устида югуриб бораркан, фақат қора боши-ю, оқ тишлари, узун тилларини кўрардим. Чакирсам ҳам у индамай кетаверди. Ортидан мен ҳам чангалзорга кирдим. Чангалзорнинг игнабарглари юзимни тимдалади, телпагимни учирди, тоголча тиканлари кўйлагимга дам-бадам ёпишди. Шовқин фуж жойга яқин қолган бўлса-да, ҳеч нарсани кўра олмасдим. Кутилмаганда итлар галаси ёмон акиллашибди. Нимадир қарсиллаб синди, кейин тўнғизнинг пишиллани, зўрга нафас олгани эшитилди. Бўлканинг ўлжасига ташланганини билиб, ҳаллослаганча чопдим. Ичкарида бир ит типирчилар, акиллар, уч қадамча нарида бир қора нарса ётарди. Яқинроқ бориб қарасам — тўнғиз экан. Бўлка вовуллай кетди. Тўнғиз ҳуриллаб унга сурилган эди Бўлка думини ликиллатиб ура қочди. Шунда тўнғизнинг биқини ва боши аниқ кўринди. Мен биқинини мўлжаллаб отдим, ўқ нишонга тегди. Тўнғиз қаттиқ ҳуриллаганча қочиб қуюқ чангалзорга ўзини урди, ортидан този итлар уни қувдилар. Бир пайт оёғим тагида бир нарса ўралашиб қолганини сездим. Бу Бўлка эди. Бечора ёнбошига ағдарилиб ётганча бетиним вангиллар эди. Таги қонга тўлиби. Итимдан ажралдим, деб хафа бўлдим. Аксига олиб, у ҳақда ўйлаш мавриди эмас, тўнғизни тезроқ қўлга олиш керак эди. Кўп ўтмай, тўнғизни ҳам қувиб етдим. Итлар уни тутиб, думидан тортқилашар, тўнғиз эса ўзини у ёқ-бу ёққа ташларди. Унинг менга кўзи тушгач, бирдан ташланиб қолди. Аммо бу гал пайсалга солмай бехато отгандим, ҳатто жунлари куйиб кетди. Тўнғиз даҳшатли ҳуриллади, бирпас жойида чайқалиб турди, кейин ерга гурс этиб кулади.

Мен олдига этиб келганда тўнғизнинг жони узилган, фақат қорни қимирлаб қўярди. Итлар чала ўлик тўнғизни қорни ва оёғидан тортишар, ярасидан оқаётган қонни ялашар эди.

Лоп этиб Бўлка эсимга тушди ва уни излаб кетдим. Шунда судралганча ўзи олдимдан чиқиб қолди. Олдига бориб қарасам, қорни тилиб ташланган, ичак-чавоғи сўлиган майсалар узра ётарди. Биродарларим этиб келгандан сўнг Бўлканинг ичагини ўрнига қўйиб қорнини

яҳшилаб тикдик. Терисига иғнани санчиб тиккунга қадар у қўлимни ялаб ўтирди.

Тўнғизни от думига боғлаб, ўрмондан чиқариб олдик. Бўлкани эгар устига ётқизиб уйгача келдик. Бўлка олти ҳафта касал ётгандан кейин тузалиб кетди.

## МИЛТОН ВА БЎЛКА

Мен қирғовул овига бориш учун ақлли Милтонни танладим. Милтон озғин, қоматдор, лунжи, қулоқлари осилган, кучли ва бақувват кучук эди. Бўлка билан Милтон қалин дўст эдилар. Бўлка зўравон ит бўлганидан ундан қўрқишаради: тишини бир ғижирлатса, тамом, думини қисганча қочишар эди.

Алқисса, бир куни Милтонни олиб қирғовул овига жўнадим. Ўрмонга етай деганда қайдандир Бўлка пайдо бўлди. Уни ҳайдашга уриниб кўрдим, аммо унамади. Уйга ташлаб келай десам, йўл узоқ. Ноилож, йўлда давом этишга қарор қилдим. У қирғовул ҳидини олган Милтондан олдинга ўтиб, атрофга аланглай бошлади. Биздан олдинроқ у қирғовулни кўрмоқча иштиёқманд эди-да. Майсалар орасида нимадир шитирласа, учгудек сакрарди, аммо қобилияти чатоқлигидан ёлғиз ўзи изни топаолмас, фақат Милтонга таяниб иш кўрарди. Шунинг учун Бўлкани ёнимга чақириб уришдим, лекин бундан фойда чиқмади. Боягидай, Милтон излашга тушса, олдинга ўтиб, ишни бузарди. Мен уйга қайтишни лозим кўрдим: барибир, энди овимиз юришмайди. Буни сезган Милтон Бўлкани алдашнинг йўлини топди. Бўлка олдинга ўтдими, изни ташлаб бошқа ёқقا бурилиб, гўё ўзини излаётганга солди, Бўлка эса эски издан кетаверди. Шунда Милтон менга қараб думини силкитдида, ҳақиқий янги издан юрди. Бўлка яна олдинроқча ўтса, Милтон ёлғондакам ўн қадамга юриб шум шеригини алдар, мени тўғрига бошларди. Ов давомида шу йўсинда у Бўлкани алдади ва ишни барбод қилишга имкон бермади.

## ТОШБАҚА

Кунларнинг бирида Милтон билан овга чиқдим. Ўрмонга яқин қолганда у думини ликиллатди, қулоқлари ҳам диккайди. Мен милтиғимни қўлга олдим. Қирғовул

тустовуқ ё қуёндан бирини күргандир, деб ўйладим. Бироқ у ўрмонга кирмай, далага қараб юрди. Ортидан қадам ташлар эканман, у излаган нарсани кўриб қолдим. Ерда қалпоқдай кичкина бир тошбақа қочиб бораарди. Тўқ кулранг бошасини кўрдим, чўзиқ бўйни кели дастага ўхшаб кетарди. Тошбақа панжаларини ёйиб олган, батамом иўстлоқ ила қопланган, танаси тошдек қаттиқ эди. Итни кўрган заҳоти оёғи ва бошини ичкарига олиб, майса устига шундай ҳолатда қапишдики, фақат усткосаси қолди.

Милтони тушмагур уни тутиб емоқчи бўлди, аммо қўлидан келмади, чунки қорни ҳам елкасига ўхшаб қаттиқ эди. У олд, орқа ва биқин тарафидаги тешникларига боши, оёғи ва думини киргизар эди.

Мен Милтондан тошбақани тортиб олиб, нақшнигор косасини баҳузур томоша қилдим. Косаси остида эса қандайдир жонли, қора нарсани кўрдим. Мен тошбақани майсазорга қўйиб юбориб, йўлимда давом этдим. Аммо кучугим қолдиришни сира истамади. У оғзида тутиб келаётисб, бехосдан акиллаб, ўлжасини ташлаб юборди. Чунки тошбақа бояги яширган панжаларини чиқариб, кучукнинг танглайнини тирнаган эди. Милтон бир оз акиллаб тургач, яна ўлжасига ёпишди. Мен ташлагин, десам-да, гапимни олмади. Бундан жаҳлим чиқиб, тошбақани тортиб олдим-да, ерга ирғитдим. Барий бир кучук тошбақани шундай ташлаб кетмади: у панжаларида шоша-пиша ўра қазиди, итариб унга ўлжасини туширди-ю, устига тупроқ тортди.

Сувилон, қурбақалар сингари тошбақа ҳам қуруқликда ва сувда яшайди. Тошбақа тухумини босиб ўтирамайди — ерга кўмади. Балиқ узилдириғидек улар ёрилиб, ичидан тошбақачалар чиқади. Кичик тошбақачалар ликончадай миқти, узунлиги уч юза, оғирлиги йигирма пудча<sup>1</sup> келиб, қуруқликда юради. Йирик тошбақалар дengizda учрайди.

Бир тошбақа баҳорда юзтагача тухум қўяди. Одам ва ҳайвонларда қовурға ажралиб туради, тошбақаларда у бирлашиб, коса, яъни чапоққа айланган. Жами ҳайвонларнинг қовурғаси этнинг остида, тошбақада эса қовурға ташқарида, эти үнинг ичидаги бўлади.

<sup>1</sup> Пуд — 16,3 килога тенг оғирлик ўлчови (таржимон).

## БҮЛКА ВА БҮРИ

Қавказдан жўнар чоғимда уруш давом этар, кечаси конвойсиз<sup>1</sup> юриб бўлмасди.

Саҳарда йўлга тушишимни ўйлаб, тун бўйи ухламадим. Ўртоғим билан аввал уйда, кейин кулбамиз ёнидаги супачада гаплашиб ўтиридик.

Туманли ойдин тун. Ойнинг хира ёруғида бемалол китоб ўқиш мумкин эди. Қоқ ярим тунда қўшни маҳалла ҳовлиларидан бирида чўчқачанинг овози эшишилди.

— Бўри чўчқачани бўғяпти! — бақирдик биз.

Мен қўрадан ўқлоғлик милтиқни олиб, кўчага югуриб чиқдим. Чўчқача чинқирган ҳовли ёнида одамлар тўпланиб ўтиришарди.

— Бу ёқقا, бу ёқقا! — дея бақиришди мени кўриб.

— Овга кетяпти, — деб ўйлаб Милтон ортимдан эргашди, Бўлка калта қулоқларини диккайтириб кимни талагани чақирдинглар, дея шиддат ила келарди.

Четан деворга етар-етмас нариги тарафдан шу ёқقا келаётган йиртқични кўрдим. Бу — бўриининг ўзгинаси эди. Илдам чопиб келиб девор устига сакраб чиқди. Мен ўзимни чеккароққа олиб милтиқни ҳозирлай бошладим. Бўри девор оша сакраган эдики, унинг қорнини мўлжаллаб тепкини босдим. Милтиқ панд берди, у «чиқ» этдию отилмади. Бўри шу кўйи чопиб, кўчани кесиб ўтди-ю, кўздан ғойиб бўлди. Милтон билан Бўлка уни қува кетдилар. Абжир Милтон бўрига яқин борса-да тутишга қўрқарди, калтаоёқ Бўлка унга етаолмас, аммо жон-жаҳди ила уринар эди... Биз кучимиз борича қувиб борарканмиз, бир вақт улар кўздан йўқолди. Қишлоқ тубидаги зовурга етгачгина акиллаш овозини эшидик, сўнг туман ичидаги осмонга чанг-тўзон кўтарилиди. Бўри итлар билан олишмоқда эди. Биз зовурга етганда, бўри аллақачон қочган, итлар эса думини диккайтириб шашти қайтганча келишарди. Бўлка ириллаганча бошида мени туртиб, ниманидир айтгиси келар, аммо тушунтира олмасди.

Биз Бўлканинг бошида кичкина ярани топдик. Айтидан, зовурга етмаёқ у бўрини қувиб етгану тутолмаган, бўри ҳам итни тишлаб қочган эди. Яра қўрқинчли эмас эди.

Кулбага қайтгач, бўлган воқеа ҳақида ўртоғим билан гаплаша бошладик. Мен милтиғим панд берганини

<sup>1</sup> Конвой — соқчи.

айтдим. У отилганида бўри ер тишлаб қоларди. Баланд девордан бўри қандай ошиб ўтаркан, дея ҳайрон бўларди ўртоғим — кекса казак. Бунинг ҳайрон бўларлик жойи, йўқ, дея гапини давом эттиарди у, бўри эмас, алвости, ўша алвости милтиғингни сеҳрлаб қўйди-да.

Биз шу аснода баҳс бойлардик. Беҳосдан итлар акилашибидан сесканиб кетдик. Қарангки, кўча ўртасида яна ўша бўри пайдо бўлди. Овозимиздан чўчиб тушди, чоғи, бу гал у шунақаям тез қочдики, итлар ҳам аросатда қолиб кетдилар.

Кекса казак унинг алвости эканига бутунлай ишонди, камина эса бўри қутурган эмасмикан, деган шубҳага бордим, негаки қувилган бўри одамлар қошига келганини умримда кўрмаган ва эшитмаган эдим.

Ҳар эҳтимолга қарши, Бўлканинг ярасига милтиқдори сепиб ёндиридим. Милтиқдори тутаб, жароҳат ўрнини куйдирди. Мен қутурган бўри сачраган сўлаги қонга қўшилмасин, деб ярани куйдирган эдим. Сўлак қонга қўшилиб кетгудек бўлса, қон орқали бутун танага ёйлади ва касални тузатиб бўлмайди.

## ПЯТИГОРСКДА БУЛҚАГА НИМА БУЛДИ?

Мен бекатдан тўғри Россияга ўтмадим, Пятигорскда тўхтаб, икки ойча яшадим. Қетишдан олдин Милтонни казак овчига совға қилдим, Бўлкани эса бирга олдим.

Бештов этагида жойлашган бу шаҳарни Пятигорск, яъни, татарчасига «бештоғ» дейдилар. Тоғ бағридан олтингугуртли қайноқ сув оқади, ундан самоварга ўхшаб буғ чиқади. Шаҳар жуда баҳаво, гўзал маскаңдир. Тоғ этагида Подкумок сойи оқади. Атроф ўрмон, ўтлоқзор, олироқда қорга бурканган Қавказ тоғлари кўринади. Ҳаво очиқ кунлари катта Элбрус тоғларининг опшоқ боши чор атрофдан якқол кўзга ташланади. Даво истаб келганларга тепада шийпончалар, соябонлар қурилғақ, ҳаммаёқ чорбоғ. Эрталаб мусиқа садоларидан уйғонгани одамлар шифобахш сувлардан ичгани, чўмилгани ва сайр қилгани чиқадилар.

Тепада шаҳар, тоғ этагида посёлка жойлашган. Мен шу посёлканинг кичик уйчаларидан бирида турдим. Уйча ҳовли саҳнига қўйилган бўлиб, даричасидан бор ва уй асалариларини баҳузур томоша қиласдим. Уй асалариси Россиядагидай катакларда эмас, айланма де-

вөрлар кавагида сақланади. Ювош арилар эрталаблари  
Бўлка билан ўтирганда индамасди.

Бўлка уялар оралаб бетиним юар, искаланаар, ғўн-  
ғиллаганига қулоқ солар, бироқ тегинмас эди.

Бир куни эрталаб сувдан қайтиб шийпончада қаҳва  
йчиб ўтирадим. Бўлка ёнимда қулғенини қашишга туш-  
ди, бўйинбоғини шақирлата бошлади. Арилар безовта-  
лангач, мен Бўлканинг бўйинбоғини ечиб юбордим. Шу  
пайт тоғ тарафдан сирли, қўрқинчли овозлар эшитилди.  
Итлар тинимсиз акиллар, вовуллар, одамлар бақирар,  
шовқин-сурон посёлкага тобора яқинлашар эди. Бўлка  
қашинишдан тўхтаб япалоқ бошини олд панжалари  
орасига қўйди, узун тилини осилтирди-да, сергак тура-  
верди. Шовқин қулоқларига кирганда ниманидир сезди  
чоғи, бирдан қулоқлари диккайди, тишларини ғижир-  
латди, ва сакраб туриб, ириллай бошлади. Овозлар эн-  
ди яқиндан келарди. Шаҳар итлар вовуллаши ва акил-  
лашига тўлган эди. Мен қўра эшигига, уй бекаси ор-  
қасидан чиқдим.

— Нима экан? — сўрадим бекадан.

— Қамоқдаги бандилар кучукларни савалашяпти,—  
тушунтирди у.— Кучуклар беҳад кўпайгани учун ша-  
ҳар бошлиқлари уларни уришга фармойиш берган.

— Кўлга тушгудек бўлса, Бўлка ҳам соғ қолмас  
екан-да.

— Улар бўйинбоғли итларга тегинмайди.

Гапимиз тугар-тугамас, қўрамиз олдида бандилар  
пайдо бўлдилар. Олдида аскарлар, орқада оёғига кишан  
солинган тўрт банди келарди. Иккиси узун темир ил-  
моқ, иккиси қўлига тўқмоқ кўтариб олган. Шундоқ эши-  
гимиз олдида банди бир дайди кучукчани илмоғида ту-  
тиб кўча ўттарогига тортиб, бошқа банди эса савалай  
кетди. Кучукча қўрқинчли равишда ишгиллади, банди-  
лар нимадир дея бақириб, хохолай бошладилар. Илмоқ  
ушлаган банди кучукчани ёнбошига ағдарди, қараса,  
бечора жон берибди. У илмоғни тортиб одди-да, ён-ве-  
рига аланглаб ўлжа қидирди. Худди шу он Бўлка айиқ-  
қа ташлангани каби елдек учиб келиб, бандига таш-  
ланди. Унинг бўйинбоғсиз экани ёдимга тушиб:

— Бўлка, қайт! — дея унга ва бандиларга бақирдим.

Банди пинагини бузмади, хохолаб кулиб, итни ил-  
ғагига илинтириду дарҳол тиззасига босди. Бўлка юл-  
қиниб кўрди, банди уни баттар қисаркан, шеригига қич-  
кирди:

— Қани, ур!

Яхшиям, бандининг тўқомоги жойига тушмади, тушганида Бўлкамиз тамом бўларди. Кучук кучи борича бир силтанган эди — териси шилиниб, илмоқдан қутулади. У қисилган думию оёри оғриғига қарамасдан қўрага отилиб, тўшагим ичига кириб кетди.

Бўлка териси илмоқнинг нобон жойига тушгани учун бир ўлимдан қолган эди.

## БЎЛКА ВА МИЛТОННИНГ ҮЛИМИ

Бир вақтнинг ўзида Бўлка ва Милтондан ажраидим. Кекса казак Милтонни қуш овига элтиш ўрнига тўнгиз овига бошлаб борибди. Уша кузда секач<sup>1</sup> тўнғизча унинг қорнини ёриб ташлабди, қорнини ҳеч ким тиколмагач, у ўлган. Бандилар дастидан базур қутулган Бўлка ҳам узоқ яшамади. Сал ўтмаёқ у зерикадиган, қўлга тушган нарсани ялайдиган бўлди. Бироқ бу эркалашга ўхшамас эди. Қўлимни узоқ ялаб-юлқар, тилини теккизib туарар, кейин тишлашга ўтарди. Ахийри, унга қўлимни бермайдиган бўлдим. Бўлка этигимни, стол оёқларини ялади, сўнг тишлашга ўтди. Бу ҳол икки кунга чўзилди, учинчи куни у йўқолди. Шу бўйи қорасини кўрсатмади.

Уни ўғирлаб бўлмасди, мени ташлаб кетишига ҳам ишонмасдим. Бу ҳодиса бўри тишлаганининг олтинчи ҳафтасида рўя берганди. Бўри қутургани ростга ўхшаб қолди. Бўлка ўзи қутурганини билиб қочиб кетди. Овчилар тилида бу стечка дейилиб, қутурган бўри сўлаги итнинг қонига ўтганди. Шунда бўйнидан бир нарса бўғиб турари, у сув ичолмаганидан томир тортишиши баттар кучаяди.

Ташналик ва оғриқ азоби қутурган ҳайвонни эсдан кеткизгач, у тишлагиси келади. Бўлка ялаб-юлқагани, кейинроқ қўлимни ва стол оёғини тишлаганида ўша бўғилиш намоён бўлган эди.

Мен округни айланиб, Бўлкани суриштирдим, аммо дарагини тополмадим. Қутурган итларга ўхшаб одамларни тишлаганида балки у ҳақда эшитган бўлардим. Балким овлоқ жойига қочиб кириб, ёлғизликда ўлгандир. Овчиларнинг айтишича, қутурган ақлли итлар ўтлоқзор ё ўрмондан гиёҳларни излайди, уни топгач, тоза

<sup>1</sup> Секач — ўткир сўйлоқ тишлари қадримаган икки ёшли қодон (Л. Н. Толстой изоҳи).

шабнамли майсазорга чўзилиб, ўзини даволайди. Афтидан, Бўлка даволана олмади ва ўша кетганча, ёномдараксиз йўқолди.

## БОЛАНИНГ ЎРМОНДА МОМАҚАЛДИРОҚДАН ҚЎРҚИБ ҚОЛГАНИ ҲАҚИДАГИ ҲИҚОЯСИ

Болалигимда бир куни мени қўзиқорни териб келиш учун ўрмонга юбориши. Мен ўрмонга етиб қўзиқорин тердим, уйга қайтмоқчи бўлиб турганимда қоронғи тушди ва ёмғир қўйди. Момақалдироқ гулдираганда қўрқиб кетганимдан улкан эман дарахти тагига ўтдим. Ҷақмоқ шунаقا ярқираб кетдики, қараганда кўзларим қамашди. Мен кўзларимни юмиб олдим. Бошим тепасида нимадир қарсиллади ва гумбурлади, нимадир бошимга келиб тушди. Мен йиқилдим ва ёмғир тингунча қимирламай ётдим. Кўзимни очганимда дарахтлар сувга чўмилар, қушлар сайрап ва қуёш жилмайиб турарди. Улкан эман синиб, шохчалари сочилиб ётар, дарахт кавагидан тутун бурқисиди. Жиққаҳўл кўйлагим баданимга ёпишган, бошимдаги ғуррам оғриб турарди. Мен қалпоғимни ердан топдим ва саватни кўтариб, уйга югурдим. Уй бўм-бўш эди. Стол устидаги ионни олиб, печга<sup>1</sup> чиқдим. Бир вақт уйғониб пастга қарасам, қўзиқоринларни қовуриб емоқчи бўлиб туришибди.

— Нега менга бир оғиз айтмай еяпсиз? — бақирдим уларга.

— Ҳадеб ухлайверасанми? — дейишди уйдагилар.— Тезроқ тушгин-да, еб ол.

## ХОЛАМНИНГ ТИКИШНИ ҚАНДАЙ ЎРГАНГАНИ ҲАҚИДАГИ ҲИҚОЯСИ

Олти яшарлигимда ойимдан тикиш учун бирон нарса беришларини илтимос қилдим. Ойим: «Сен ҳали кичкинасан, бармоғингга игна кириб кетади», десалар ҳам кўнмадим. Ахийри, ойим сандиқни очиб, қизил лахтак олдилар, иғнага қизил ип ўтқаздилар-да, сўнг игнани қандай ушлашни ўргатдилар. Мен тика бошладим. Би-

<sup>1</sup> Пе чъ — устида ётадиган ғишитли тўртбурчак рус печкаси наазарда тутилмоқда (таржимон).

роқ чокларимнинг бири катта, бири латта четидан чиқиб кетарди. Ҳатто бир гал бармоғимга игна санчилди, мен йигламасдиму ойим: «Сенга нима қилди?» деб сўрайвергач, ўзимни тутолмай йиглаб юбордим. Шунда ойим ўйнаб келгин деб, мени кўчага кузатдилар.

Кечқурун уйқуга кетар эканман, тиккан чокларим иўз ўнгимдан нари кетмасди, тикишни барвақтрок ўргакиши жуда ҳоҳласам-да, бундай мушкул юмушни уддалаш қўлимдан келмайди, деб қўрқардим. Мана, улғайдим, тикишни қандай қилиб ўрганганим ҳам ёдимдан кўтарилибди. Қизимга тикишни ўргатар эканман, и gnani uшлай олмаганини кўриб хуноб бўламан.

## МУШУКЧА

Ака-сингил Вася ва Катяниг мушуклари бўлгучи эди. Баҳор кунларидан бирида мушукча йўқолиб қолди. Болалар узоқ қидиришса ҳам унинг дарагини топишолмади. Бир куни улар омборхона атрофида ўйнаётib, тепада мушук миёвлаганини эшилдилар. Вася дарҳол нарвонни топиб, омборхона томига чиқди. Синглиси бўлса пастда туриб, уни бетиним саволга тутарди.

— Ҳа, топдингми? Айт, топдингми?

Вася миқ этмасди. Охири тепадан садо келди:

— Топдим! Ўзимизнинг мушук! Болалари бор экан. Шунақаям чиройлики... Чиқ, кўрасан!

Катя хушхабарни эшитиб, уйга югурди ва мушуғига сут кўтариб келди.

Мушук болалари бешта эди. Мушукчалар болохона деворига тирмашадиган бўлгач, куранг бир мушукчани ўзларига олиб қолишибди. Бошқаларини ойиси болаларга улашиб берди. Ака-сингил мушукчани сут билан сийлашар, у билан ўйнашар ва бирга ухлашар эди. Кунлардан бир куни Вася ва Катя кўчага ўйнагани чиқаётib, мушукчани ҳам олиб кетишибди.

Шамол йўл ёқасида ётган похолларни ўёқдан-буёққа тўзғитар, мушукчанинг похол устида ўйноқлаб юрганини кўрган болалар беҳад завқланар эдилар. Кейинрек улар йўл ёқасидан шовул теришга берилиб кетиб, мушукчани унундилар. Бақириқ-чақириқ овозлари ака-сингилни сескантариб юборди:

— Ҳў, қайт! Қайт дейман сенга!

Қарашса, бир отлиқ келяпти, олдинда эса икки ит мушукча томон елиб боришарди. Мушукча қочмасдан

елкасини буқчайтириб ўтирас эди. Катя итлардан кўр-  
қиб ўзини панаға олди, акаси мушукчани қутқаришига  
жон-жаҳди или ошиқди ва итлар етдим деганда ўзини  
мушукча устига ташлаб, ҳимоя қилди.

Шу вақт оғчи етнб келиб итларини ортига қайтар-  
ди. Вася омон қолган мушукчасини кўтариб, уйга раво-  
на бўлди. Уша-ўша мушукчани далага олиб чиқмади-  
лар.

## САФИР БОЛА

Бир камбағал аёлнинг Маша исмли ёлғиз қизчаси  
бор эди. Эрталаб Маша сувга бораётуб, эшик тагида  
латтага ўралган бир нарсани кўриб қолди. Челагини  
дарҳол ерга қўйиб, латтани оча бошлади. Шу маҳал  
кимдир чинқириб юборди:

— Инга-а! Инга-а! Инга-а-а!

Маша пастга эгилиб, жажжи чақалоқни кўрди. Ча-  
қалоқ баттар йиғлай бошлади.

— Инга-а-а! Инга-а-аа!

Қизча чақалоқни авайлаб кўтариб, уйга кирди-да,  
унга қошиқда сут ичириб қўйди.

— Нима кўтариб келдинг, қизим? — деб сўради  
онаси.

Маша бийрон жавоб берди:

— Чақалоқ, ойи. Эшигимиз тагида турган экан.

— Қизим, шундоғам қашшоқмизу гўдакни қандай  
боқамиз? — деди ойиси ранжиб. — Мен бошлиқقا ки-  
риб, болани олиб кетишларини ундан сўрайман.

— Ойижон, озгина овқат ейди у, — деди Маша  
йиғламсираб, — илтимос, олиб қолайлик. Кўл-оёқчаси  
бекиримлигини қаранг, ойижон!

Она чақалоқقا қарадию ичи ачишиб кетди. Қизига  
розилик берди. Машанинг боши осмонга етиб, чақалоқ-  
нинг қорнини тўйғазди, йўргаклаб қўйди, ухлаш олди-  
дан эса унга алла айтиб берди.

## СИГИР

Бева Мария онаси ва олти боласи билан зўрға қун  
кечиради. Улар сўнгги тангаларигача сарфлаб, бо-  
лаларга сут бўлсин учун сигир сотиб олишди. Каттароқ  
болалар Тарғилойни далага ҳайдашар, уйда ювиниди

**Б**ериншарди. Бир куни оиси құрага чиққанини күргаң тұнғич Миша нон излаётіб стаканни синдириб қўйди. Миша онаси уришишидан қаттық қўрқиб, стакан сининг каттароқ бўлакларини девор орқасидаги гўнгга кўмди, майдароқларини йигиб ювинді челагига ташлади. Барибир, оиси стакан йўқолганйни билиб, болаларини тергади, аммо Миша индамади. Сир сирлигича қолди.

Эртаси куни пешин маҳали она Тарғилой олдига ювиндиларни қўйганди, у қайрилиб қарамади. Сигирни даволаб кўришди, бўлмагач, кампирни чақиришди. Гўштга сўймаса ўлиб қолади, деди кампир уни кўриб. Бир амакини шошилич чақириб келишди. У сигирни йиқитди ва бўғзига пичоқ тортиб юборди. Тарғилойнинг бўкиргани девор орқасидаги болаларга эшитилиб туради. Улар печка гирдида йиғилиб унга кўз ёши тўкишди. Қассоб сигирни сўйиб, терисини шилгач, уни нимталайтганда томоридан стакан синиқлари чиқса бўладими?! Ювинді челагидаги шиша синиқларини ютиб у ўлган эди. Миша бу гандан огоҳ бўлгач, йиғлаб айбини бўйнига олди. Она тұнғичига қараб деди:

— Тарғилойни ўз қўлимиз билан ўлдирибмиз, ўғлим, энди янгисинни қайдан сотиб оламиз? Сут-қатиқсиз укаларинг куни не кечади?

Сигир каллашўраси қайнаган кеча Миша ўзини ортиқ тутиб туролмади. Қассоб амаки бўйнидан қон оқаётган ўлик сигирни шохидан кўтариб ўтгани тушларига кириб чиқди.

Улар сут-қаймоқсиз қолдилар. Фақат байрамлардағына Мария ҳамсоянлардан сут сўраб оларди. Ўша дамда қўшни қишлоқдан бир бекач хоним энага сўраб келди. Бу уларнинг жонига ора кирди. Кампир дарҳол қизига маслаҳат солди:

— Энагаликка борсам чи? Узинг болаларингни амаллаб турарсан, қизим. Худо хоҳласа бир йилда сигирга яраша пул топаман.

Кўна қолишиди. Кампир ўша бекач хоним уйига ёлланди. Мария ёлғиз ўзи анча азобларни бошдан кечирди. Болалар кисель ва бўтқа еявериб, озиб кетишиди. Орадан бир йил ўтгач, кампир йигирма сўм ишлаб қайтди.

— Ма, қизим, — деди у қизига пулни узатиб, — бунга сигир сотиб оламиша.

Мария беҳад қувонди, болаларининг қувончи чеки йўқ эди. Сигир сотиб олишга тадорик кўра бошладилар.

Бозор куни ҳамсоя хотинга болаларни топшириши, эри Захар амакини сигир танлаб беришга кўндирилар. Чўқиниб олиб, учалови шаҳарга жўнашди. Тушликдан кейин болалар шовқин солганча катта кўчага отландилар. Янги сигирни узоқ кутишга тўғри келди. Сигирнинг ранги қўнғирмикан ё оқмикан — шу ҳақда анча баҳслашдилар. Қандай боқишини ўзаро келишиб ҳам олдилар. Шундай қилиб, болалар кечга довур кутишиди. Улар бир чақирим жойгача боришиди-ю, қоронгу тушганлиги туфайли яна орқага қайтишиди.

Ахийри, арава кўринди. Аравада кампир, пастда ола сигир, орқароқда ойилари хивич кўтариб келарди. Болакайлар чопқиллаганча пешвуз чиқиб, сигирни обдон томоша қиласидилар. Уйга келгач, сигирнинг олдига емиш ташлашди. Ойилари кийимини алмаштириб, чеълак ва сочиқ кўтариб чиқди. У сигирнинг елинини артди ва «ёмон кўздан худо асрасин» деб пичирлади, соғишга киришди. Болалари онанинг бармоқлари орасидан тизиллаб чеълакка тушаётган сутдан кўз узмай турдилар. Чеълакча ярим бўлгач, она уни ертўлага элтди. Кечга яқин хурмачада пишириб, болаларининг олдига қўйди.

## МУЖИКНИНГ АКАСИНИ ЁҚТИРИШИ САБАБИ ҲАҚИДАГИ ҲИҚОЯСИ

Мен шундоғам акамни яхши кўраман, айниқса, аскарликка ўрнимга борганидан кейин жудаям меҳрим ошиб кетди. Воқеа бундай бўлганди: таомилимизга биноан қуръа ташлаганда, у менга тегди. Демак, аскарликка мен боришим лозим. Ушанда, атиги бир ҳафта бурун уйланган эдим, қаллиғимни ташлаб кетишга ҳеч кўнглим бўлмасди.

Онам ҳам обидийда қила кетди:

— Петрушка ҳали жуда ёш-ку, аскарликка қандай чидайди?

Аммо боришдан ўзга чора қолмаган эди. Қаллиғим кўйлагимни тикиб, пул йифди. Онамнинг менга қараб ўкириб-ўкириб йиғлаганини кўриб, худди ўлимга тик юбораётгандай ҳолатни туйдим.

Шом чоғи дастурхон атрофида йиғилдик. Ҳамманинг иштаҳаси бўғилган эди. Акам Николай печка устидан тушмади. Қайлиғим изиллаб йиғлар, отамнинг қовоғи

солиқ әди. Онам бүтқани столга қўйганда, ҳатто унга қўл узатишмади. Николайни овқатга чақирдилар.

Акам оҳиста пастга тушгач, чўқинди, сўнг курсига чўкди-да, деди:

— Ҳадеб куйинаверма, онажон. Ёшим Петрушкани-кидан улуғроқ, аскарликка ўзим бораман. Ҳавотир олманглар, омон қайтаман. Ҳизматни тугатган заҳоти уйга югураман. Сен, Пётр, ота-онамизга яхши қарагин, янгангни ранжитмагин.

Бу гапдан жуда қувондим, онамнинг кўзёшлари ҳам тинди. Биз Николайнинг кийим-бошларини тахлай бошладик.

Мен барвақт уйғондим. Қарасам, акам кийимларини кийиб, йўлга чиқяпти. Рости, ўзимни жуда ноқулай сездим.

— Николай,— дедим акамга, — қўй, галим экан, ўзим аскарликка бораман.

Лекин Николай индамай кийимларини йифиширова-верди. Мен ҳам шундай қилдим. Биз олдинма-кейин шаҳарга жўнадик. У ерда бирга саф тортдик. Келишган, соғлом йигитлар эмасмизми, яроқсизга чиқарма-син-да, деб ўтиридик.

Акамнинг сабри тугади чоғи, менга кулимсираб деди:

— Бўлди, етар, Петъка, уйга қайт энди. Менсиз зе-рикмасдан яхши ўтиринглар.

Инглан кўйи акам билан хайрлашиб, уйга қайтдим. Ҳозир акам ёдимга тушганда, унга жонимни беришга рози бўламан.

## ЯКОВНИНГ ИТИ

Ўрмон қоровули Яковнинг етти яшар ўғли, беш яшар қизчаси ҳамда оқ тумшуқли баҳайбат пахмоқ ити бор әди.

Бир куни қоровул ўрмонга кетатуриб хотинига болаларга кўэ-кулоқ бўлишини тайинлади. Чунки тун бўйи бўрилар итларига ташланиб чиқсан әди.

— Ўрмонга асло бора кўрманглар! — дея уқтириди она болаларига, ўзи эса ишга уннаб кетди.

Ойисининг банд эканлигини кўрган бола синглиси-га деди:

— Кеча ўрмонда пишган олмаларни кўрувдим. Бо-риб оламизми?

— Бўнти, борамиз, — кўнди синглиси.

Уй юмушларини бажариб бўлгач, она болаларини чақирди. Бироқ келишмади. Улар яқин атрофда кўринмасди. Шу маҳал эри қайтиб келди.

— Болалар қаёқда? — деб сўради у хотинидан.

Хотини елка қисди. Эри унга ўшқирганча болаларини излашга тушди. Кутимагандага итнинг акиллашини эшишиб, ўша тарафга чопди. Бориб қараса, болалари панада йиглашмоқда, бўри эса итни сиқувга олиб, гажишга ўтибди. Қоровул ойболтани олдию бўрини чопиб ташлади. Кейин болаларининг қўлидан ушлаб, уйга шошилди. Уйга етиб келишгач, хотини эшикни ичкаридан қулфлади. Овқатга ўтиришди. Бирдан эшик ортида итнинг фингшигани эшитилди. Ҳовлига чиқиб итни уйга киргизмоқчи бўлишди, ит эса қонга беланган, юришга мажоли қолмаган эди. Болалар унга сув ва нон беришди. Бироқ у на сув ичар, на овқатга қарап, қўлларини ялаб қўярди, холос. Сўнгра ёнбошига ётди ва фингшишдан тўхтади. Итимиз ухлаб ётибди, деб ўйлашди болалар. Ит эса ўлган эди.

## ЕНФИН

Иифим-терим мавсуми эркагу аёллар далада ишлашар, қариялару болалар қишлоқда қолишган эди. Бир кулбада кампир уч набираси ила қолди. Кампир печкани ёқди ва баҳузур оёғини узатди. Аммо пашшалар чақавергач, юзига сочиқ ёпиб, уйқуга чўмди. Шунда уч ёшли Маша печка олдига келиб, олов чўғидан хонандозга озгина солди ва уни олиб даҳлизга ўтди. Даҳлизда пичан боғлари уйиб ташланган эди. Маша пичан тагига чўғни ташлаб, пуфлай бошлади. Пичан ёнди, буни кўрган Маша бир ярим яшар укасини кўтариб келди.

— Қара, Килюска,— мақтанди у, — ўзим ёқдим!

Пичан ғарами чирсиллаб ёнарди. Даҳлиз тутунга тўлгач, Маша уйга қочиб ўтди.

Кирюшка ўтаётганда бўсафага қоқилиб йиқилди ва бурнини уриб олди. Маша йиглаётган укаси билан кулбадаги чорпоя тагига беркинди. Кампир маст уйқуда ётарди. Саккиз ёшли тўнғич невараси кўчада ўйнаётиб, даҳлиздан тутун ўрлаётганини кўриб қолди. У кулбага отилиб кириб, бувисини уйғотди. Эс-ҳушини йўқотган

жампир набираларини қўйиб, одамларни тўплаш учун кўчага чопди.

Кирюшка ҳамон чорпоя тагида бурнини ушлаб йифларди. Ваня у ерга тезда етиб келиб Машага қичқирди:

— Тур, турсанг-чи, ёниб кетасан!

Маша олов ва тутун орасидан ёриб ўтмоқчи бўлдию журъат этмади. Шунда Ваня шартта деразани очиб, синглисини сакрашга мажбур қилди. Қизча сакради. Кейин Ваня Кирюшкани кўтариб олди. У инжиқлик қилар, акасини итариб ташларди. Ваня дераза олдига етгунча икки бора йиқилиб тушди. У ўтиши ҳамон эшик гуриллаб ёнди.

Бироқ Кирюшка туширишга қўймади, акасига маҳкам ёпишиб олди. Шунда Ваня Машага бақирди:

— Бошидан тортиб ол! — ўзи эса орқа тарафдан итарди.

Укаларини деразадан кўчага тушириб бўлгач, ўзлари ҳам сакрашди.

## ҚИРЧАНГИ

Кишлоғимизда Пимен Тимофеич деган тўқсон ёшли қария бўлиб, у набирасининг уйида яшар эди. Чол ҳассага таяниб, оёғини базўр судраб юрарди. Тишлари тушган, юзини ажин қоплаган эди. Юранида ҳам, гапирганда ҳам нуқул пастки лаби қимиirlар, гапини ҳеччам тушунолмасдик.

Биз, тўрт ака-уканинг жони дилимиз отга миниш эди. Фақат Воронок лақабли ювош қирчангигина ихтиёrimизга берилган эди.

Кунларнинг бирида ойим ижозат бергач, амаким билан бирга отхонага ўтдик. Аравакаш отни згарлади. Шундан кейин тўнғич акам унга миниб олди. Сарой ва боғларни кезиб, ортига қайтганида унга:

— Бўлди, бўлди, туш энди, — деб ҳаммамиз бақирдик.

Уртанча акам ҳам Воронокни савалаб, тепалик томон ҳайдади. Жуда узоқ мингиси келдию бироқ кенжা акам рози бўлмади. Қичкина акам кўп юрди. У қишлоқни озгина айланаб, отни йўрғалатганча отхонага ўтганида Воронок ҳарсиллаб қолган, бўйни ва биқинлари терга ботган эди.

<sup>1</sup> Қирчангиги — қари от (тарж).

Ниҳоят, менга навбат тегди. Акамларга яхши от ми-ниш қанақа бўлишини кўрсатиб қўйиш истаги туғилди. Мен отни ниқтадим, аммо у отхонадан бир қадам сил-жимади, қўрққанча депсиниб тураверди. Фазабга ми-ниб, хивчин ва оёғимда уни савалашга тушдим. Мен атайлаб оғрийдиган жойларига туширадим. Хивчин сингач, унинг соғ қолган бўлаги билан бошига sola бошладим. Лекин Воронок юришни хоҳламас эди. Мен ортга қайтариб, амаким олдига бордим-да, қаттиқроқ хивчин беришини сўрадим. Отнинг афт-ангорини кўриб, амакимнинг авзойи бузилди.

— Ҳали кўп минасиз, бўтам, қани отдан тушинг, — деди амаким буйруқ оҳангода. — Отга бунча азоб бе-риш ярамайди.

— Ахир, мен ҳечам минмадим-ку? — дедим хафа бўлиб. — Отни қандай йўрттиришимни кўрмадингиз-ку! Менга тузукроқ хивчин беринг. Уни шундай савалайки...

Амаким бошини лиқиллатиб туриб деди:

— Э бўтам, сизда инсоф йўқ экан-да. Бечорани савалайдиган ҳоли қоптими? Ахир, у йигирмага кирган. Отга роса азоб берибсизлар, қара, зўрға нафас оляпти. Үзи жуда қари эди, шунақаям қарики, худди Пимен Тимофеич дейсиз. Сиз Пимен бобо устига чиқиб, жон жаҳди-ла саваласангиз қалай бўларкин? Ҳа, раҳмингиз келмасмиди?

Пимен бобони эсладим ва амаким гапига қулоқ сол-дим. Отдан тушгач, терлаган биқини, думини дам-ба-дам лиқиллатишини кўриб, отга жавр қилғанимизни ту-шундим. Унинг менга ўхшаган ёш-қувноқ даври ўтиб кетганди-да. Воронокга раҳмим келганидан терга бот-ган бўйнидан қучоқлаб ўпдим ва бояги тепганларим учун ундан кечирим сўраган бўлдим.

Мен улғайганимда отларга раҳмдил бўлиб қолдим. Мабодо отларни савалаётганлари устидан чиқиб қол-сам, Воронок ва Пимен Тимофеични эслаб кетаман.

## АСКАР ҲАЕТИ

Қишлоқ четидаги бир кулбачада онам, бувим, опам ва мен фақирона яшардик.

Бувим доимо эски кенг кўйлак кияр, бошига рўмол-ча тутиб, бўйни пастрофида халтacha осиб юради. Бувим мени онамдан кўпроқ яхши кўярди.

Отам хизматда эди. Айтишларича, кўп ичгани туғайли уни аскарликка юборишган экан. Отамнинг таътилга келгани кечагидек ёдимда. Тор кулбанинг ўртасида икки деворига ходани тиргович қилиб қўйишган эди. Менинг кийимим тирговучга илиниб қоқилдим ва чорпояга пешонамни урдим. Эски ғурранинг ўрни ҳанузгача сақланиб қолган.

Кулбанинг икки деразаси бўлиб, бирига ҳамиша танда тиқиб қўйилар эди. Тўрт тарафи очиқ каталакдай ҳовли саҳнида ҳамиша эски тоғора турарди. Бир қари от, озғингина икки қўй, бир қўзичофимиз бор эди. Мен ҳаммавақт қўзичоқ билан бирга ётардим. Тирикчилигимиз нону сув эди. Уйдагилар ишламасди: ойим қорин оғриғидан шикоят қиласар, бувимнинг боши оғрир, у мудом печка ёндан жилмасди. Фақат опам ишилар, уям эрга чиқишига тайёргарлик кўрас, тонгтан-тутганига келинлик либосларини сотиб оларди. Эсимда, ойим касалмандроқ юрди-да, кейин ўғил туғиб берди. Уларга даҳлиздан жой ажратиши. Бувим ҳамсоялардан қарзга арпа сўраб, Нефёд амакини попга юборди. Опам эса чўқинтириш маросимига одамларни йиғгани югорди.

Халқ йиғилга, уч бўлак нон олиб чиқдилар. Қариндош-уруғлар дастурхон тузаб, қаердандир курси ичидаги сув билан ёғоч тоғора келтириши. Ниҳоят, руҳоний кириб келди. Кум ва кума<sup>1</sup> олдинда, Акулина хола эса орқароқда чақалоқни кўтариб олганди. Чўмилтиришгач, поп йўргакдаги чақалоқни қўлига олди-да, тоғорадаги илиқ сувга тушириди. Мен қўрққанимдан:

— Болани бу ёққа бер! — дея чинқириб юбордим.

Бувим бирдан чўчиб тушди.

— Жим тур, — деди у, — бўлмаса, ҳозир таъзирингни бераман.

Руҳоний чақалоқни уч марта сувга туширгач, Акулина холага берди, хола уни йўргакка ўраб, даҳлизда турган онамга юборди.

Маросим тугагач, стол атрофига жамулжам бўлдик. Бувим косаларга атала қўйиб, устидан ёғ солди ва одамларга улашди. Овқатни ейишгач, ўринларидан туриб бувимга раҳмат айта кетишиди.

Мен даҳлизга ўтдим.

— Ойи, оти нима? — сўрадим ойимдан.

<sup>1</sup> Кум ва Кума — насроний ақидаларига кўра, чақалоқни чўқинтириши маросими.

— Ъенини ҳима бўлса, уники ҳам шу-да, — жавоб берди у.

Чақалоқ өзғин, қўл-оёқчалари нимжонгина, йигланни-йиглаган эди. Мабодо кечаси ухлаб қолишса, чинқириб йиғлар, кейин бувим бечора алламаҳалгача алла, айтиб чиқарди. Бувим инқиллаб-синқиллаб юрса ҳам алла айтишга уста эди.

Бир куни кечаси ойимнинг йиғисидан уйғониб кетдим. Бувим ҳам ўрнидан сакраб туриб:

— Нима гап, нима бало урди? — деб сўради.

— Чақалоқ ўлди, — деди ойим.

Бувим дарҳол шам келтириб, гўдакни ювиб, тоза қўйлак кийгизди-да, авайлабгина ўраб қўйди. Кун ёришгач, бувим Нафёд амакини чақириб келди. У иккита эски юпқа тахтacha топиб, тобутча ясашга киришиди. Қичик тобутча тайёр бўлгач, ичига болани ётқизишиди. Ойим тобутча ёнига чўкиб, оятларни ҳазин овозда ўқигач, ўкириб-ўкириб йиғлади. Кейин Нефёд амаки тобутчани қўлтиғига қисиб, кўмиб келиш учун жўнади.

Шу бўйи опам турмушга чиққандагина оиласизда хурсандчилик бўлди. Ўша куни бизникига эркаклар бўлка нон ва винолар келтирдилар. Винодан онамга беришди. У ичди. Иван амаки унга нон бўлгадан узатди. Стол ёнида турганимдан жуда нон егим келиб кетди. Онамни имлаб, қулоғига шивирлагандим, у кулди, Иван амаки эса:

— Нима дейди, нонми? — деди-да, каттароқ нон бўлагини қўлимга кесиб берди.

Мен омборхонага югурдим, бу ерда опам турарди.

— Уйда эркаклар нимани гаплашишяпти? — деб сўради у.

— Вино ичишяпти, — дедим.

Опам кулиб туриб:

— Булар мени Кондрашкага унаштиргани келишган-ку, — деди.

Кейин тўйға тайёрлана бошладик. Тўй куни уйдагилар барвақт уйғонишиди. Бувим печкага олов ёқди, ойим пирог қорди, Акулина ҳола эса сигир соггани кетди.

Опам янги этикчаси, енгиз қизил қўйлагини кийди, чиройли рўмолини ўради-да, ҳеч иш қилмай бекор ўтираверди. Ўй исигандан кейин ойим ҳам кийиниб, ўзига андак оро берди.

Кейин эшигимиз олдига қўнғироқчаларини шақирлатганча уч жуфт от қўшилган аравалар келиб тўхтади. Орқасидагида узунчоқ шапка, янги йўл-йўл чакмон

күйган күёв Кондрашка ўтирад эди. У аравадаи туминб<sup>1</sup> кулба томон юрди. Опамга яп-янги пўстии кийғизим<sup>2</sup> күёв ёнига чиқардилар. Келин-күёв столга ўтиргач, кампирлар бахт-саодат тилашди. Улар ибодат бажо келтириб, ҳовлига чиқиши. Кондрашка опамни аравага ўтқазди, ўзи эса орқадаги аравага чиқди. Ҳамма жойлашгач, яна бир марта чўқинишиб, йўлга равона бўлишди. Мен кулбага қайтиб кирдим ва дераза олдида ўтириб тўйдан қайтишларини кутдим. Мен ойим берган нонни еб ухлаб қолибман. Бир пайт ойим туртиб турғизди:

— Келишяпти!

Ойим дарҳол қўлимга скалка<sup>1</sup> бериб, мени столга ўтқазиб қўйди. Уйга Кондрашка, опам, кетидан аввалидан ҳам кўп одам кириши. Кўча тарафда халойиқ деразадан кўз узмай ўтиришарди. Куёв жўра Герасим амаки яқинимга келиб:

— Қани, туш! — деди.

Кўрқанимдан тушмоқчи бўлгандим, бувим уришиб берди:

— Сен скалкани кўрсатиб: мана бу-чи, дегин!

Бувим айтганидек қилувдим, Герасим амаки стаканга пул солди, сўнг устидан вино қўйиб менга узатди. Стаканни олиб, бувимга тутқаздим. Хуллас, биз столни қуда тарафидагиларга бўшатиб бердик.

Дастурхонга вино, яхна гўшт қўйишди ва қўшиқрақсни бошлаб юбориши. Дастурхонга вино, яхна гўшт қўйишди ва қўшиқрақсни бошлаб юбориши.

Герасим амакига вино узатиши. У озгина ҳўплаб:

— Ҳаҳ, аччиқ экан, — деди.

Шунда опам Кондрашканинг қулоғидан тутиб, ўпа бошлади.

Биз узоқ вақт қўшиқ айтдик; рақсга тушдик, кейин меҳмонлар қўзғолиши. Кондрашка опамни олиб, ўйига жўнаб кетди.

Тўйдан кейин баттар қашшоқ яшай бошладик. От ва сўнгги қўйларни сотдик, кўпинча ейишга нонимиз ҳам қолмасди. Ойим қариндошлардан қарз сўраб турди. Кўп ўтмай, бувим қазо қилдилар. Шунда ойим бувим тобути устига ўзинӣ ташлаб: «Оҳ, азиз онажоним! Фаму кулфатларга кўмиб, мени кимга ташлаб кетаяпсан? Бу бахтсиз набираларингни кимга ишониб қолдир-

<sup>1</sup> Скалка — қадайн пўстложидан ясалиб, чеккасига гугурт қадалган чўмич.

динг? Ким энди ақлимни пешлаб туради, энди қандай яшайман?» деб уввос солиб узоқ йиглади.

Кунларнинг бирида болалар билан катта йўлга чиқдим. Отларни қўриқлаб борар эканмиз, елкасига сафар халтасини осган аскарга дуч келдик, ўртоқларим ёнига келиб:

— Қайси қишлоқдан бўласизлар, болалар? — деб сўради.

— Никольскдан, — дедик.

— Матрёна деган аскар аёли эсон-омон юрибдими? Мен дарҳол жавоб бердим:

— У менинг онам бўлади.

Аскар менга синчков назар ташлаб, саволга тутди:

— Отангни кўрганмисан?

— Отам хизматда. Кўрмаганман.

— Юр, кетдик, — деди аскар. — Матрёнага йўл бошла. Отангдан хат келтирганман.

— Қандай хат экан?

— Борайлик, кўрасан, — жавоб берди аскар.

— Майли, кетдик.

Биз йўлга тушдик. Аскар илдам қадам ташлар, унга етиш учун қариyb югуриб борардим. Мана, уйимизга ҳам келдик. Аскар оstonада чўқиниб олгач, салом бериб ичкарига кирди.

У шинелини ечиб ташлади ва дераза пештахтасига суюнганча кулбани кўздан кечирди:

— Нима, оиласда борингиз шуми? — деб сўради у.

Ойим гунгу лол, фақат аскардан кўзини узмасди. У яна сўради:

— Онахон қанилар? — ўзи эса йиғлаб юборди.

Шунда ойим аскар томонга интилди ва уни ўпа бошлиди. Кейин мен ҳам унинг тиззасига чиқиб олганча уни сийпалай бошладим. Отам йиғлашдан тўхтади ва юзида кулгу пайдо бўлди.

Бизникига одамлар тўпланишди. Отам ҳол-аҳвол сўрагач, уйга бутунлай қайtgанини айтди.

Молни ҳайдаб бўлгач, опам келиб, отам билан қулоқ очиб кўришди.

— Бу кимнинг дўндиқчаси бўлди? — деб сўради отам.

— Ўз қизингизни танимадингизми? — кулди ойим.

Кейин отам яна ёнига опамни чақириб ўпди ва турмуши қандайлигини сўради. Ойим тухум қайнатишга кетди, опамни эса винога югуртирди. Кўп ўтмай опам

қайтиб келиб, стол устига қофозга ўралган шишани қўйди.

— Нима бу? — сўради отам ҳайрон қолиб.

— Сенга, вино, — жавоб берди ойим.

— Йўқ, беш йилдирки, оғзимга олмайман, — деди отам, — қўймоқни бўлса, майли узат!

У чўқинди-да, столга ўтириб овқатланишга киришди. Бир зум ўтгач деди:

— Агар ичкиликни ташламаганимда, унтер-офицерлик даражасигача кўтарилимаган, уйга ҳам ҳеч вақо келтирмаган бўлардим. Ҳозир эса, худога шукр.

Шундай дегач, сумкасидан ҳамённи олиб ойимга узатди.

Ойим қувонганича пулни яширгани шошилди.

Одамлар тарқалишди. Отам орқадаги чорпояга чўзилиб, ёнига мени ётқизди, оёқ томонимизда эса ойим ётди. Улар жуда узоқ, ярим тунгача суҳбатлашдилар. Мен ухлаб қолибман.

Эрталаб ойим:

— Ия, ўтинимиз тугаёзибди-ку, — деди.

— Болта қани — борми? — сўради отам.

— Бору, фақат ўтмаслашиб қолган-да, ёмон.

Отам чориғини кийди-да, болтани кўтариб ҳовлига чиқди.

Мен орқасидан эргашдим.

Отам томдан ходачаларни тушириб, кунда устига қўйди, сўнг бирпасда майдалади-да уйга ташиди.

— Мана сенга ўтин, ёқавер, мен сотиб олишга кулбаю, ҳовлини ўраш учун ўрмондан ёғоч ахтараман, — деди отам. — Ҳали сигир ҳам сотиб олишимиз керак.

— Эҳ-ҳе, буларга кўп пул керак-ку! — деди ойим.

— Ишлаймиз-да. Ана, йигитча ҳам катта бўляпти! — имо қилди отам мени кўрсатиб.

Яна у чўқингач, озгина тамадди қилди, коржомаларави кийди ва:

— Агар тухуминг бўлса, қўрга кўмиб, тушлик тайёрла, — деди-да, йўлга тушди.

Отамдан анча вақтгача дарак бўлмади. Орқасидан қочиб кетмоқчи бўлувдим, ойим тутиб олиб урди. Мен печка устига чиқиб, йиғлашга тушдим. Шу он отам келиб қолди.

— Нега йиғлаяпсан? — деб сўради у.

— Орқангиздан бормоқчи эдим, ойим қўйиб юбормай мени роса саваладилар, — дедим ва баттар йиғлайвердим.

Отам кулганча ойимга жинлаши ва уни ёлғонда-  
кам дўппослади.

— Нега Федъкани урасан-а, нега урдинг? — дерди  
нуқул у.

Ойим ўзича йиғлаганди, отам кулди:

— Қара-я, сен билан Федъканинг обидийдаларинг  
тайёр, салга йиғлайверасизлар.

Кейин у стол ёнига мени чақирди-да:

— Қани, энди бизга овқат келтириб, Федяжон икки-  
мизнинг қорнимиз очқади, — деб бақирди.

Ойим бўтқа ва тухум келтирди. Учаламиз овқат-  
лангани ўтиридик.

— Хўш, уйча қанчага тушди, — деб сўради ойим.

— Саксон сўлкавойга сотиб олдим, арғувондан, ши-  
шага ўхшаб силлиқлигини бир қара, — деди отам. —  
Якшанбагача шошилма, вино сотиб олсак, мужиклар-  
нинг ўзи уйга келтириб ташлашади.

Уша пайтдан бошлаб, биз яхши турмуш кечира  
бошладик.





## Шодмонбек Отабоев таржималари

### ТУШДАГИ САЕХАТ

Отам шаҳарга жўнаётганда мен унга: «Отажон, мени ҳам олиб боринг», дедим. У: «Сенга шаҳарда нима бор, совқотасан?» — деди. Мен йиғлаб, орқамга қайтдим ва қазноққа чиқиб кетдим. Йиглай-йиғлай ухлаб қолдим. Тушимда қишлоғимиздан ибодатхонага элтадиган сўқмоқни кўрдим, дадам ана шу йўлдан кетаётганди. Мен унга етиб олдим ва биз шаҳарга бирга кетдик. Йўлда кетаётиб олдинда печканинг тутаб турганини кўрдим. «Отажон, бу шаҳарми?» — деб сўрадим. «Худди ўзи», деб жавоб берди отам. Печкага яқинлашганда кўрдимки, у ерда калава нон ёпишаркан. «Менга калава нон олиб беринг», дедим. Отам олиб берди. Худди шу ерда уйғониб кетдим, ўрнимдан туриб, қўлқопимни олиб, кўчага чиқдим. У ерда болалар муз устида, чангидча учишадиганди. Мен ҳам уларга қўшилиб чангидча учдим, то совуқдан дийдираф қолгунимча ўйнайдим. Уйга қайтиб, печкага чиқишим билан шаҳардан қайтган отамнинг шарпаси эшитилди. «Отажон, менга калава нон олиб келдингизми?» — деб сўрадим. «Олиб келдим», деди отам ва нонни қўлимга берди. Печкадан ўриндиққа сакраб тушдим ва суюнганимдан ўйноқлай бошладим.

## БЕДАНА ВА ПОЛАПОНЛАР

Деҳқонлар пичан ўришгаётган эди. У ерда — ўтлар орасида беданаңинг ини бор экан,

Бедана түмшугида емиш олиб келиб қарасаки, атроф ўриб, шип-шийдам қилинган. Боёқиш полапонлариға айтиби: «Болажонларим! Шўримиз қурийдиган бўлди! Энди миқ этмай, қимиrlамай ётинглар, кечқурун сизларни бошқа жойга кўчирман». Полапонлар эса пичанзорнинг ёруроқ бўлиб қолганидан қувонишиб, шундай дейишибди: «Онамиз қариб қолган-да, шунинг учун суюнишимизни ёқтиромайди». Полапонлар чийилаб, хуштак чалишибди.

Ҳашарчи деҳқонларга тушлик келтирган болакайлар чийиллашни эшишиб, полапонларнинг калласини узиб ташлашибди.

## ТОВУҚ ВА ОЛТИН ТУХУМ

Бир кишининг товуғи олтин тухум туғар экан. У олтини янаям кўпроқ бўлишини истаб, товуғини сўйибди. (Ичиди ғиж-ғиж олтин бўлса керак деб ўйлади-да). Аммо бу жониворнинг ҳам бошқа товуқлардан фарқи йўқ экан.

## ЮК

Икки киши йўлда кетишар, ҳар бирининг елкасида юки бор эди. Улардан бири тўхтамай кетаверди, иккинчиси эса юкини ерга қўйиб, дам олиш учун ўтирганинг ўтирган эди. У ҳар гал юкни елкасидан олишга ва яна қўйишга мажбур бўларди. Шунинг учун ҳам у шеригига қараганда кўпроқ чарчарди.

## СОҒИН СИГИР

Бир одамнинг сигири бўлар, у ҳар куни бир хумчадан сут берар эди. Сигирнинг эгаси уйига меҳмон чақирибди; меҳмонларга сут кўпроқ йиғилиб турсин деб говмишни ўн кун соғмабди. У ўнинчи кунда сигирим ўн хумча сут беради деб хаёл қилибди.

Аммо сигир биратўла сутдан қолиб, олдингидан ҳам камроқ соғдирадиган бўлибди.



## МУНДАРИЖА

### *Шодмонбек Отабоев таржималари:*

Үч айиқ . . . . .	3
Бургут . . . . .	5
Чумчуқ ва қалдирғоч . . . . .	5
Қуэғун ва унинг болалари . . . . .	6
Данак . . . . .	7
Эшак ва от . . . . .	7
Зоғча ва кантарлар . . . . .	8
Кекса бобо ва набира . . . . .	8
Арслон, айиқ ва тулки . . . . .	8
Үқимишли ўғил . . . . .	9
Арслон терисини ёпинган эшак . . . . .	9
Товуқ ва қалдирғоч . . . . .	9
Буғу ва унинг боласи . . . . .	9
Хизматкорлар ва хўроз . . . . .	10
Тулки ва эчки . . . . .	10
Бўри ва турна . . . . .	10
Үрдак ва ой . . . . .	10

Қуёнлар ва бақалар . . . . .	12
Нокларнинг асили . . . . .	12
Учта калава нон ва бир тешик кулча . . . . .	12
Бузоқча муз устида . . . . .	13
Лочин ва кўроз . . . . .	13
Фиҳ ва шоқоллар . . . . .	14
Чол ва ажал . . . . .	14
Тулки . . . . .	14
Чивин ва арслон . . . . .	14
От ва унинг эгалари . . . . .	16
Бодринг ўғриси . . . . .	16
Арслон ва тулки . . . . .	18
Икки ўртоқ . . . . .	18
Жон қуш . . . . .	18
Чумоли ва капитар . . . . .	19
Олтин сочли малика . . . . .	20
Арслон ва сичқон . . . . .	21
Тадбиркор дәҳқон . . . . .	22
Судома . . . . .	22
Бойқуш ва қуён . . . . .	23
Икки савдогар . . . . .	23
Вазир Абдул . . . . .	24
Бармоқвой . . . . .	25
Филипок . . . . .	26
Тошбақа ва бургут . . . . .	29
Тош . . . . .	30
Боб . . . . .	30
Елғончи . . . . .	31
Хотин ва товуқ . . . . .	31
Мерос тақсимоти . . . . .	32
Бақа ва арслон . . . . .	32
Фил . . . . .	32
Маймун ва нўхат . . . . .	32
Ниначи ва чумоли . . . . .	33
Бўри ва кампир . . . . .	33
Сичқон — қиз . . . . .	33
Қизалоқ ва қўзиқорин . . . . .	34
	35

Ҳинду ва инглиз	35
Нимча	36
Тулки ва узум	37
Балиқчи ва балиқ	37
Ит ва унинг сояси	37
Турна ва лайлак	37
Боғбон ва унинг ўғиллари	38
Сичқон	38
Бўри болаларини қандай ўргатади	38
Ота ва болалар	39
Пётр I ва деҳқон	39
Арслон ва кучукча	40
Тенг бўлинган мерос	41
Уч ўғри	42
Қарқара, балиқлар ва қисқичбақа	43
Типратикон ва қуён	44
Оға-инилар	45
Арслон, бўри ва тулки	47
Акула	47
Буғу	49
Руҳоний ва қароқчи	49
Буғу ва узумзор	51
Подшо ва бургут	51
Мушук ва сичқонлар	52
Деҳқон ва сув париси	52
Сув париси ва марварид	52
Бўри билан қўзичоқ	53
Қурк товуқ ва жўжалар	53
Оғир жазо	54
Подшо фуқаролари	54
Деҳқоннинг ғоз тақсим қилгани	55
Бўри ва камон	56
Қаналар	56
Қушлар ва тузоқ	57
Зоғча	58
Чавандозликни ўрганганим	60
Подшо ва кўйлак	62

Қамиш ва зайдун	62
Бўри ва деҳқон	62
Тулки думи	64
Худо ҳақиқатни кўради-ю, аммо айтавермайди	64
Адолатли қози	72
Илёс	75
Аэронавт ҳикояси	79
Сигир ва эчки	81
Шайтоннинг деҳқонни йўлдан өздиргани	82
Икки от	85
Фаройиб дон	85
Тангрининг амри вожиб	88
Қизалоқлар чоллардан ақллироқ	90
Хизматкор Емельян ва ғовак дўмбира	92
Кавказ асири	100

*Бахтиёр ОМОНОВ таржималари*

Сакраш	125
Бўлка (Зобит ҳикояси)	126
Бўлка ва тўнғиз	128
Милтон ва Бўлка	130
Тошибақа	130
Бўлка ва бўри	132
Пятигорскда Бўлкага нима бўлди?	133
Бўлка ва Милтоннинг ўлими	135
Боланинг ўрмонда момақалдироқдан қўрқиб қолгани ҳақидаги ҳикояси	136
Холамнинг тикишини қандай ўргангани ҳақидаги ҳикояси	136
Мушукча	137
Сафир бола	138
Сигир	138
Мужикнинг акасини ёқтириши сабаби ҳақидаги ҳикояси	140

Яковнинг ити . . . . .	141
Ёнғин . . . . .	142
Қирчанғи . . . . .	143
Аскар ҳайти . . . . .	144

*Шодмонбек Отабоев таржималари*

Тушдаги саёҳат . . . . .	152
Бедана ва полапонлар . . . . .	153
Товуқ ва олтин тухум . . . . .	153
Юк . . . . .	153
Софин сигир . . . . .	153

**Адабий-бадиий нашр**

*Мактабгача ва кичик мактаб ёшидаги болалар учун*

**БУРИ БОЛАЛАРИНИ ҚАНДАЙ ҮРГАТАДИ?**

**ХИКОЯ, ЭРТАК ВА МАСАЛЛАР**

*Ўзбек тилида*

Мусаввир Г. Аксенов

Расмлар мұхаррири О. Муинов

Техник мұхаррир Е. Толочкин

ИБ № 0366

Босмахонага 14.11.94 берилди. Босишга 16.05.95 рухсат этилди. Бичими  $84 \times 108\text{'}/_{\text{o}}$ . Босма қоғози, Адабий гарнитураси. Шартлы босма табори 8,4. Нашриёт табоқ ҳисоби 8,99. Шартлы бүёқли босмада нашр ҳажми 8,82. 30 000 нұсқада. 13—91 шартнома. 4438 буюртма. Баҳоси шартнома асосида.

Чўлпон нашриёти, 700129. Тошкент шаҳри, Навоий кўчаси, 30. Ўзбекистон Республикаси Давлат матбуот қўмитасининг 1-босмахонасида босилди. 700002, Тошкент, Сағбон кўчаси, 1-беркўча, 2-йи.

**Толстой Л. Н.**

Бўри болаларини қандай ўргатади?: Ҳикоялар,  
эртаклар, масаллар: (Мактабгача ва кичик мак-  
таб ёшидаги болалар учун).— Т.: Чўлпон, 1995.—  
160 б.